







47, 310/5

A L B E R T I
H A L L E R I

*Domini in Goumoëns le Jux & Eclagnens.
Præsid. Societ. Reg. Gætting. Præsid. Societ. Oeconom. Ber-
nensis; Sodal. Acad. Reg. Scient. Paris. Acad. Imp. Nat.
Cur. Boruss. Suec. Bonon. Arcad. Acad. Reg.
Chirurg. Paris.
Soc. Reg. Brit. Bot. Flor. Bavar. Helvet. Carniolic. Hafniens.
Coll. Med. Edimburg. In Supremo Senatu Reip. Bernensis
ducentum Viri.*

D E
P A R T I U M
C O R P O R I S H U M A N I

P R Æ C I P U A R U M
F A B R I C A E T F U N C T I O N I B U S
O P U S Q U I N Q U A G I N T A A N N O R U M,

T O M. V.
S E C R E T I O H U M O R U M.



B E R N Æ & L A U S A N N Æ ,
E X P R E L I S S O C I E T A T U M T Y P O G R A P H I C A R U M.

M. DCC. LXX. VIII.



V I R O I L L U S T R I
JOHANNI VIVENZO
ARCHIATRO REGIS UTRIUSQUE SICILIÆ

ADDICTI ANIMI SUI
M O N U M E N T U M

D. D. D.

H A L L E R U S.



P R Æ F A T I O.



EST ut veniam petam , Lector Benevole , quod & perbreve libellum hic reddam , & vix quidquam habentem mei. Quando hæc scripta sunt , anno fere 1753 , theoria *Bellini* , *Pitcarnii* , *Boerhaavii* per libros dominabatur , & per professorum pulpita. Etsi nunc , quæ potissimum ad L. VI. & hunc VII. pertinent , viderem veram demonstrationem non admittere , totumque meum laborem

non utilissime ponerem in librandis contrariis hypothefibus , quarum plerumque neutra recipi posset , nunquam tamen ausus fuiſſem omittere , quæ ubique aut docebantur , aut a *Franciſco Boiſſier* , aliisque nuperioribus aut Iatromathematicis , aut viribus phrenicis , & occultis qualitatibus addictis doctoribus refutabantur. Nunc multæ harum litium conquieverunt : novæ etiam hypothefes , aut ſevera a hypothefibus abſtinentia dominantur. In hoc ergo L. VII. cauſisque ſecreti incerto , neque in alio , organo certi liquoris non ſuſtinui porro quidquam rimari , tuerive aut refellere. Quæ ſcripſeram brevia , ea reliqui , novis hypothefibus bonam artem nolui obruere. Quæ de fabrica colorum dixi , ea ut vera , etſi forte non plena , immutata reliqui , cum nihil novi de iis organis nuper didicerim. Quæ de muco experimenta Ultrajeſti edita fuerunt , lubentiſſime legiſſem , nunquam

autem ad ea legenda pervenire potui, quæ
infausta sæpe libellorum academicorum fors
est. Ita vale, parceque sua peccata ultro
fatenti.

Bernæ 30. Octobr. 1777.



L I B E R S E P T I M U S .

S E C R E T I O .

S E C T I O I .

H U M O R E S .

§. I.

SECRETIONIS minus equidem latino nomine intelligitur ea corporis animati functio, qua, de communi sanguinis massa, alii, & a sanguine diversi, & a se ipsis varii, humores ea lege parantur, ut in qualibet ejus corporis particula idem constanter humor generetur. Multa in physiologicis obscura sunt, obscurius hac ipsa functione nihil. Omnia enim in minimis viscerum glandularumque quasi elementis aguntur, quorum fabrica neque sensuum auxilio, neque rationis meditantis acumini accessit. Sed neque experimentis valde locus est, quibus naturam imitantes deprehendamus: aut certe nondum quidquam hac quidem via tentatum fuit. Inde, cum hiatum aliquem in systemate homines ægerime admittant, factum est, ut hypothesis ædificaverit, quæ anatome fabricare recusabat. Sed ego hypotheses quidem hactenus non excludo, quin placere possint aliis, quæ mihi parum im-

Tom. V.

A

probabilia videntur : deinde quod femina sæpe veri , aut certe ad experimenta facienda prælucentes scintillæ , ex hypothefibus utiliter emicuerint. Firmi quidem promitto parum , in id maxime intentus , ne pro veris laudem , quæ non sint nisi probabilia ; lectori non longe dux futurus , ut tamen in errorem non abducam.

Ordinem eum videor utiliter fequi , quo humorum primum classes & variam indolem dotesque diversas recenseam : deinde organa , in quibus eorum humorum quisque de sanguine separatus secefferit. Ita fore speravi , ut aliquanto propius ad eam causam accederem , quæ facit , ut de sanguine definitus humor secedat , neque alius. Si enim in particula definitæ fabricæ & unice , & semper , idem suas per dotes pariter definitus humor nascitur , valde quidem mihi probabile videtur , in ea fabrica veram causam peculiaris indolis esse , quæ in eo humore est , qui ea in parte separatur. Propius utique ad verum accederem , si rectius , & plene , ea fabrica innotuisset , nunc tantum citra scopum subsistere necesse est , quantum a cognitione fabricæ distamus.

§. II. *Classes humorum.*

Nimis parca mihi videtur divisio , quam prius *Archibaldus Pitcarne* a proposuit , inde recepit Vir olim Cl. *Petrus Antonius Michelottus* b.

a De circulat. sanguin. per vas. mi. n. 19.

b De separat. humorum c. 2.

Sufficere putarunt hi quidem cel. viri, si crassos humores a tenuibus separarent. Paulo contractior contra mihi olim divisio placuit, quam quidem claro in naturæ historia auctori *Johanni Godschalk Wallerio* c; & sanguinem quidem omitto, de quo dictum sit: sed spirituosos etiam humores nimis ignoratos, nunc quidem prætereo. Superfunt, quæ olim d proposui, alii vero clari viri adoptarunt, genera humorum quatuor: *aquosorum*, *mucosorum*, *gelatinosorum*, *oleosorum*: hoc ordine eos humores enarro, quo ipsos natura evidenter producit. Aqua enim de terra sorbta, sive in foliis, sive in stipite, sive in semine hunc naturæ laborem requisiveris, in mucum primum perficitur, ex quo vegetabilia omnia prodeunt, in quem omnia resolvuntur. Ex mucu aliquanto major maturitas gelatinam, perfecta demum, in semine oleosam farinam parat d*. Eo itinere tritici farina ex aqua sensimque spissiori mucu nascitur. Sincerioribus his humoribus alios compositos mistosque addemus.

§. III. *Humores aquei.*

His humoribus commune est, aquae habere ad reliqua elementa rationem quam maximam, hinc expeditissime fluere, neque fila trahere. Ab igne iidem humores toti, fere minimo terræ

c *Hydrolog.* p. 79.

d* *Stephani Hales* est obser-

d *Comm. ad Praelect. Boerh.* vatio in *vegetable statics*.

Boerh. T. II. p. 411.

momento superstitē , dissipantur , neque ab alcohole vini , aut a meracissimis de metallico etiam sale stillantibus acidis liquoribus coguntur. Admixtas utique & ipsi terreas glebulas habent , & sales , & denique olei aliquid : Sed neque a fontium aqua ejusmodi firmiora elementa absunt. Eorum humorum in homine magna portio est. Aliqui de corpore amandantur inutiles , quos excrementa vocant , urina nempe , cujus in homine sano quidem natura nunquam spissabilis est , deinde perspirabilis a *Sanctorio* e appensa materies , deque pulmone exhalans *f* anima. Nam sudoris indoles misti generis est , cum ex oleo subcutaneo , ex sebo saepe glanduloso , & ex tenuiori aquula vasorum perspirantium componatur.

Sed etiam inter inquilinos humores , quos ad suos usus in corpore animalis natura reservat , sunt quibus praeter aquam parum omnino alterius indolis inest. Eo salivam refero , veriorē illam , aque mucō longe diversam , tum similem salivae pancreaticum humorem , & lacrumam denique , quae raris in occasionibus profundatur , perpetuo caeterum nares de oculis demissa irroret. Sed etiam in oculo purissima & pellucidissima aquula , & inter corneam membranam sentisque crystallinae anteriorem faciem effunditur ,] & in fibrarum intervalla ,

¶ Perspirabilis vapor frigido de fabric. glandul. p. 5. 6. Præ-
vitro susceptus in aquam mo- lect. T. III. p. 540.
dice falsam cogitur Boerhaave. f Idem ibid.

Sec7. I. HUMORES AQUOSI. MUCOSI. §

quibus haec ipsa lens componitur , & in vitrei humores cellulas , eademque corneae membranæ laminas inebriat. Neque specie caret veri , etiam alios , sed sensibus inaccessos , ejusmodi diaphanos latices passim per corpus animale latere : neque absque magna auctoritate forem , si nervum celeberrimum succum huc referrem.

§. IV. *Mucosi humores.*

Aliquantum ab aqua recente *mucus* differt , & ipsa aqua , quando stando vitium contrahit , viscidam una , mucique similiorem , naturam induit , inque vegetabilium vasis plerumque mucii dotes imitatur. Ab aqua mucus hætenus distat , quod minus fluidus se trahat , filaque ducat , & ad solida corpora fortiter adhaerescat. A frigore non congelatur , ut mucus animalis potentissime hiemis inclementiae resistat. In aere libero potius densatur , a phlogisto & ab aere inflammabili fluidior fit *g*. Caeterum cum aqua non facile miscetur *g*^{*} , in Cl. *Fordyce* nuperis experimentis , etiam si caloris vim addideris. Odore caret & sapore , & demum colore , nisi caerulei quiddam plerumque subesset. Pariter ab igne , & a fervida non cogitur , neque in albumen abit. A putredine adeo aliena *h* mucii natura est , ut integro anno adservatus

g^{*} *Moscati nuov. sperienz. Chirurgie T. I. p. 105.*
p. 30. *h* *Senac traité du cœur T. II.*
g *Memoire de l'Académie de p. 101. Quesnei l. c. Butt p. 14.*

absque faetore *i* manferit, nisi aqua dilueris. Pondus est quod aquae, aut aliquanto minus *k* quando aere purus est. Solidi elementi quam aqua plus habet, certe in nonnullis exemplis, ut siccatus, postquam aquam exhalantem amisit *l*, in crustas asperas, fragilesque abeat, grummi similes, neque cum aqua miscendas, nam de omnibus mucī generibus, deque urethrae mucō & intestinorum, experimentum non habeo. In omni mucō globulos oleo familiares olim *Gornius* *m* vidit.

Cum oleo non bene miscetur, cum mucilagīne ex plantis melius, quæ utriusque naturae particeps sit *n*. Nam in plantis universis, & in olivis ipsis, mucus in oleum abit. Virides viscidum mucum dant, maturae oleum *o*.

Chemica experimenta in mucō facta rara exstant. In calida induratur *p*, inque igne in carbonis speciem amburitur *q*: sed etiam lens crystallina, aliaeque aqueo succo ebriae corporis particulae, perinde ab igne mutantur.

Liquor de vino destillans, qui passim ignis phaenomena imitatur, etiam mucum aut non cogit *r*, aut leviter, sive purus fuerit, sive ars

i Comment. Acad. Scient. Petropol. v. XIV. p. 209.

k Senac l. c. ob admistum puto aerem, graviozem enim esse convenit, qui plus terræ contineat.

l Senac l. c. Boerhaave de fabric. gland. p. 10. Quesnæi æcon. anim. T. II. p. 347.

m Diss. de pituita n. 38.

n Obs. of a Soc. at Lond. T. I. ad fin.

o Lemery traité des alimens T. I. p. 308.

p Senac l. c.

q Idem ibid. p. 102.

r Andreas Rudiger, vel Christianus Adamus Gorn, quem titulus auctorem vocat, in diss. de pituita Lipsiæ ann. 1718. edita, & in Tomo VII. collectionis meæ recusa c. l. n. 18. Cogere tamen Cl. Laffus de lymph. p. 30.

modice fucato spiritui essentiae nomen imposuerit cum tamen gummi in aqua solutum cogatur. Qui de nitro, sale, alumine, vitriolo, acidi latices vehementiori igne eliciuntur, adeo meraci, ut vaporem in aerem conspicuum diffundant, ii pituitam adeo non cogunt, ut solvisse visi sint *s*, in Cl. *Fordyce* tamen experimentis lentescit; a debili vero acore non tangitur. A vitriolo tamen cupreo cogi dicitur *s**, & ab alumine *s***. Lixiviosi sales medique pituitam non solvunt *t* nisi caustici fuerint.

Adhibito igne, absque emisso odore *t**, in carbonem insipidum, & insulsum abit *v*. Clausis in vasis igni expositus *x* mucus recens aquae partem maximam edit, ut omnino decima octava pars non aquea sit. Olei habet centesimam quadragesimam partem *x**, a quo procul dubio, naturam viscidam habet. Salis volatilis ficci *x*** inest nonagesima sexta pars, & tantumdem oleosi liquoris, qui salem dissolutum continet, & spiritus audit. Demum salis lixiviosi, in igne persistentis, particula est millesima quadragesima quarta. Adeo parum aut olei

s Idem l. c. n. 7. II. *Lassus* &c.

*s** *Rutty synopsis*. p. 262. 263. etiam in aqua minerali cuprea p. 291. de sputo enim, aut muco faucium intelligo, et si Vir Cl. salivam nominat. Martium vitriolum salivam non cogit p. 239. aqua vitriolica etiam minus *Idem* p. 268.

*s*** *Rutty* p. 217.

t *Gorn* n. 17. Etiam cogunt *Rutty* p. 406. Solvunt *Lassus*.

*t** *Lassus* l. c.

v *Senac* l. c.

x *Barchuysen* post *acroamata* Exp. 7. Multum *Pinelli* de podagra p. 215.

*x** *Parcissimum Pinelli*.

*x*** In scorbuticis habet ejus salis momentum, sed minus *Pinelli*.

cum habeat, aut falis, adparet, quare neque linguæ papillas emoveat, neque narium. Ea ipsa nota præter alias, etiam a lymphâ differt *y*. Terræ aliquid inest *y**. Adservatus, post integrum annum, hætenus mutatur, ut acerrimum oleum, & salem volatilem nunc fundat, de aspera arteria sumtus *z*. Gummi arabicum ad ignem acidum liquorem dat.

Etsi non ubique eadem natura muci est, hæc tamen pertinet lubricus humor *a*, quo tota aeris, ciborum, urinæque via late obungitur, in naribus, palato, linguæ facie postrema, faucibus, broncho, pulmone, œsophago, ventriculo, ductibus bilariis, intestinis, vesica urinaria, urethra utriusque sexus, utero, vagina muliebri. Eorum linimentorum siccissimum est, quod nares obsidet, inde sensim, ut ad interiora corporis receditur, ita fluidior mucus generatur: pariterque a crustacea natura alienior in iis partibus reperitur, quæ lotium aut semen transmittunt.

Lubricus inprimis piscium cutem obsidet *b*, nam in homine unguen cutaneum alterius indolis est. Ad muci naturam etiam succus funiculi umbilicalis accedit, & verior pars seminis, quæ a teste advenit, nisi quod ea quidem odoratis & volatilibus particulis abundat. Perinde tamen

y Ex sanguine & succis lymphaticis, secedente parte salina, sit mucus *Quesnai* *fiev.* *contin.* T. II. p. 9.

*y** *Pinelli*.

z *Comm. Acad. Petrop.* l. c.

a *Conf. Boerhaave* l. c, p. 9. seqq. ut tamen admistum passim sebum subcutaneum separet.

b De eo unguine dicetur L. XII. Vide interim *Comment.* ad *Boerb. prælect.* T. III. p. 547.

femen glutinis simile fila trahit, aque acido latice solvitur *c*, a lixivioso sale potius cogitur *d*. Anno 30 A. C. N. a *Sanhedrin* facto experimento constitit, semen ab albumine hactenus differre, quod ad ignem diffuat, albumen cogatur *d**. Ad mucum denique etiam referri potest, quod adhæreat, & in aquam facile se diffundat, nigrum illud pigmenti genus, quo averfa uvei anuli facies in multis animalibus obducitur.

Utilitas manifesta muci lubricique humoris est, teneros, & acriter sentientes nervulos tueri: quos sicci aeris vis, aut vehementior frictio, aut asperi salisque humoris transitus ingratiſſimo sensu adficeret, nisi benefica muci vis intercederet. Qui urethræ mucum acri aliquo humore injecto abraferunt, ii nimis experiuntur, quam intolerabile absque mucositate ipsius urinæ iter sit, quam ipsam sani homines absque incommodo emittunt. Sed etiam in acutis morbis, aut acriori catarrho, per nares penitus siccas, ingratiſſimus transeuntis aeris sensus est, neque blandius aut per eluta salibus purgantibus intestina, nudatamve mucositate vesicam, aut fæces alvi transeunt, aut lotium. Aspera arteria etiam cum mucositate ne aquam quidem tolerat.

c Gorn l. c. n. 26. *Monro de semine & testib.* p. 57.

d Gorn l. c. *Monro* ibid. Primum semen lentissimum *Monro* ibid. Idem a spiritu vini non

cogitur, certe de cadavere, deque feminalibus vesiculis sumtum.

*d** *Gunzburgen medic. Tolytul.* p. 22.

§. V. *Et gelatinosi.*

Horum quidem humorum naturam dudum exposuimus, quando lympham descripsimus *e* sanguinisque serum. Omnibus ea communis natura est, ut igne admoto, aut fervida adfusa, aut liquore, qui de vino stillat, meraciori, aut acore demum minerali, in floccos, grumos, geluque demum cogantur. Iidem humores, dum infra 148 gradum fahrenheitianum calent, fluidi sunt, minusque quam mucus se trahunt, neque multum aquæ ipsi hactenus meabili sua natura cedunt, eandemque adservati, ad putredinis initia foti, ita augent, ut nulla porro admisti liquoris acidi, aut vinosi, vi se cogi patiantur *f*. Plerisque blandus aut lenissime salsus sapor est. Siccati in crustas abeunt succineas *g*, ut plus, quam mucus, partium terrearum, plus etiam olei continere videantur.

Ad hanc classē pertinet ergo sanguinis serum, & lymphā vasculorum valvulorum *h*, & ovi albumen *i*, & humor qui pullum in ovo circumfluit, & amnii humani liquor, mucī quidem similior, sed tamen coagulabilis, quando satis recens deprehenditur *k*. Eadem natura est ex-

e L. V. Sect. III. p. 215.

f Ib. p. 232. *Malpigh. de pull. incub.* p. 12. de adultiori albumine.

g Albumen inprimis ovi *Bel-lin de motu cord.* p. 27. 28. Pars acri proxima non concrevit, &

ea portio quotidie augetur.

h L. V. p. 227.

i Ib. p. 228.

k Nostris etiam in experimentis, in fila flocculosque abiit, ut lymphā solet.

halantis laticis, qui, in vivo vegetoque animale, humidi vaporis specie, in caveas amnii, pectoris *m*, pericardii *n*, abdominis destillat, humor etiam ut puto cerebri, quem partim exposuimus, & partim suis locis uberius exponemus, quando de liquore ventriculorum cerebri quæretur. Huc etiam ovulorum Graafianorum liquor pertinet, & liquor glandularum renalium a meraciori vini spiritu coagulabilis, & si purus haberi posset, propior futurus exhalanti liquori succus ventriculi *o*, & intestinorum proprius *p*. Sed etiam in minores cavernulas cellulosi textus halitus exit *q*, qui collectus, etiam sponte, in gelatinam rubram consistit, qualis etiam in hydatidibus humor est. Huc denique crediderim referri, etsi experimenta non habeo, viscidum illud gluten, quod *Bellinus r*, priorque *Malpighius s*, in nervis medullaque spinali reperit.

Misti etiam generis est, & alio magisque conspicuo modo ex oleo & glandulari humore componitur, *unguen Haversianum*, quod late in caveis articularibus totius animati corporis, & in tendinum etiam vaginis \propto reperitur: differt tamen a lymphâ, quod sponte viscidissimum sit *y*: non ideo mucosum, cum ab alcohole

m L. II. p. 284. & L. VIII. Sect. II.

n L. IV. p. 51. seqq.

o Collins system. anat. p. 323.

p Pechlin de purgantib. p. 511.

Brunner de duodeno p. 54.

q L. I. p. 54.

r Lemmat. quæ ad nervos pertinent.

s Posthum. p. 39.

\propto Clopton Havers osteolog. nov. discourse IV. p. 189. 200. 205.

y Schlichting Eph. Nat. Cur. vol. VIII. obs. 27.

adfufo in fila coeat, quod & ipse vidi, & olim *Josephus Guichard Duverney* z, ut etiam ad lympham relatum sit z* Sed idem humor ad ignem coagulatur, etiam vitiose collectus a: ab acore minerali & vegetabili cogitur, aque adstringentibus herbis b, a minerali vero acore in spissati albumis, naturam abit, porro insolubilem b*. A lixiviosis salibus solvi lego c. Si in aliis periculis totum hoc unguen exhalavit, tenuemque crustam reliquam fecit d, id quidem violentiæ conceptæ putredinis tribuero. Hic idem est mucosus & lubricus circa nervos humor *Aristoteli* dictus e, cui nervi audiunt, quæ nobis ligamenta sunt. In tibiæ dearticulatione idem *Carolo Stephano* f dictus est, & *Petro Pauw* g, qui monuit, genu immobile factum esse, cum a chirurgo emissus humor periisset, qui pro pure habuerat.

Oleum idem admistum habet, & ex ossium cavea per cartilagines penetrabile h, & evidentius aliud, ex pinguibus glebis, quæ in dearticulationibus,

z *Traité sur les maladies des os* T. II. p. 360.

z* *Lassus*.

a In hydropo articuli genu *Schlichting* l. c. Cogi *Duverney* p. 359.

b *Lassus* p. 23.

b* *Clopton Havers* l. c. p. 217. 218. *Duverney* l. c. *Trichmeyer* patholog. p. 284. *Acad. Scient. Bonon. Comment. T. I. p. 148.*

Dale-Ingram of the gout p. 46.

c *Duverney* l. c. *Tacconus* l.

c. *Lassus*. Sed in *Comment. Bonon.* idem *Tacconus* cogi scripsit.

d *Havers* p. 203. *Monro of the bones* p. 57. Ed. ult. *Duverney traité des maladies des os* p. 358. *Pitschel de axungia articular.* p. 27.

e *Hist. Animal. L. III. c. 5.*

f *De dissect. part. corp. hum.* L. I. c. 22. 25.

g *Primit. Anatom.* p. 175.

h L. I. p. 97.

pariter ut glandulæ reperiuntur *i*, & in genu potissimum. Fluida autem, dum vivimus, & calemus, & meabilis pinguitudinis natura est *k*. Sed neque adeo longe a lymphatica *k** classe oportebit removisse, nam magis atque magis discimus, lymphatica valvulosa vascula humores in telam cellulosam effusos, adeoque oleum resumere *l*.

§. VI. *Humores oleosi.*

Quarta tribus eorum humorum est, qui perfecti & maturi, aque aliqua superflua aquæ portione liberati, ad ignem flammam concipiunt: aut certe multum ejusmodi materiei continent, quæ ad ignem incendatur, & deflagret. Maturos aio, quod omnes ejusmodi humores, ne oleo quidem excepto, in prima origine sua *m* plurima aquæ copia contentent, neque hætenus aut inflammentur, aut plenam pinguitudinis indolem imitentur, mucique potius aut gelatinæ similes sint, uti de plantarum pinguitudine monui. Ad hanc adeo inflammabilium liquorum classem princeps adeps pertinet, & medulla ossium, quibus plurimum pinguis naturæ inest, & aquæ minus. Sed eos liquores descripsimus *n*. Deinde huc referri debet sebaceum

i Habet etiam *Waltherus* in *tr. de artic. & lig. ped.*

k L. I. p. 59.

*k** Eo refert *Cl. Lassus*.

l L. II. p. 312, 313, 314.

m L. I. p. 54.

n L. I. 54. seqq. L. V. p. 227. seq.

unguen varii generis, cutaneum, album, oleosum & lubricum dum recens est, sponte in crassioris axungiae, alibi luti, siccarumque demum non raro lemarum naturam abiturum o. Et si enim de oculorum, cutisque sebo, & praeputii nympharumque olido linimento experimenta non habeo, certum est tamen, cognatae naturae cerumen *p* siccatum deflagrare, deinde zibethicum odoriamentum flammam concipere *q*, & castoreum *r*, & glandularum ad anum quadrupedum unguen, quod pilorum perinde specie de suis folliculis expressum prodit.

Deinde non longissime a cerumine bilis distat, ejus quidem multa pars aquea est, ut tamen & abacta aqua sapa bilis *s* inflammetur, & calculi *t* vesicae felleae, ex spissata bile nati. Vitellus etiam ovi fere totus quantus in oleum resolvitur, ejus in unico ovi vitello duas drachmas Cl. *Spielmann* invenerit. Huc porro sanguinis cruor *v*, huc ipsum lac pertinet, etsi mista in lacte natura est. Nam alias experimenta mea enarrabo, quibus non intra glandulam ductus mammae lactiferos substituisse, constitit, sed in circumpositum utique adipem propagari, ut perinde oleum resumant, ac lymphatica vasa solent. Deinde lacti notissima pars

o De sebo auriculæ, umbilici, nasi, partium pudendarum hæc vera sunt *Boerhaave de fabric. glandul.* p. 8. II. 12.

p *Boerhaave* l. c. p. 8.

q *Memoire de l'Acad. Roy. des Sciences* 1728, p. 409.

r *Memoires pour servir à l'histoire des anim.* T. III. P. I. p. 144.

s *Conf. Prælect. Boerb.* T. I. p. 441. & Cl. *Sarrazin* in *Memoire de l'Académie.*

t *Opuscul. patholog. obs.* 33.

v *L. V.* p. 190.

butyracea vere oleosa inest. Lactis autem in homine non unus locus est, speciesve eadem. Nam præter lac mammuram utriusque sexus, simillimus albissimusque humor in utero reperitur, tenerisque in virgunculis, etiam nondum natis, caveam tenerrimi visceris replet. Sed etiam in thymo ferofum lac, & in prostaticis reperitur, lymphæ hætenus adfines utrumque, quod in eo fila ex adfuso vini meraco spiritu nascantur.

Obiter huic classi materiem electricam subjecero, quæ & igneæ naturæ particeps sit, & plurima in corporibus flammam alentibus habitet, & de animalibus odora exeat, atque adeo in oleo habitet, cui demum soli odor insit, isque imprimis odor, quem flammula electrica spargit v*.

§. VII. *Humores compositi.*

Eorum humorum, quos hætenus recensui, multi huc potius pertinent, cum sincerum unicumque elementum in eorum nullo sit. Deinde eorum multi evidenter ex non uno humore constant, prius suo peculiari loco secreto, quos serius natura miscuit, postquam puros generavit. Ita semen masculinum ex odore testium muco, exque lacte prostatico componitur. Ita in sudore oleum subcutaneum, sebumque folliculorum, cum aqua perspirabili miscetur. Sed etiam lacruma & aqua, & sebum; unguen articulare, ut nuper monui, oleum & lympham coagulabilem; lac mammarum glandulosam lympham, & adipem subcutaneum; sputum salivam

mucumque continent, & in chylo demum plerique corporis animalis humores conmixti habentur, aquei, mucosi, lymphatici, oleosi. Ne tamen subtiles simus, cuique humori a præcipuo suo elemento nomen classicum imposuisse suffecerit. Ita & pus, humor quidem nunquam non sponte natus, videtur ad miscellaneos liquores pertinere. Vidi quidem, sed in variolis, flammam concepisse, cum capillos ob insectorum copiam minister ambussisset. Inest tamen in eo lymphæ species, & in aqua etiam frigida continuo solvitur, etsi utique iterum absque mora fundum petit v**. Effusum per moram perinde solvitur, tunc vero resorbtum in sanguinem redit.

In aliis animalibus alterius generis suis in vasis humores dantur, quorum nihil in homine satis simile reperitur. Eo refero argenteum liquorem vasorum anguillæ aliorumque piscium; atramentum sepiæ, venenum apis, fericum, telam araneæ, succum acidum formicæ, erucarum.

§. VIII. *Hi humores in sanguine pene perfecti continentur.*

Quos hætenus enarravimus humores, eos aut perfectos, aut parvæ omnino indigentes mutationis, in sanguine reperimus x, hætenus

a

v** *Bordeu malad. chron. tium æcon. anim. p. 156. p. 579. Roederer progr. a 1758. Burchart de secret. Flurant*
 x *Conf. etiam similia do-splanchnol. p. 324, Hooke &c. centes J. Cl. Adriannum Helve-*

Sect. I. HUMORES IN SANG. CONTINENTUR. 17

a sinceris partium singularum humoribus diversos, quod nimia aquæ copia dilutæ molculæ tunc demum se possint comprehendere, inque purum eum humorem coire, quando ab ea nimia aqua liberatæ sunt y. Aqua, mucosus viscor z, lymphæ coagulabilis, adeps verus a, chylus lactis simillimus b, sanguini insunt. Oleum c, salisque urinosi elementum d, quæ bilis naturam constituunt, in communi humorum massa abundant. Si nondum perfectum in sanguine semen e est, inest tamen & mucus, & fætidum illud volatile odoramentum, quo animalium non castratorum caro, & universum corpus inficitur e*. Sed etiam, quod minus sperares, urina sua per signa conspicua non raro vomitu e** reddita est, cum arteria emulgens vinculo intercepta fuisset: salivam etiam urinosam e† & sudores urinosos dicemus, qui de hominibus exhalant, in quibus legitimæ lotii viæ obstructæ erant e††.

§. IX. Fere quilibet humor per quodcunque colum separari potest.

Sed etiam hæc adnotatio magna parte laboris non levat, nimiumque mysterii metum

y *J. de Gorter de secret. anim.*
I. n. 10. 36. II. n. 39. &c.

z L. V. p. 234. seqq.

a L. I. p. 78.

b L. V. p. 25. seqq.

c In sanguine apparuisse & *Malpighius* auctor est, de omento p. 235. & *Ruyfchius Advers.* II. p. 28.

d L. V. p. 144.

e *Keil abridgement* p. 65.
Schwenke l. c. p. 75.

e* *Hunauld des vapeurs* p. 289.
290. &c.

e** *Sagar syst.* p. 317.

e† *Id.* ib.

e†† *Dicentur* L. XXVI.

diffipat, qua constat, fere omnes humores humanos adeo jam sua cum definita indole perfectos per sanguinem circumire, ut suo proprio colo minime egeant, perque alienissimas sæpe glandulas, aut maxime diversa viscera, de sanguine secesserint, & nihil a se ipsis alii visi sint, dummodo aut proprius cuique excretorius ductus obstructus sit, aut alioquin is humor in sanguine abundaverit, qui aberrat. Ergo non adeo, ut passim creditur, necessaria cujuslibet coli peculiaris fabrica est, ut humor ei colo proprius non aliter nasci possit. Notissimum est dudum, aliam excretionem ab alia compensari *f.* Salivatione, ut vocant, invalescente alvus siccat, urina parce fluit. Præstat ire per singula, cum hoc ipsum, ab ipsa natura suppeditatum, experimentum maximi momenti sit.

Inter humores aquosos adnotavit *Hippocrates*, perspirabilem materiam ad alvum converti, & vicissim, pronunciavit *g*, siccam alvum iis esse, quibus cutis mollis est. Nempe vulgatissimum quidem est, cute a frigore percussa, exfutis vestibus, pene oculi ictu citius urinæ ad exitum adfectantis stimulum percipi, lotiumque exire. Nunquam manus lavabat *Michael le Vayer*, quin micturiret. In hystericis & hypochondriacis hominibus, frequentissimum

f Robinson *Essay on animal economy* p. 437. 438. *Russel thes.* anno 1737. ed. Diarrhœa minuit perspirationem Robinson

g *Epidem. I. VI.* Perspirationis & fudoris reliquæ excre-

tiones vicariæ sunt Bouvart in

est, sioca cum cute, frigidaque, nimium, & vires frangentem urinæ effluxum conjungi. Ad nares repercussa perspiratio notissimam stillam hibernam facit *g**.

Sed etiam alvum repressa perspiratione moveri *g*** constat, si ve a metu constricta fuerit, si ve a primo autumnali frigore, si ve frigido pavimento pedes in miseris *h*, quo remedio ad liberandam alvum dudum cessantem vix aliud potentius est *h**. Aliquanto rarius, non ignotum tamen etiam veteribus auxilium est, quo hydrops sanatur, dum universa cutis pice accurate obducitur, aut oleo confricatur, ut repercussa perspiratio in diuresin convertatur *i*.

Porro ad salivæ vias humor perspirabilis migrat, quando pedum refrigerium *k*, aliave causa sudorem *l* suppressit, aut alioquin copiosius sputi flumen materiem perspirabilem avertit *m*.

Vicissim, uti ad intestina id perspirabile aberrat, quod per cutem exhalavit, ita in cutem transit, quod per intestina exsudabat. Sudor enim motus, corporisque vehemens exercitatio, diarrhoeas supprimit *n*. In meo dudum mecum

*g** *Kaauw perspir.* n. 18.

*g*** In Barbados ex repercussa transpiratione hydrops *Hughes hist. nat.* p. 35.

h *Innes de Ileo* p. 35.

*h** *Stevenson Essays of Edimb.* T.V. p. 895. *Brassavolus* in principe.

i *Reaumur Memoire pour servir à l'histoire des insectes* T.II.

p. 54.

k *Breslauer Samlungen* 1726. p. 727.

l *Binninger l. I.* obf. 10.

m Salivatione procedente alvus dura, urina pauca, secretiones omnes parciore succedunt *Grainger de ptyalism.*

p. 17.

n *Conf. Robinson l. c.*

confefcente morbo , quoties urinæ nimia copia mihi moleſta eſt , opii vis eam moderatur , & ſubito ad quartam partem , etiam ad decimam reducit , dum perſpirationem potenter movet. Sed etiam urinam alvus fluxa minuit *o*. Eadem diabeten excepit *p*. In cholera biduo urina ſubpreſſa fuit *q*.

Porro ſaliva , cujus flumen argentum vivum præcipitat , aut ad inteſtina convertitur *r* , aut per fætidæ urinas deſcendit *s*. Quam vero ſalivationem ſalutare naturæ conſilium in ſecunda febre variolarum expedit , eam ſalubriter tumor faciei manuumque aquoſus ſupplet *s*^{*} , exhalatio nempe in cellulofam telam.

Celebriores ſunt magisque variæ urinæ aberrationes , quæ unicum exitum nactæ , facilius ſupprimatur. Vix ullus humor eſt , cujus viam lotium , ſuo ab itinere averſum , non adfectaſſe viſum ſit , adeo ſuis dotibus conſpicuum , ut non ſincerius ab urethra profluat. Et primo ligatis ureteribus , ſalivæ viſcidæ copia profluxit *t* , arteriisque renalibus revinctis vomitus urinoſus *v* ſucceſſit , in cane utrumque.

Deinde , quando per morbum quemcunque urinæ ſecretio & exitus impediuntur , exit urina per alvum , ſudorem , mammas , ſalivam ,

o Idem ibid.

p Binninger Cent. V. obſ. 70.

q La Mettrie obſ. de medec. prat. p. 5.

r Tulp. L. III. hiſt. 22. &c.

s Eph. Nat. Cur. vol. VIII.

obſ. 8. La Mettrie oper. præct.

p. 24. J. D. Schlichting ſiphil. Mnemoſin critic. p. 246.

s^{*} Sydenham.

t Nuck deſenſ. duct. aquoſor.

p. 10.

v Helvet. æcon. anim. p. 156.

& cellulofam telam. Puero , qui intra 17 dies urinam non reddiderat , perpetua interim diarrhoea fuit x. In ifchuria vera per alvum urina decessit , quæ odore suo & tenuitate fe proderet y. In eodem morbo lotium per alvum felicem exitum reperit z. Cum duodecimo die suppressæ urinæ jam gravis lethargus ingrueret , multa per alvum urina cum levamine egesta est a. Et alioquin diarrhoea lotii copiam minuit a*.

Eadem , quæ per alvum , urinæ via etiam ad ventriculum ducit. Celebris olim Chirurgus *Lanfrancus* ipse , cum calculo laboraret , lotium vomuit b. *Laweria* illa , olim per suum morbum notissima , aliquoties urinam vomitu reddidit c. Aquosus in ischuria vomitus d. In femina , cui vulnus naturam clauferat , lotium per os regurgitavit e , inque puero , cui penis conforbuerat. Die decimo suppressa urina suo conspicuo sapore per os egesta est f. Clausa urethra vomitus aquosus urinæ similis successit g.

Cum lotium suas per vias non posset effluere , salivæ loco fætidissima urina reddita est , fausto

x *Philos. Trans.* n. 337. Plura dicemus L. XXVII.

y *Pechlin obs.* XI. L. I.

z *Rhodium obs.* 90. Cent. II. Conf. etiam 84.

a *Groenevelt de tuto cantharidum usu* p. 171. 172.

a* *Robinson discharg.* p. 80.

b *In chirurg.* p. 223. collect. Venet.

c *Sigismund. Koenig lithogenes human. spec.* p. 26.

d *Aretæus de caus. & sign. acut.* L. II. c. 10.

e *Theobaldus Fittich ad Horstium hist. med.* p. 508.

f *Valisneri observ. rar. in oper. omn.* T. III. p. 338.

g *Schurig Gynæcolog.* p. 146.

Alia ejusdem sensus exempla passim reperias apud *Thummig Erklärung* P. III. C. *Stalpart vander Wiel Centur.* I. obs. 51. *Marangoni in hist. de l'Acad. Roy. des Sciences* 1715. obs. 3.

quidem eventu *h*. Sputa & mictus alterne se exceperunt, & diabetes demum sputum destruxit *i*.

In nares urina se convertit, raro in exemplo, cum in paralyfi vesica officio non fungeretur: arenosæ enim glebulæ naribus adhæserunt *k*.

In cerebri ventriculis, post symptomata affecti encephali, aqua urinæ fætore vitiata reperta est *l*.

Per mammas, lotium virgo reddidit, quæ absque natura alvive ostio nata, pubertatis annos tamen adtigerat *m*.

In cellulosæ telæ cavernulas lotium decessit in exemplo, in quo œdema urinosum ischuriæ supervenit *n*. Vir nobilis, ex militibus *Caroli XII*, quem in perniciosis expeditionibus Norwegicis secutus fuerat, idem elegantissime doctus, magnus *Homeri* admirator, meus inprimis amicus, cum ad beatum senium pervenisset, subito diro morbo suffocatus est, cum urina suppressa in cellulosam linguæ telam se effudisset, ut ea monstroscè tumens spiritum interciperet.

Frequentius per sudoris vias averfus a sua sede obscœnus liquor exiit, multis in exemplis. Transpiratio fætida in urinæ suppressione *o*. Sudor flavus, cum aquoso vomitu conjunctus in eodem malo, *Aretæo* jam dictus est *p*. Cum

h Waller in act. Societ. Lit. Upsal. 1737.

i Camerar de mict. period.

k Eph. Nat. Cur. vol. VII. obs. 105.

l Prælect. Boerhaav. T. III. p. 315.

m Journ. de Medecine 1758. M. Febr.

n Raulin obs. de medec. p. 199.

200.

o Idem ibid.

p l. c.

urina a calculo suppressa esset, sudor urinosus *q*. Per cutis poros ab axillis ad inguina urina prodit *r*. Quæ undecim hebdomadibus lotium nullum reddiderat, ei per totam cutem capitis suppressus humor exsudavit, eademque demum ejectis calculis convaluit *s*. Femina, quæ totis 22 mensibus urinam non reddidit, obscæno odore indusium totumque cubiculum replevit *t*. Urina retenta per cutem ab axillis ad inguina sudavit, cum viæ naturales clausæ essent *t**.

Omnino monere oportet, hanc, adeo varias per vias, expulsam urinam ejusmodi fuisse, quæ cum sanguine nondum in renibus secreta circumivit. In ejusmodi enim malis, paucissima & crassissima urina in vesica urinaria reperitur, de qua si aquulam resorberi ponas, non tamen ejusmodi copia resorberi fateberis, quæ ad diarrhœam & ad salivationem sufficeret. Sed etiam corruptis cum renibus, & obstructis, ut in exemplis ostendimus, ureteribus, cum nihil ad vesicam veniret, tamen urinosa natura alieno loco apparuit. Cum renum fabrica destructa esset, urina tamen per superstites papillas sanæ similis decessit *v*.

In mucosa classe similes humorum conversiones fiunt. Muci enim loco aqua pura frequentissime aut per nares in coryza, aut per pulmo-

q Salmuth L. II. obs. 82.
Boerhaave l. c. p. 316.

r Eph. Nat. Cur. Dec. II.
ann. 10. obs. 73.

s S. I. M. D. vom urin
p. 148.

t Zeviani del flato ipocho-
ndriaco p. 157.

*t** E. N. C. Dec. II. ann. 10.
obs. 73.

v Tabarran obs. p. 25. ed. sec.

nes in convulsiva tussi excernitur. Vicissim, si mucosa organa majori aliquo stimulo sollicitaveris, pro muco eadem cola lympham flavam, etiam sanguinolentam excernent, ut in urethra vidi, quæ acriori aliquo liquore injecto irritabatur, & in narium calidiori catarrho. Sed etiam intestinorum mucus in alvi fluxu aquosus prodit. Fluor albus sponte subnata salivatione solutus v*.

Ex classe coagulabili alias ostendimus x, nullum alicujus in animali corpore liquoris colum esse, quod sanguinem aliquando non transmiserit, etiam per integra organa, facile ad legitimum munus reditura. Lympha per cutis poros pro perspirabili sanctoriano in ambustis, in vesicis ab acri veneno excitatis excernitur; eadem in locum lactis uterini, post partum succedit per plures dies & effluit; & in cellulas adiposas y, medullæque z cavernulas; & per pulmones, vaporis vias secuta excreatur, & quæ alia hujus generis frequentia alias repetentur.

Ex oleosa classe ostendimus, in cellulofam subcutaneam telam pro adipe aquam effundi a: & vicissim oleum per aquosos mucososve intestinorum villos egestum b per alvum descendere, aut vaporis modo exhalare, aut cum lotio egeri c. Pus, de olei genere, cum lymphâ

v* *Lanxon E. N. C. Dec. III. ann. 9. 10. obs. 140.*

x L. II. p. 224. 225. &c.

y L. I. p. 54. 56.

z In rachitide.

a L. I. p. 54. 56.

b L. I. p. 85.

c *Prælect. Boerb. T. III. p. 229. Oleum amygdalarum per urinam redditum Michel Obs. sur le poulx p. 61.*

mistum certa per exempla de pulmone resorb-
tum per urinæ vias exiit *e*, & per alvum. Sic fre-
quenter & salubriter pus variolosum vomitu
rejectum fuisse lego; & ne quis vias novas &
vitiosas huic metastasi apertas fuisse objiciat,
in empyemate verum pus de vena incisa flu-
xisse *Bellostius* testis est. Frequens malum est
in conjunctivæ tunicæ palpebrarum glandulis
pus deponi, ejus simillimum, quod ab impura
venere per urethram educitur. Per resecta
vascula cutanea, in vulneribus, primis diebus
tenue serum destillat, deinde sexto die, iisque qui
sequuntur, crudus & dissolutus adeps, & deni-
que pus *f*. Bilis, vulgatissimo experimento,
quoties ab intestinis avertitur, in oculos *g*, in
urinam, in salivam *h* denique transit.

Lac de mammis reperiçsum, per diabetem
alias exit *i*, etiam per plusculos menses, fre-
quenter alios per albam diarrhœam *k*, per vomitum
alias, ut etiam acescentem naturam retinuiçset;
aliquando per vasa salivalia *k**: alias vaporis
locum tenuit, inque abdominis caveam *l* suas
per dotes notum, exhalavit, & intestina obli-
nivit. Idem in cellulofam telam effusum spe-
ciem abscessus fecit, in mesenterio, in inguine,

e *Vioussens observ. d'anat. & de pratique* p. 321.

f *Bagieu de amputat.* p. 405.

g *Lancis. diss. Epist. III. de secret.*

h Saliva icterici crocea III. *Valcarengi medic. ration.* p. 241

i *C. Stalpart vander Wiel Centur. II. obs.* 38.

k *J. M. Hofmann disquisit. anat. pathol.* p. 162, *Smellie midwifry* p. 420.

*k** *Ex Dolaeo.*

l *Memoire de l'Acad. Roy. des Sciences* 1746. p. 161.

in musculorum artuum intervallis : idem in pulmones depositum fuit, & demum per sudorem excretum. Per faciei pustulas effluxit idem, neque rarissime *l**. Sed etiam per femoris pustulas *m*, perque vulvæ labia veri lactis species exsudavit. Lac lochiale *n*, suo cremore conspicuum, per alvum manavit. Vitiosum denique laxi uteri lac, quod albi floris nomine venit, & per pulmones, cum tussi *o*, & per pedis sudorem *p* ita evacuatum est, ut alterne veriori succo locum redderet. Magis paradoxa omitto, ut calculosæ materiei a renibus ad dentes revolutionem *q*, & a curata podagra saccum aortæ adhærentem, quem tophacea materies replebat.

Quando hæc exempla repetemus, constabit, non ejusdem unice classis diversos humores sua inter se cola commutare, sed etiam per mucis organa aquam, per mucis, aquæ & adipis cola lympham & sanguinem, per aquæ, mucis, & lymphæ vias adipem, bilem, sanguinemque fecerni, atque adeo omnino, nullum in animato corpore separatorium organum esse, quod non omnium classium humores suis cum dotibus fecernere nequeat.

Liceat artis conatus cum naturæ moliminibus conjunxisse. Etiam anatomici manus facile obtinet, ut oleum, adepsque calidus per omnia

*l** Journ. des Savans 1690. ad fin.

m Journ. des Savans 1683. p Eph. Nat. Cur. vol. 8.

n Jul. Osrai obs. de pratique obs. 38.

n. 28.

q Brouzet. Educat. medic. des enfans T. I. p. 380.

o Prodrum. Act. Med. Hafniens.

aquæ destinata cola, & per vascula gelatinoso vaporibus, & muco demum apta exeat: nam in cellulofam telam, renales tubulos, lymphaticarum glandularum interiorem fabricam, lacteaque vasa oleum terebinthinæ expedite transit. Vicissim gluten de pisce husone coctum, quod gelatinosæ indolis est, in vias adipis, urinæ, muci, etiam facilius exit. De aqua non dubium est, quin per omnia, omnium humorum cola, absque labore viam sibi aperiat. Sed etiam argentum vivum penetrabili vi sua per aquei humoris in oculo vascula, perque vulnuscule exigua a phœnigmis excitata effluxit. Ita, ut utilem observationem repetam, in plantis per eadem vascula aqua primo, deinde gelatinosus mucus, porro ut adolefcunt, lac aut terebinthina fluit. Iterum adparet, nullam adeo ineluctabilem necessitatem esse, quæ ad suum unice colum suum humorem constanter revinciat.

SECTION II.

ORGANORUM SECRETIONIS, SIVE COLORUM, FABRICA.

§. I. *Aquosus humor secernitur per vascula arteriis continuata.*



UIBUS in colis, & qua cum fabrica, quisque humor de sanguine secedat, est ut inqui-

ramus. Aquosi ergo humores , quorum simplicior natura est , non uno modo separantur. Multis omnino corporis animati locis simplicissima , minora tamen , rubris arteriis continuata , vasa ejusmodi aquam de sanguine destinatam ad sedem ducunt. Ita perspirabile illud , tum *Sanctorianum* , tum de pulmone halans alterum , certe de arteriis rubris , facili & continua via exit. Nam aqua colore aliquo tincta s , aut gluten piscium , aut oleum etiam terebinthinæ , tenerioris corpusculi arteriis injectum , in meis periculis , inque nonnullis felicioribus exemplis , ipsum solidius sebum t perpetuis guttulis de cute fudat , de qua epidermidem tepida in aqua removimus , quo exemplo non aliud naturam magis cominus imitatur. In pulmone perinde , aquam cæruleo colore tinctam , perque cavam venam in præcipuam ejus visceris arteriam impulsam , cum plurima spuma de aspera arteria rediisse , sæpe vidi v. Sed etiam in rene cola arteriis continua aquam , aerem , sebum , in papillarum poros pelvimque ureteris ducunt x. Aqueum humorem oculi de arteriis perinde exhalare , olei terebinthinæ y aliorumve pigmentorum , & vivi argenti iter persuadet , quod anatomica manu impulsam , aut omnino vivo in homine a consuetis naturæ viribus eo deductum , in ejus humoris , quam vocant ,

s *Comment. ad Prælect. Boerb.*
T. III. p. 540.

t *Ibid.* ex *Ruysschii* experimento & *Albini*.

v In eod. opere T. II. p. 208.
209.

x *Ibid.* T. III. p. 212. 213.
Conf. funct. corp. hum. L. I. p. 190.

y T. IV. p. 178.

cameram depluit z. Ita etiam lacrumæ de toto oculo, & de interiori palpebrarum facie halantis, iter aqua exprimit, quæ arteriis injecta, de iis, quas nominavi partibus plurima exsudat a. Neque aut vitrei corporis, aut crySTALLINÆ lentis, purissimus humor, aut cornæ membranæ aquula alia via, aut per glandularum ambages, de arteriis sua ad loca decedit.

§. II. *Per glandulas. Earum fabrica.*

Diversum aliis in corporis regionibus naturæ artificium est. Plurimi enim humores aquosi per vivi hominis glandulas utique percolantur, salivæ exemplo, lacrumæ glandulosæ, pancreatici succi.

Ex glandulæ, quæ aquam transmittunt, proprium genus constituunt. Laxas glandulas, in quas vasa sanguinea se inmittant, *Marinus b* dixit, ut a densis aliis glandulis, ad vasorum divisionem positis, eas distingueret. Paulo propius *Galenus c* a glandulis vasorum divisioni subiectis, aliud genus secrevit, quod pituitosum aliquid generaret, & exempla in larynge dedit, in faucibus, inque mesenterio. Demum *Franciscus Sylvius de le Boe d* a conglobatis, lym-

z *Woolhouse* in collectione opusculorum de cataracta *Francosfurtensi* p. 52.

a *Prælect.* T. IV. p. 96.

b Apud *Galenum* de semine L. II.

c *Ibid.* & *methodi medendi* L. XIV.

d *Disput. med.* V. Deinde discipuli *Nicolaus Stenonis* f. de glandulis oris n. 9. de glandulis & muscul. p. 32. *Regnerus de Graaf* de pancreate p. 50.

phatico humori destinatis glandulis, has ex acinis quasi in glomerem conjunctis compositas glandulas separavit, dixitque *conglomeratas*, & id quidem nomen retinuerunt.

Ergo ejus quidem generis glandulæ passim conglobatarum, quas descripsimus *e*, magnitudinem superant, non eadem aut simplices, aut sibi continuæ, sed ex lobulis compositæ, quos laxior cellulosa tela revincit, & per quorum intervalla vasa sanguinea nervique repunt. Eos lobos aqua per arterias injecta ita laxat, ut facilius videas eos iterato ex minoribus lobulis constare, inter quos minora vascula intercedunt, donec repetita divisione, ad minimos, oculo tamen conspicuos, acinos perventum sit, firmiores perpetuo, uti minores sunt, quia eorum particulæ breviori cellulosa tela distinguuntur, firmiterque ab ea revinciuntur, quam quidem cum majoribus lobulis cohærent. Cæterum in universum rotundi, pallidi fere acini sunt, & absque rectarum fibrarum consortio, qua nota a carne manifesto distinguuntur. Si eos acinos lente vitrea, deinde acrius augente convexiori sphærule contemplatus fueris, reperies, eos a lineolis cellulosis iterum in minores acinos dividi, quos brevior semper cellulofus textus conjungit, neque finem invenies divisionis, albidaque semper natura supererit, quam cellulosæ & vasculosæ lineæ interstinguunt. Ea cellulosa tela, inter minimos

e L. II. p. 340. seqq.

acinos brevis *f* & densa , inter majores sensim laxior & longior , mistaque subinde pinguitudine feta , demum in extrema facie glandulæ longiores , rectioresque in fibras stipatur , non absque splendore , quæ lobulos colligunt , dilapsuros ab invicem , si eas fibras ressecueris. In parotide & glandula maxillari , evidentissime hae fibrillae fraudi fuerunt Cl. viris , ut glandulis capsulas *g* & musculosas demum vaginas tribuerent. Nihil tamen quidquam ulla harum glandularum musculosi habuit. Uti vero varia cellulosæ telæ ad acinos ratio , longitudo & laxitas est , ita aliæ glandulæ aut laxiores sunt , aut firmiores vicissim : firmissima mammæ glandula , & parotis , & lacrumalis , mollis thyreoidea glandula , thymus mollissimus. Lobulorum etiam magnitudo alia est in aliis , minima in renalibus capsulis , magna in mamma , inque maxillari salivæ dicata glandula. Lobulorum in prostata adeo obscurum vestigium est , ut conglomeratis vix accensere possis.

Firmitas cellulosæ telæ sensim aucta facit , ut , perinde uti conglobatæ , ita conglomeratæ aliquæ , & una thymus , cum adultiori ætate diminuantur , in pueris in univcrsum , minoribusque animalibus maximæ.

Arteriæ non paucae conglomerati generis glandulas adeunt , densiores *h* , quam ad carnes ire

f Eam brevem telam *gluten* *livat.* p. 16. Fibras vocabat *Grew* dixit *Loffius* , quod extus vasis *winus Cosmolog. Sacr.* p. 20.
adhæreat , sitque pars gelatinæ *g Walther de lingua humana*
sanguinis , de *glandul.* n. 9. 13. p. 6.
31. Pro vasculis minorum gene- *h Wintringham experimental*
rum descripsit *Boschettus de sa-* *inquiry* p. 210.

solent, uti in universum arteriae secretoriis organis destinatae firmitate reliquas superant, tum majores, tum pariter minimae *i*, & ipsa demum cum suis ramis portarum vena *k*, quae bili separandae destinatur. In universum etiam colis humorum majores arteriae *l* datae sunt: ad glandulas tamen conglomeratas ubique multi potius, quam magni trunculi veniunt, ut ad salivales glandulas, pancreas, thymum, capsulas renales. Thyreoidea glandula & multas arterias habet & supra fidem, inprimis in puero, magnas *m*, non ea undique glandularum conglomeratarum similis. Numerosissimi caeterum arteriarum furculi lobulos & acinos distinguunt, ut petiolorum similes eorum quasi racemos suspensos teneant, quando in tepida nexus lobulorum emollitus fuit. Venas vicissim, quam alibi & pauciores, & laxiores, & grandiores *n* secretoria organa acceperunt.

De nervis ita tenendum est, ut per plusculas glandulas multi, magnique transeant, per salivale inprimis genus & lacrumale. Inde forte factum fuerit, ut plerique physiologi *o* & multos
&

i Idem p. 212.

k p. 230.

l Majores in glandulis esse
Lister de humorib. c. 20.

in Fascicul. anat. Art. thyr.
sup. not. d. Arteria thyreoidea
inferior subclaviam & vertebra-
lem in puero æquat aut superat.
Sed etiam glandula, cui pro-
spicit, in puero permagna est.
L. IX. Sect. I.

n Wintringham p. 213.

o Guil. Cole p. 158. Boerhaave
Prælect. Acad. T. VII. p. 396.
Theophilus de Borden recherches
sur les glandes p. 352. Franciscus
Lamure p. 23. qui triplo plures
ad parotidem, quam ad renem
ire, addit p. 24. *Carolus Ma-*
louin des corps solides & fluides
p. 63.

& grandes glandularum nervos esse scripserint. Verum levi omnino studio percipiet, quicunque verum unice sectatur, eos grandes nervos non morari in his glandulis, sed ad alias partes abire, ut in salivalibus omnibus, & in lacrumali glandula certum exemplum est. In ipsa glandularum carne parum manet nervorum, & sunt quæ paucos & exiguos habeant, ut thyreoidea glandula, sunt quæ nullos, certe scalpello persequendos, ut thymus, cui non dixero nullos esse, sed ea mole esse tuto negavero, quæ aut cultello facile quaeri permittat, aut ullo modo cum nervis musculorum cutisve comparari possit. Universæ glandulæ experienti minime irritabilis videntur *p*, neque vehementer aut morbos sentiunt, aut illatas ab incisore injurias *q*.

§. III. *Ductus glandulæ excretorius.*

Pleræque glandulæ conglomerati generis ductum excretorium emittunt, aliquæ etiam plusculos, ut lacrumalis glandula, & sublingualis. Si aliquæ sunt, quæ conspicuo ejusmodi ductu destituuntur, non oportet desperare, quin aliquando detegatur, ut quidem in thyreoidea glandula plurimum laboratum est. *Ductus excretorius* canalis genus est, venæ hætenus æmulum,

p In *Memoires sur les parties sensibles & irritables* p. 59. Experimenta nulla recensui, sed tactæ a scalpello & irritatæ non confringuntur, & nunc video

Tom. V.

Cl. Andræ omnino per experimenta sua naturam irritabilem glandulis negare *de irritabilit.* p. 16.

q *Ibid.* p. 39.

cujus radiculae minimae , neque nudo oculo conspicuae , ex acinis perinde minutissimis exeunt , rivorumque similes , qui in fluvium confluunt , in majorem trunculum se inmittunt , qui porro cum sui similibus conjunctus , sensim , secundum consuetam omnium vasorum legem , in majores truncos uniuntur , suis ramis conjunctis minores , donec receptis omnibus , quos omnes totius glandulae acini emittebant , ramulis , praecipuus nunc canalus cylindricus fere de glandula sua exeat , humoremque suum demum aperto osculo , constricto plerumque , & aliquantum reliquo ductu angustiori , in amphorem aliquam caveam emittat , ut in oris internam faciem , aut intestini , aut demum omnino de corporis cutisque superficie eliminat , ut in lacrumalibus , boum certe , oviumque ductubus , & per nupera experimenta , etiam humanis.

His ductubus membrana ex cellulosa stipata tela data est , quae tenacem firmitatem , ut venae habet , non perinde tamen in omnibus dilationi resistit. Exterius cellulosa tela , saepe pulchre vasculosa , circumponitur , verae membranae innata. Interior ductus excretorii membrana cum velamento ejus caveae continuatur , in quam quisque ductus suum humorem effundit , palpebrae nempe internam membranulam , intestinive , aut oris. Duae adeo possunt in quoque ductu tunicae cogitari , etsi non norim arte anatomica duas separatas fuisse.

In his porro excretoriis ductibus alius a sanguine liquor continetur. Eum quin ab arteriis

habeant , non dubium est : non tamen adeo facile est , cultro conjunctionem arterio-
larum minimarum cum nascentibus ductibus
demonstrare. Quæ *Vieussenius* vidit *r* , ego qui-
dem ad cellulosa fabricam pertinere per-
suadeor. Neque enim quisquam , ultima conve-
xissimæ lentis potentia adjutus , ex minima arte-
riola alterius generis canalem nasci vidit , ut alias
monui *s* , qui vere cavus foret , & tenuiorem liquo-
rem contineret. Quare fere ad injectiones ana-
tomicas , morbosque oportet confugisse , ut alias
monui. Injecti quidem liquores in glandulis
conglomeratis difficulter ex arteriis in ductum
excretorium transeunt , & si tenuiores fuerint ,
facile in cellulosa telam se diffundunt : aliqua
tamen exempla feliciora citavi *t*.

§. IV. *Fabrica ultima acinorum , an glandulosa.*

Hucusque quidem experimento perventum est.
Sed multum supererat , quod physiologi inviti
ignorarent , fabrica nempe hujus acini , qui ulti-
mum oculis conspicuum elementum glandulae
constituit. Duæ fere sectæ fuerunt , quæ eorum
acinorum ultima se perspexisse putarunt , ut altera
alterius contraria doceret. Prior quidem *Malpighius*
ab anno retro 1665. quo de *structura viscerum exer-*
citationes edidit , Europæ fere toti persuasit ,
acinorum eam fabricam esse , quæ folliculi sive

r *Vieussens de struct. visc.* *s* L. II. p. 189.
p. 60. des liqueurs p. 129. &c. *t* Ibid. p. 191.

glandulae simplicis muciparae, qualem paulo post describemus, rotundi nempe utriculi, per arteriolas minimas liquorem accipientis, quem in ductum excretorium amandet. Varia sunt, quibus haec ivit persuasum argumenta.

§. V. *Comparatio cum visceribus.*

Et primum cum visceribus glandulas comparabat, ut hepar, ren, testis, magna conglomerati generis glandula esset, quae perinde & acinis constaret, suumque humorem per ductum secretorium amandaret, simillima ratione ex minimis radiculis in truncum confluentem, qui perinde in aliquam fere caveam secretum humorem effunderet. Sed etiam arteriae viscerum secretiorum pro portione multo majores sunt *v*, eadem robustiores *x*, & rectiores *y*. Ex his arteriis impulsus humores per ductus excretorios facile continuoque transeunt, in rene expeditissime, in hepate difficilius, sed transeunt tamen *z*. Neque acinosa fabrica a visceribus abest, in aliis quidem animalibus manifestior. In renibus humani fetus *a*, & plurimorum animalium, de oviparo genere, piscibusque, lobuli cellulosae telae vinculo in majorem massam colliguntur: quales in lacerta majori vidi, alii in delphino *b*, testudine, urso etiam, erinaceo, lutra.

v Conf. etiam Sauvages Mémoire de l'Académie de Berlin 1755. p. 43.

x Petſche l. c. n. 32. Wintringham l. c. p. 210.

y Petſche l. c.

z Conf. L. II. p. 190. 191.

a Harvei de generat. animal. Exercit. 55. p. 186.

b Conf. Comm. ad Prælect. Boerb. T. III. p. 216. cum not.

ff gg. bb. ii.

Porro in hepate, acinos idem vidit subrotundos, qui celluloso ambitu hexagono *c*, aut multangulo cinguntur; in fetu humano *d*, talpa *e*, sciuro *f*, erinaceo *g*, sue *h*, bove *i*, fele *k*, piscibus *l*, lacertis *m*, cochleis *n*, in istis ipse etiam *Swammerdamius*: iique porro acini, perinde ut in conglomeratis glandulis, uvarum modo minores in acinos resolvuntur.

In teste humano lobuli equidem, cellulosa tela laxa collecti, manifesto in ovalem, glandulae similem molem conjunguntur. Sed etiam in cerebri cortice subrotundos lobulos *o*, atramenti superfusi lineis circumscriptos, inque oleo fervente in solidiores acinos se collecturos, magni viri dixerunt. Haec certe, facile oculis se subjectura, similitudo fecit, ut olim *Aretæus* per renum fabricam glandulosam fecerit, similemque de mammis hepatisque natura sententiam tulerit *q*.

Si istos lobulos acinosque microscopii ope speculatus fueris, corpuscula erunt cohaerentia, fere subrotunda, quae lineis cellulosis ambeuntur, atque adeo, ut in glandulis, acini, ex acinis compositi in lobulos coalescunt.

c *Malpigh. de hepate* c. 2. p. 61.
in homine & fele, *Winslow Ex-*
posit. anatom. T. IV. n. 285. 286.
287.

d *Malpigh. ibid.* c. 3. p. 63.

e *Idem in posthumis* p. 30.

f *Idem de hepate* p. 60.

g *Idem posthum.* p. 30.

h *De gland. conglobat.* p. 6.

i *Malpigh. de hep.* p. 60.

k *Ibid.* p. 60. 61.

l *Idem ibid.* p. 59. conf.
Comm. ad Prælect. Boerh. T.
III. p. 134.

m *Idem* p. 59.

n *Idem* p. 58.

o Conf. *Comm. ad Prælect.*
Boerh. T. II, n. 264.

p *Caus. & sign. acut.* L. II. c. 9.

q *Idem de caus. & sign. diutur.*
L. II. c. 3.

Objectionem prius placet occupare, quae contra *Malpighianum* ratiocinium adferri potest, & omnino a me ipso adlata est *r*. Acini nempe, quibus variis in animalibus viscera componi *Malpighius* scripsit, passim nimis grandes sunt, neque ad elementa eorum viscerum, sed ad grandes, exque minoribus acinis compositos lobos pertinent. Vere quidem; neque tamen dissimulo, praeter eos nimios colliculos, minutos etiam alios, aegre oculis conspicuos, neque glandulis simplicibus majores acinos apud *Malpighium*, aliosque claros viros, *Bertinum* *s* etiam, *Ferrenium* *t*, & ipsum denique contrariae sectae auctorem *Ruyschium* descriptos reperiri, & in renibus *v*, liene *x*, hepateque *y* exigua, rotunda, definitae magnitudinis, neque facile mutabilia corpuscula adparere, in quae vascula minima se inmittunt, & ex quibus, si ulla clavis

r *Prim. lin. physiolog. n. 193.*
s *Memoire de l'Académie des Sciences 1744.*

t *Ibid. 1749.*

v *Bertin l. c. p. 498. & olim Malpighius de gland. conglobat. p. 6. de renibus c. 3. posthum. p. 34. Winslow l. c. n. 410. Ruysch de fabrica glandular. p. 75. Thes. anat. II. ass. 6. n. 1. Thes. I. ass. 2. n. 1. Thes. III. n. 41. Morgagn. advers. anat. III. p. 71. Alba granula vocat Ferrein l. c.*

x *Iisdem hic verbis utitur Idem, atque ornate, & fusc hos acinos describit. Habet olim Malpighius de liene c. 5. p. 111. posthum. p. 42. Peyer observ.*

anat. 12. Stephanus Lorenzini de torpedine p. 35. edit. Angl. Fredericus Ruysch apud Boerhaave de fabrica gland. l. c. Pozzi in commerc. epistol. p. 61. conf. alios autores citatos in Comm. ad Praelect. Boerb. T. III. p. 46. 47.

y *Ruysch l. c. n. 78. Centur. observ. med. chir. n. 51. Mus. rarior. reposit. 4. n. 15. Malpigh. de hepate p. 61. de gland. conglobat. p. 6. Bianchi hist. hepat. p. 1160. Wepfer dub. anat. p. 98. Bierwirth de fabr. hepat. p. 70. Anulo ex vase inflexo composito comparat Ferrein l. c. p. 497. 498.*

viris z fides est , etiam ductus excretorii prodeunt , ut verarum glandularum nndique similia sint. Ea demum analogia eo perfectior erit , siquidem viscera , multis in animalculis , non ex solidis adeo acinis , sed omnino ex cavis oblongis folliculis componuntur , qualis de pancreate quidem , & hepate non paucarum bestiarum *Malpighii* observatio exstat , de pancreate *a* nempe xiphiae , afelli , bombycis , de hepate *b* cancri , talpae Imperati , de testibus plurimorum insectorum.

§. VI. *Comparatio cum glandulis ex simplicibus compositis.*

Postquam adeo viscerum cum glandulis analogiam stabiliverat , quaesivit porro Ill. hujus opinionis auctor , quae demum cujusque acini interior fabrica esset. Offerebat se continuo summa cum glandulis simplicissimis similitudo : quae perinde saepe , cellulosa , laxaque tela conjunguntur. Ejus generis glandulas *Jeremias Loffius congregatas* dixit *c* , adeo conglomeratis similes , ut aegre te contineas , ne utriusque generis eandem naturam esse pronuncies , & perinde istas conglomeratas pro acinorum racemis habeas , qui singuli ejusdem naturae sint , quae est in folliculis simplicibus. Saepe comparavi glandulas , quae cartilaginibus arytaenoideis

z De renis acinis *Bertin* l. c. p. 98. 99.

a De gland. conglobat. p. 6.

b Ibid.

c l. c. n. 35.

insident , & inter conglomeratas a magnis viris *d* recensentur. Si in ejusmodi glandulosum agmen nunc oculos dimiseris, videbis acinorum viciniam sensim laxari, ut demum solitarii sint, quales plurimæ per internam laryngis membranam sparguntur *e*, veræ, ut videtur, muciparo de genere, cavæ glandulæ. Ita clar olim vir *f* conglomeratæ glandulæ nomine simplicium folliculorum agmen intellexit, quæ plurimæ latera postremumque linguæ dorsum circumstant. Aliud in tonsillis exemplum est: in iis enim glandulis & cellulosæ telæ ope conjunctas glandulas simplices *f** reperiās, & præterea commune velamentum in unum glomorem eos quasi acinos conjungit, quales glandulas *Lossius conglutinatas* vocabat *g*. Neque aliud argumentum pro *Malpighiana* opinione & cavea acinorum credam dici posse, quod plus speciei habeat.

§. VII. Cavea acinorum per morbos confirmatur.

Demum *Malpighius* olim *h*, deindeque clari viri sententiam defenderunt, *Hermannus Boerhaave i*, *J. Baptista Morgagnus k* & *Petrus Nannius l*, morborum in primis effectū ad confirmandam cavam acinorum elementarium

d Morgagn. advers. anat. I. T. II.

e Conf. L. IX. Sect. I.

f Vater de nov. duct. saliv. ling. p. 21. 22. T. I. f. 2. 3.

*f** Slevogt de gurgul. n. 14. g l. c. n. 30. 31.

h De gland. conglobat. p. 6. posthum. p. 34. &c.

i De fabric. gland. p. 38. &c.

k Post Valsalvæ Epist. anat.

III.

l Comment. Acad. scient. Bonon. T. I. p. 326, &c.

naturam usi sunt. Nempe nullum viscus est, quod non visum sit, neque infrequenter, aut totum, aut certe ex parte aliqua, in rotundos, grandes, cavosque folliculos manifesto conversum fuisse. In ejusmodi vitioso utriculo sua undique continua membrana fuit, suis picta vasculis: fuit cavernula vario humore plena, fuit, si fides nonnullis hypotheseos defensoribus, suus ductus excretorius *m*, ut in rene nimis pene felix *Littrius*, qui & renis solitarias glandulas vidit, & cujusque nervum, & arteriam, & venulam, & excretorium ductum. Videbatur adeo dubium nullum superesse, quin ejusmodi in viscere acini collecta, per obstructionem aliquam, materie paulatim repleti, turgidique, & super legitimam magnitudinem distenti, demum ex invisibili parvitate in molem oculis conspicuam increverint.

In his nunc folliculis nonnunquam nihil fuit, nisi ipse inquilinus cujusque visceris humor, ut omnino sola moles vitiosa esset. Ejusmodi de renis acinis, deque hepate observationes existant, ut morborum acini urina *n* pleni essent, aut bile o.

m De rene inprimis apud *Malpighium de gland. conglob.* p. 6. & *Alexium Littræ in Mémoire de l'Académie Royale des Sciences* 1705. p. 146. nimis certe felicem naturæ speculatorem, qui in quoque acino suam arteriam, venulam, venulum, ductumque uriniferum distinxerit.

n *Malpighi in epist. ad Jac. Spon* p. 25. in posthum. p. 35. de gland. conglobat. p. 6. *Valsalva Epist. Anat.* a *Morgagn.* edit, III. n. 8. p. 8. *Littre* l. c. & anno 1701. hist. 2. 1702. hist. 5. *Morgagn. Advers. anat.* III. p. 9. o *Malpigh.* l. c. & in posthum. p. 30. *Pozzius* l. 30. p. 70. *Malloct hist. de l'Académie Royale des Sciences* 1727. obs. 3. Piriformes folliculos aut felleæ vesiculæ similes habet *Petrus Naninius* p. 328. flavum in folliculis ichorem *Brown Phil. Trans.* n. 178. glandulas hepatis magnas *Mery Histoire de l'Académie des Sciences* 1706, n. 9.

Æquus hæc moneo, cum acris ingenii vir *Ji B. Morgagnus* *p* ex hac humoris indigenæ conditione ostendi persuadeatur, ejusmodi folliculos minime in cellulosa tela nasci. Alias utique alienus a legitimo humor eos folliculos replet, scirrhusi generis, durus & albus, in hepate *q*, rene *r*. Est ubi calculosi quid & lapidei continuerunt, non in rene solo *s*, sed in hepate *t* pariter, & liene *v*.

Verum ea imprimis degeneratione in suos usus utebantur *Cl. viri*, quæ facit, ut acini viscerum lymphæ distendatur, quod vitium *hydatides* vocant, vesicas nempe membranaceas, liquido plerumque coagulabili plenas. Accurate *Valsalva* *x* hepar describit, ex folliculis compositum, quorum membrana etiam duplex esset & triplex *y*, aliisque carneæ fibræ inessent, alii ex minoribus vesiculis componerentur: eos vera intus bile plenos reperit, porosque in exteriori superficie numerosos, & tubulos ejusmodi, quales sunt in avium ventriculis membranaceis. Ejusmodi vero hepatis ex hydatidibus compositi

p *Epist. cit. n. 14.*

q *Lange in Zod. med. Gall. T. II. M. Jul. obs. 12. Josephus Gibson, qui sphaerica tubercula vocat Essays of a Societ. at Edimb. T. II. p. 353. J. Jacobus Peyer obs. anat. VI. p. 17. J. Philippus Burgrau. Com. Lit. Noric. 1734. hebd. 30. Stahl de ascite, qui in hydropicis hepar quasi ex albidis lentibus componi scribit.*

r *Zod. Med. Gall. T. II. p. 106. Ruysch Catal. Mus. p. 120.*

s *Malpighi ad Sponium l. c.*

t *Idem ibid. Regemonter apud F. Glissonium de hepate p. 96. Stenzel Steat. aortæ p. 50.*

v *Malpigh. posthum. p. 42. Douglas Phil. Transf. n. 349. Mery histoire de l'Académie des Sciences 1702. obs. 2.*

x *Epist. III. n. 7. 8. 9. 10. p. 8. 9. 10. 11.*

y *Le. Cat. Philos. Transact. n. 460. Brehm de hydatid.*

exempla numerosa & existant, tum renis & etiam; & vesiculofum corticem cerebri Ill. testis *b* descripsit.

In aliis etiam aut visceribus, aut glandulis, vitiosos acinos scriptores medici viderunt, candicantes in liene globulos junior *Peyerus c*, & prægrandes *Johannes Mery d*: stabiles in pancreate cavernulas *Nannius e*, & in mamma erinacei vesiculas, noster olim præceptor *J. Georgius Duvernoy f*.

Eo magis vero ex his morboſis tumoribus veram viscerum conglomeratarumque glandularum fabricam innotescere, Cl. viri sibi persuaferunt *g*, quod in viris, & indubitata cavea instructis glandulis simplicibus, sebaceis & subcutaneis, utique simillimi tumores adiposi, scirrhusi, aquei passim nascantur, quoties earum proprius succus vitiose stagnavit. Sed etiam ovariorum muliebrium nativæ vesiculæ sæpiſſime

z J. Dom Panarolus in Iatrologism. V. obs. 16. Franciscus Glisson de hepate p. 89. 90. Olaus Rudbek duct. hepat. aquos. c. 4. p. 291. in messe aurea. M. Malpighi ad Sponium p. 25. Frid. Ruysch Centur. obs. n. 65. Thes. I. ass. 3. n. 12. Thes. VIII. n. 10. Advers. Anat. III. Antonius Pacchionus diss. phys. anat. de dura men. ed. 1721. p. 253. Auctores Zodiaci Gallici T. I. p. 102. T. V. p. 251. Josephus Courtial Journ. des Savans 1688. n. 24. J. Georgius Duvernoy Comm. Acad. Petr. T. I. p. 380. qui vesicularum novem millia nu-

meravit C. G. Stenzel de steatom. aort. in sue.

a J. C. Peyer Exerc. anat. n. 34. 35. Paulus Gotl. Werlhof Comm. Lit. Noric. 1753. hebdom. 50. P. A. Boehmer fasc. II. præf. p. VI.

b J. Jac. Wepfer de apoplex. hist. 14. Eph. Nat. Cur. Dec. I. ann. III. obs. 129.

c Obs. anat. 7. p. 22.

d Histoire de l'Académ. Roy. des Sciences 1702. n. 2.

d Comm. Bonon. l. c. p. 329.

f Comm. Acad. Petrop. T. XIV. p. 200. seqq.

g Boerhaave de fabric. gland. p. 13. 14. 15.

in vitiosas hydatides intumescunt. Similes nempe eventus similibus de causis nasci, putant pro lege haberi posse.

His fere rationibus sententia *Malpighiana* ita constituta fuit, ut pene totus orbis medicus eam pro demonstrata reciperet, interque axiomata poneretur, omnem humorum separationem per glandulas fieri *b* & absque folliculo secretionem peragi non posse: omnes ergo glandulas conglomeratas, viscera secretoria omnia, veros minimorum cavorumque folliculorum glomeres esse. Neque faventes valde iudices experti sunt *Antonius Nuck i*, cum glandularum folliculos impugnaret, & *Raymundus Vieussens*, cum ductus excretorios ex vase primi ordinis, aut secundi, absque medio aliquo utriculo deduceret *k*.

§. VIII. Contraria sententia *Ruyschii*.

Ruyschio hanc sententiam tribuimus, etsi antiquiores auctores habet. Per *Ruyschiana* enim potissimum artificia auctoritatem & sectatores invenit. Nempe viscera omnia, & glandulæ pariter conglomeratæ, secundum hæc placita vasculis constant, & cellulosa tela, absque interpositis, ductus inter excretorios & arterias, folliculis. Viscera primus *Edmundus King l* meris undique vasis constare scripsit, ante *Ruyschium m*,

b *Peyer* parerg. 2. & in *Merycolagia*. *Petrus Nannius* l. c.

i In *adenologia*.

k *Traité des liqueurs* p. 129. &c.

l *Philos. Transact.* n. 52.

m Multis post hanc æram annis *Ruyschius* glandulas viscerum admisit.

anno omnino 1666. De glandulis eadem sententia fuit *Nehemiæ Grew* n viri in plantarum inque animalium anatome multa experti, etsi ad eum quidem virum fama inventorum *Ruyschianorum* pervenisse potuit. Verum, quando hæc scripsit, valde jam senex erat *Grewius*, dumque glandulas ex vasis conponi docuit fibrisque, plus aliquantum cellulosæ telæ tribuit, quam quidem *Ruyschius*. Ex vasculis & vesiculis totum corpus humanum componebat *Josephus Duverney* n*. Sed *Ruyschius*, etsi neque ingenii velocitate valde eminuit, neque absiduitate legendi, aut eruditione, frequentissima tamen cadaverum consuetudine, & opportunitate ad consulendam naturam, & dissectionibus pene per totos octoginta annos continuatis, & artifice etiam manu, plerosque mortales superavit, eoque majorem auctoritatem sibi comparavit, quod ab hypothese alienior, parum ultra ea doceret, quæ viderat.

Junior equidem, cum toto fere seculo suo, in visceribus acinos glandulosos admisit, ut in hepate o, rene p, liene q, aliisque corporis humani partibus. Inde, cum magis atque magis videret, & membranas, albissimas quamdiu ars abfuit, post artificiosam repletionem innumerabilibus vasis percurri, & viscerum maximam utique partem sebacea materie repleri, a mace-

n *Cosmolog. Sacra* p. 20. cas glandulas admittit, & in
n* *Mem. avant.* 1699. p. 281. brutis animalibus.
o *Centur. obs. med. chir.* n. 51. q *Centur. obs.* l. c. quo tamen
Musæi rarior. Repositor. 4. n. 15. loco non videtur de verioribus
p *Thes.* II. aff. n. I. *Thes.* III. lienis elementis scripsisse. Add.
n. 41. quo quidem loco & pau- *Fabric. gland.* p. 75.

ratione vero in aqua simplici in vascula resolvi, paulatim sententiam mutavit, & ab anno fere 1696 *r* eo animum flexit, ut doceret, & viscera, & conglomeratas glandulas *s*, & simplicium demum plerasque *t*, totas undique solis ex vasis componi, paucasque per corpus humanum cryptas admitteret *v*, in quibus vera glandulæ fabrica superesset. Princeps argumentum erat ejusmodi. Ex hydrostaticis constat, liquorem ex parvo canale in amplum receptaculum demissum, in eo receptaculo maxime retardari: hinc fracta vi progressionis, aucta pressione laterali *x*, id receptaculum distendere. Concors inde cum hac contemplatione experimentum confirmat, ceram sebumve, per vascula arteriosa aliave in caveam quamcunque in pulsa, amissa celeritate sua, minuta foramina, in id receptaculum patula, ægerrime subire, sed distentis receptaculi parietibus, amissa fili specie, in nodulum maculamve abire *y*. Sed in visceribus, injecta in arteriam præcipuam materies sebosa, replet minimas arteriolas, transitque in ductus excretorios, eosque infercit, continuo filo, nullo nodulo inter arteriolam, & excretorium ductum interposito. Nunc, si sebum

r In *Epist. problem.* IIII. quæ acinus *Malpighii* rejicit, ratione addita, quod proprio velamento restituantur.

s *Epist. anat.* XV. p. 7. de mammis.

t De glandulis nasalibus *Thef.* VI. n. 3. de glandulis ven-

triculi *ibid.* n. 33. de intestinalibus, eodem loco.

v *Conf.* hujus Sect. n. 18.

x *Advers. anat.* II. n. 3. de fabric. gland. 52. 54. *Thef.* X. n. 37.

y De glandulis intestinalium *Peyerianis* *Boerhaave de fabric. gland.* p. 37.

inter arteriolam minimam, ductumque excretorium nusquam in nodulum intumescit, sequitur, nusquam etiam receptaculum inter finem arteriolæ, ductulique excretorii originem interponi, adeoque neque glandulosam fabricam eo loco esse, & minimæ arteriolæ minimum excretorium ductum continuari.

Continuati ex arteriis in ductus excretorios itineris exempla jam recensuimus; in rene facilima & res est: in hepate succedit *a*, quando vena cava revincta in portarum venam tenuior liquor inmittitur: in glandulis conglomerati *b* generis demum, etsi rarius, successit tamen.

§. IX. *Objectio occupatur.*

Sentiebat vim argumenti perspicax *Malpighianæ* theoriæ patronus, *Hermannus Boerhaave c.* Ut eam vim frangeret, vere equidem hætenus monuit, in cortice cerebri, aliisque visceribus *Ruyschiana* manu repletis, quod *preparare* vocant, multum propriæ carnis cujusque visceris desiderari, ut partem corticis cerebri, partem hepatis, lienisve *Ruyschius* ostendat, plurimam autem ejusdem corticis, ejusdem hepatis lienisve materiem, quam sebum coloratum non replevit, neque a vi putredinis & aquae macerantis tuetur, in ipsa aqua sensim destrui, inque mucii speciem conversam ad fundum phialarum descendere,

a L. II. p. 190.

a p. 191.

b Ib. 193.

c *De fabric. gland.* p. 26. 37.

aut a seduli artificis manu omnino cum opprobrio sordium nomine abjici. Recte *Boerhaavius*, si unice monet, nondum per penitissimas repletiones ostendi, sola in visceribus vasa esse, totumve viscus constare vasculis, quae cera repleverit. Eadem monent *Bernardus Siegfried Albinus d*, & *Antonius Ferrein e*, & res ipsa monet. Verum si ideo contendit magnus noster *Præceptor*, glandulas fuisse folliculosve, quod de viscere inter *Ruyschianas* manus periit, tunc equidem non possumus vim argumenti probare. Compressos equidem inter repletas arterias folliculos interire aiebat Vir Ill. Verum si interiissent, non posset sebum de arteria in ductum excretorium transiisse. Pone arteriolam inter ductumve esse folliculum, pone eum folliculum a quacunque causa elidi, interceptus erit ex arteriola in ductum commeatus, & nulla via superest, per quam sebum in eum ductum veniat. Id argumentum sufficere crediderim: addebat autem *Ruyschius f*, nulla se in replendis visceribus violentia uti, aliamque nascituram rerum faciem, si vi nimia uteretur, inde enim inflammationis speciem apparituram: quam nos interpretamur de exsudatione sebi colore tincti, quod ex arteriolis, in cellulofam cavernulam viam sibi aperiret.

§. X.

d Non omnia vasa esse, sed suam peculiarem cuique parti substantiam *adnotat. L. III. p. II.*

e Nempe neque acinos suos viscerum carnem conficere, neque alba in liene renibusque

grana, neque rubra puncta, nimis dispersa, ad viscerum naturam constituendam sufficere. *Memoire de l'Académie des Sciences* 1749. p. 495. 496.

f Ibid. p. 73.

§. X. *Nova sententiæ progressus.*

Ab his initiis progressus *Ruyschius*, suscepit denique demonstrare, etiam eos acinos, quos pro sua opinione *Malpighius* produxerat, omnino & ipsos, totaque adeo viscera, totasque glandulas, meris constare vasculis. Potuerat jam tunc testium exemplum proponere, & proposuit aliquando *g*. Glandularum enim similis caro tamen manifesto ex conspicuis vasculis unice componitur, quam primum argentum vivum in testis naturam felicius impulsus fuit. Replicata ea, demum multiplice congestionem lobulos efficiunt, quos cellulosa tela interposita conjungit, & qui toti vera, communi, membrana collecti testem, glandulae inprimis conglobatae similem, componunt.

Sed etiam hepatis, lienis renumque acinos adgressus accurate repletos in aqua maceravit, & comperit *h*, communi quidem velamento destitui *i*, quod totam glandulam carnem comprehendat, & ad verae glandulae simplicis *essentiam* utique pertineat: cum contra viscerum

g *Thesaur.* VI. n. 73. *Thes.* VIII. n. 34.

h *Epist. anat.* II. p. 6. 7. quo loco addit, ad hunc usque diem acinos sibi glandularum aliqua specie imposuisse: tum *Thes. anat.* I. *ass.* 1. n. 2. *ass.* 2. n. 7. *ass.* 3. 10. 19. *Thes.* II. *ass.* 3. n. 12. *Thes.* III. n. 3. 33. 41. 72. *Thes.* VI. n. 82. *Thes.* VII. n. 4.

II. tab. I. f. 1. *Thes.* VIII. n. 34.

Thes. IX. n. 59. *Thes.* X. n. 77.

85. 86. 88. 90. 94. 149. *Thes.*

Max. n. 101. Hæc de hepate,

liene, rene, & cerebri cortice

dicta sunt. Adde totam episto-

lam de glandularum fabrica, &

inprimis p. 69. 70. 74. 75. 76.

i *Bierwirth de hepat. structur.*

f. 1. ex hepate.

acini follicita evolutione in vascula discedant, quorum cellulosis filis collectorum glomere id fit, quod *acinum Malpighius* dixit. Inter ea granula, pulpososque & vasculorum fines, quos ex pomis pirisque evolvit vir solertissimus, summam similitudinem aiebat esse, cum tamen in pomorum certe pulpa nulla de glandulosa fabrica suspicio locum habeat. Demum absque maceratione boni senis industria hepatis acinos explicuit, quos eisdem ad fines ramulorum venae portarum cavaeque inferioris venae ad modum anserini pedis expansos *Vienssenius l* reduxit. Adeo hoc spectaculum evidens fuit, ut *Boerhaavius m*, summus contrariae sectae patronus, pro sua ingenuitate fateretur, nihil se videre in hepatis acinis, praeter vascula. Ita porro *Albinus* acinos ad vasorum congeriem revocavit, qui ultimo fine incurvati se pene comprehenderent, ut solent Rosæ Hierichuntinae ramuli *n*. In glandulis conglomeratis dissolvendis non memini, quemquam experimentum fecisse.

§. XI. Respondetur ad argumentum a morbofis glandulis repetitum.

Cum *Malpighius*, ejusque viri celeberrimus advocatus *Boerhaavius*, ad morbosam fabricam

k Thes. IX. n. 59. Thes. max. Tab. I. Advers. anat. Dec. III. n. 29.

l Obs. d'anat. & de medec. pratiq. p. 139.

m De fabric. gland. p. 71. 72.

n Franken de hepate p. 18. Alibi, & nos olim, & nuper, discipulos docuit, acinos esse fere venas, quas vini spiritus constrinxisset *Leisler de secret.*

p. 10.

passim provocarent, multa ad argumentum inde repetitum jam *Ruyschius* respondit, primumque, etiam absque primæva, & a natura creata glandulosa fabrica, folliculos tumidos varia materie plenos nasci monuit. Ita grandines o rotunda sunt concrementa, continua membrana clausa, quæ materiem puris similem continet; sed grandines manifesto in spatiosis subcutaneis cellulosis oriuntur, & inde glandularum etiam suspicio abest. Iisdem in cavernulis etiam steatomata, & aquosi demum tumores, p frequentissimi reperiuntur: quoties non in glandula certe, sed in cellulosa cavernula q, retenta materies stagnando congesta est. In omento, quod pariter ad pingues telas pertinet, perinde numerosæ glandulæ minimæ visæ sunt r, scirrhusa duritate.

Præter cellulosæ demum telæ vulgo notum imperium, similes etiam tumores in aliis corporis humani partibus enati recensentur, in quibus ne adversarii quidem folliculum quærunt, ut in cornea oculi tunica s, in optico nervo t, in tympani membrana v, in artubus x, in pulmone y. Et ipse quidem in pueri pulmone,

o Salomon Alberti de grandinib. p. 42. p. 77. in Itaphylomate. t Ibid.

p Qualem ipse Ill. Boerhaavius descripsit de fabric. glandul. p. 19. v Idem Thesaur. anat. IV. n. 24.

q Ruysch de fabric. gland. p. 59. 77. x Huc adventitiæ illæ in femore & brachio glandulæ Thomæ Wharton adenograph. p. 273.

r Burchart de gland. scirrhusis y Mauchart de appellatione glandulæ, Burchart de glandul.

s Ruysch de fabric. glandul. scirrhusos.

rotundas , alba materie plenas , quasi grandines vidi z.

Porro, quoniam Cl. adversarii *a* nativum in receptacula vitiose dilatata receptum humorem nobis opponunt, non omittere oportet, nihil omnino intercedere, siquidem sanguis in cellulosa spatiola sæpissime exsudat, quin perinde in obstructo jecinore bilis, alioquin penetrabilis, aut ipsa exhalet, aut certe humorem cellulosis cavernulis contentum suo colore vitiet, quo adeo frequenter & intestina pingantur, & peritonæum.

§. XII. Et ab hydatidibus.

Hydatides, quibus rotunda, suisque limitibus circumscripta figura est, propriumque velamentum aquam comprehendit, & quas non bene Cl. viri pro dilatatis glandulis habuerunt *a**, plerumque in cellulosis cavernulis *b* nascuntur, in quibus humor effusus stagnavit. Nihil hoc vitio frequentius est circa renem, in circumjecto adipe, circa uterum, tubasque & ovaria *c* in omnium viscerum extima planitie & peritonæi. Sed etiam de cordis superficie ejusmodi vesicæ effloruerunt *d*, & sub extimo intestinorum velamento *e*, & in omento *f*, in exteriori

z Opuscul. patholog. obs. 15.
Conf. L. IIX.

a p. 30 seqq.

a* Refert etiam Cl. Heuermann Untersuchung p. 302.

b Behrens Breslauer Samlung 1723. M. Januar. Grashuys Eph. Nat. Cur. Vol. VII. obs. 120. p. 416. & post tract. de colica picton.

c Opuscul. patholog. obs. 41.
Ruyfch. advers. anat. I. n. 2. &c.

d Fanton. obs. 12.

e Ingrassias de tumor. p. 229.

f Harder apiar. obs. 13. Tyson phil. trans. n. 193. Hippolytus Boscus de facul. anat. p. 17. Nempe vesiculas aqua plenas per ulcus prodiisse, per quod omenti portio elapsa erat. Conf. etiam Biuni canaletti p. 200.

ambeunte membranæ costas succingentis *g* cellulofitate, in pulmone *h*, hepate. In ovium pelvi, pariter in cellulofa tela, frequens vitium est, grandesque bullæ, non absque animalis inde contabefcentis detrimento, passim generantur. Hic est *Aretæi* hydrops alius *i*, in quo vesicæ parvæ & frequentes, humore replentur. Manifesto etiam vidi, in morbo, quem pro magico plebs habebat, de ulcere femoris plurimas subinde hydatides exiisse, de quibus dubium non esset, in vicino celluloso textu natas esse. Simile exemplum Parisini Academici recensuerunt *k*. Ita ex ulcere sub costis quingentæ hydatides *l* effluxerunt, & ex abscessu vis hydatidum, pariter, ut quidem videtur, de femore manavit *m*, inque aliis exemplis de lumbis, de abscessu supra umbilicum. Ita in inguine hydatides resedisse leguntur *n*, & sub trapezio musculo vastissimam *o* bullam, quæ 36 alios folliculos sua caverna comprehenderet. Ita urinaria vesica, renes, uterus, ventriculus, intestina, cor, pericardium, in cadavere undique pendulis cystidibus aqua flava plenis effluerunt *p*. In alio corpore, cum subinde per paracentesin ova quasi piscium prodirent, milienæ hydatides, cum utero, hepate, mesenterio,

g Collins system. anat. p. 193.
Gaspari offer. p. IV. Hydatides
diaphragmati adnatæ *Birch*
T. IV. p. 377.

h Maloet hist. de l'Acad. 1723.

i Causa diurnu. L. II. c. I.

k Memoire de l'Acad. avant
1699. T. II. p. 211.

l Phil. Transf. n. 293.

m Cabrol obs. 27.

n Ridley observ. pract. 32.

o Bidloo de hydatid. T. I. f. I.

p Maur. Cordens in hippocrat.
mulieb. p. 31. & simile fere
exemplum habet *Volcherus* Coi-
ter obsf. anat. p. 113.

totum per abdomen connexæ , post mortem apparuerunt , cum nempe in universum tractum cellulofum aqua se diffudisset *q*. Ita in cellulosa tela septi transversi *r* hydatides sacco membranaceo comprehensæ visæ , aliæque plurimæ de sacco super hepar posito *s* per influctum vulnus exierunt. Sexaginta hydatides in tumore a posteriori cranii sede ad scapulam descendente fuerunt *t* , cum reliqua pars , crassiori adipe plena , ad steatoma , & atheroma pertineret. In utraque maxilla Cl. *Heuermann v*. Hinc cum aqua in hepatis hydatidibus sebum commistum fuit *x* , inquilina cellulosæ membranæ materies. Ah hepate hydatides fuerint , quas ægri vomitu & per alvum rejecerunt. Inde etiam intelligitur , quare frequenter adeo & dux *y* in hydatide membranæ , & hydatides legantur , quæ alias sua in cavea continuerint *z*. Nam vel duas laminas stagnans aqua sibi circumposuit , vel unica prægrandis bulla , mire intumescens , super alias minores se superfudit.

Prima hæc hydatidum species est , superest & altera. Nam etiam sanguinea vasa in hydatides degenerant *a*. Ipse vidi , inque thesauris academicis conservavi *b* , vesicularem placentam ,

q *Brehm de hydatid.*

r *Pohl de hydatid.*

s *Journ. des Savans 1712.*
M. Oct. Per vulnus etiam lateris hydatides prodierunt in historia, quæ existat apud Cl. *Birch T. III. p. 321.*

t *Phil. Transact. n. 308.*

v l. c.

x *Stenzel de steatomat. aort. p. 50.*

y *Brehm de hydat. Pohl hy-*

drop. saccat &c.

z *Cabrol l.c. Weszpremi obss. prope vesicam. Keil quantit. sang. p. 26.*

a *Ruyseh in advers. anat. I. n. 2. &c.*

b *Opuscul. anat. obf. 20. Similes observationes passim existant. Habet Ruyseh Thes. anat. VI. Tab. 5. f. 3. 4. 5. 6. quibus totus progressus degenerationis exponitur , Thes. X.*

cujus bullæ aqua plenæ cum angustioribus pedunculis ramosisque alternæ continuarentur, ut omnino manifestum esset, vasa fuisse, quæ in hydatides degenerassent. Idem vitium, minus equidem frequens, in majoribus hepatis vasis olim *Ruyfchius* vidit c.

Liceat paucissimas aliquas de origine hydatidum opiniones excitare, quas nos quidem res ipsa vetuit recipere. Dudum d, iterumque nuper e, a lymphaticis vasis degenerantibus hydatides nasci scriptum est, ut lymphæ inter duo valvularum conjugatarum juga inclusa sensim vasculi parietes extrorsum urgeret, donec rotundæ bullæ faciem induerent: ad quam sententiam hætenus *Godofredus Bidloo* f accessit, ut hydatides perinde etiam a lymphæ, sive a nutritio humore in arteriarum venarumque intervalla effuso, nasci admitteret g. Addidit *Richardus Mead* h, eruditissimus olim medicus, se aquis innatantes funiculos vidisse, ex tenuibus & pene concatenatis limpidis vasculis factos, corruptarum lymphaticarum venarum reliquias.

- n. 63. 64. 65. *Advers. anat. I. Journal des Savans* 1688. n. 24.
 n. 2. II. p. 24. 32. *observ. anat. J. Keil de quantitate sanguinis*
Chir. n. 33. Morgagn. Advers. p. 26. Godofred. Bidloo Exerc. II.
anat. III. n. 14. Valisneri storia de hydatid. T. I. f. 2. 3. 4.
d'una vescicaja. Bergius försök e Salv. Morand vir doctissi-
 p. 120. *mus histoire de l'Académie des*
 c *Thes. I. aff. n. 12. Thes. Sciences* 1723. p. 23. seqq. *Me-*
 VI. n. 11. *Thes. VIII. aff. 2. moire* p. 158. seqq.
 n. 10. f *Ibid. p. 13.*
 d *Thomas Wharton in adeno-* g *Liquor omnino coagulabi-*
graph. p. 49. Thom. Bartholin lis est Phil. Transf. n. 460.
hist. 67. Centur. II. Courtial in h *Monit. med. p. 126.*

Verum in universum multo latius patet hydatidum sedes, quam quidem lymphaticorum vasorum, & multis in partibus corporis humani hydatides repertæ sunt, in quibus nulla industria lymphatica vasa reperit, vel cerebri exemplo *i*, & uterinæ placentæ. Quod *Meadius* vidit, omenti degenerantis vitium fuisse videtur.

Hydatides, quas pro vermium opere Cl. *Tyson* habuit *k*, pertinent ad mirificum animal, nuper etiam a Cl. *Pallas* descriptum, cujus pars cylindrus est, pars bulla.

§. XIII. *Argumenta ex theoria repetita.*

Alia supersunt, quæ pro causa *Ruyschiana* dicuntur, & nihilominus pondus habent, etiamsi ab experimento, & ab anatomica administratione non perinde cominus repetuntur. Et primo, facile ostenditur, absque folliculis arteriolas inter & excretorios canales positas, utique humores a sanguine separari posse. Ipsa enim res docet *l*, ex arteriolis minimis, in villos exhalantes ventriculi, & intestinorum, in poros vaporiferos cutis, peritonæi, pericardii, pleuræ, & in tenues oculi vias, aquam purissimam vehentes, aquam etiam & gluten, anatomico siphone impulsam, facillime exire, alios, crassiores, li-

i In hemisphærio cerebri dextro, inferiori loco, cystis vesiçæ similis *Journal de Médecine* 1756. M. Febr. Plexus choroideus hydatidibus mistus

(frequens utique spectaculum) *Ruysch Epist. anat.* XII. p. 21.
k *Tyson* l. c.
l L. II. p. 105.

quores minus facile, tamen etiam sequi. In his autem colis nullo microscopio aliquid globosi, aut cavi, aut folliculo simile conspicitur. Hactenus adeo ostensum est, absque folliculis secretionem esse posse.

Deinde aquosos humores non solum absque folliculis parari posse, sed cum folliculis omnino non posse generari, quin propriam aquæ naturam & limpiditatem amittant, continuo ostendamus. Ex *Malpighiana* sententia arteriolæ in folliculos suum liquorem deponunt. Pone eum folliculum sesqui lineæ diametrum habere, quales utique cryptæ linguæ dorsum circumstant. Pone arteriam minimam rubram diametri esse, quæ vulgo globulo adsignatur, sive $\frac{1}{1940}$ m pollicis: pone arteriolam, quæ solam aquam transmittit, rubrosque globulos excludit, dimidio tantum rubro vasculo angustiores esse, sive diametro unius $\frac{1}{3880}$ pollicis. Erunt adeo diametri arteriolæ secretoriæ, folliculique recipientis, inter se, uti $\frac{1}{8}$ & $\frac{1}{3880}$ pollicis, sive uti 485 & 1. Verum ex notissima, sæpeque a nobis repetita *n* lege, velocitas liquoris ex angusto tubo in amplum folliculum effusi est in folliculo ad velocitatem, qua per tubum arctiorem fluxit, tit lumen tubi ad lumen folliculi. Erit ergo celeritas liquoris in folliculum depositi, ad celeritatem, qua per vasculum minimum movebatur, uti 1 ad 235225. Pone in eo vasculo eandem superesse celeritatem, quæ est in minima arte-

riola rubra: fit ea celeritas ejusmodi, ut vigecuplo lentius, quam per cor sanguis per ejusmodi arteriolam o feratur. Describat autem ex corde exeuns sanguis in minuto primo pedes 390 *p*, describet in minimo vasculo pedes $19\frac{1}{2}$ sive lineas 2508: in folliculo vero $\frac{2508}{235225}$, sive paulum supra centesimam lineæ partem, atque adeo tribus egebit horis & dimidia, ut unam lineam percurrat. Nempe in folliculo humor aquosus ita retardabitur, ut ejus motus pro nullo haberi possit. Neque a calculis positis res ipsa differt: nam in iis partibus corporis, quarum humores vere per folliculos generantur, lentissimus motus est; mucusque ex naribus nunquam sponte effluit, hæretque in organis suis, dum per emunctionis vim aut sternutationis ejiciatur.

Verum humorum humanorum plerorumque ea natura est, ut celeritate aliqua egeant, qua ad usus necessarios adfundantur, & omnino per experimenta velociter moveantur. Non ergo poterunt per colum parari, cujus natura velocitatem omnem destruit. Non ergo poterit aut urina per folliculos percolari, aut perspirabile subcutaneum, aut animalis ille nervorum spiritus.

Imo vero nullus humor non mucosus, neque lentus, per folliculos generari poterit. Ea enim communis, & inseparabilis, omnium humorum humanorum natura est, ut retenti & immoti spissescant, exemplo bilis, muci, feminis, adi-

pis , ceruminis , lactis : adsunt enim undique per receptacula sorbentes venulæ , quæ de humore stagnante sibi bibunt , quidquid tenuioris aquæ continet. Quare fluidos humores per folliculos percolari , rei ipsi , & Naturæ sapientiæ repugnat.

§. XIV. *Causa Ruyschiana vincit.*

Cum rationes & istas , & alias , pro *Ruyschio* passim Cl. viri adferrent , ipseque causam suam pulcherrimorum , manu sua præparatorum , cadaverum ostensione confirmaret , sensim factum est , ut ejus causa prævaleret. Viscera nempe secretioni destinata , eorumque inprimis acinos , glandulasque conglomeratas , meris componi vasculis , cellulosæ telæ ope conjunctis , eo cum vinculi robore , ut consistat acinus , aque sui similibus , laxioribus filis sibi adnexis , totus & integer deduci possit. In quolibet præterea acino , vasorumve glomere , ex eadem sententia , ductus excretorius est , pluresve ductuli , qui de arteriola minima , tamquam ramulus minor , & sanguini impervius , decedere videntur , quæ fabrica in rene certo reperitur , in aliis quidem colis magna cum veri specie ex conjectura admittitur. Secretio adeo a vulgari sanguinis circuitu hætenus differt , quod in isto quidem arteriola minima , cylindrica , in venam sibi æqualem , aut ampliorem continuetur , quæ sanguinem recipere apta sit ; in humorum vero separatione ductus excretorius , rubro vasculo arterioso minor , tamquam ramus ex eo vasculo

prodeat. Inter primos novæ sententiæ auctores *Jeremias Lossius* fuit *r*, qui ab anno 1681 glandulas pro vasorum glomeribus habuit, quos glutinosæ particulæ connecterent. In renibus & earum glandulis eandem, ab anno retro 1680 *J. Conradus Peyer* *s* sententiam docuit, deque glandulis in universum *Bernardus Albinus* *t*, & discipulus *Ruyschii*, vir eloquio valens & ingenio *J. Godofredus de Berger* *v*. In Gallia, propria per experimenta, vasculosam viscerum glandularumque fabricam *Raymundus Vioussens* *x* adstruere adnitus est, quam *J. Cl. Adrianus Helvetius* *y* secutus est, & alii. Angli inter primos *Malpighianas* glandulas rejecerunt *z*, eorumque principes *a* glandulam ita definiverunt, ut ab arteria minima complicata non differret. Neque folliculos *Petrus Antonius Miche-*

r Diff. cit. n. 9.

s Exerc. anat. p. 197.

t De poris corp. hum. n. IX.
&c.

v De natur. human. p. 118.

x Traité des liqueurs p. 129.
358. &c.

y Economie animale p. 64.
129. &c.

z *Martinus Lister* de humorib. c. 22.

a *Archibaldus Pitcarne* de circulat. per minim. n. 29 *Jacobus Keil* de secret. anim. p. 82. 85. edit. Angl. T. II. f. 3. *Georgius Cheyne* philos. principl. of relig. p. 295. Theory of acut. and slow diseases p. 65. *Jeremias Wainewright* animal secret. Prop. XI. (ex ea vero arteria undique ductus excretorios

emissos pingit) *Jos. Morland* Philosoph. Transact. n. 283. glandulam vocat glomerem arteriarum venarumque filis collectarum, quæ ex communi venarum membrana oriuntur: Porro *Thom. Morgan* philos. principl. p. 166. commune huic glomeri velamentum circumponit: *Theophilus Lobb* natur. meth. curing. fevers p. 27 simplicem glandulam ita describit, ut vasculum sit ex rubra arteriola ortum, serpentinum, ex quo vasa lymphatica undique oriunda partem humoris tenuioris resorbent, absque folliculis. *Idem* conglomeratam glandulam systema facit glandularum simplicium ibid. p. 28.

lottus retinuit *b*, neque nostro ævo fere aliter docetur *c*. Ipse demum candidissimus olim *Boerhaavius*, ultimis vitæ suæ annis eo animum inclinavit, ut in amici opinionem transfiret, uti ex *Feldmanniano d* codice, in cerebri exemplo adparet.

§. XV. *Aliqua addidit Ferrenius.*

Nuper demum eandem vasculosam viscerum fabricam suis ornavit experimentis Vir Cl. *Antonius Ferrein e*. Viscera nempe ex filis albis & aliquantum pellucidis constare, quæ a vasis *Ruyfchiana* arte repletis diversa sint, & post penitissimam vasculorum minimorum infarctionem alba maneant, interque repleta vasa media contrahantur, inque siccato viscere evanescant, ut id, quod de viscere reliquum fit, totum nunc vasis rubris constare videatur *f*, postquam alba ea *substantia* deleta est, ex qua viscus vere constabat. In cortice renum, & hepate infantili, alba ea natura, secundum Ill. viri experimenta, plena est tuberculorum, sive rotundarum *g*, oblongarum, numerosissimarum particularum, quarum millenæ in unico acino spatii habeant satis. Accuratissima denique indagine in humano rene & hepate facta, eas particulas

b De separat. humor. p. 230.

c *Laurentius Heister*, *Jeremias Neifeld* de secret. p. 38.

qui *Lobbii* placita retinet.

d Conf. nostræ editionis *Præ-*

lectiones Acad. T. II. p. 498.

e *Memoire de l'Académie Royale des Sciences* 1749, p. 493.

f *Idem* ibid.

g p. 497.

anulos videri , albos , veraque reflexa vasa esse , sed a rubris vasis diversa , quibus renis , qui dicitur , cortex *b* componatur. Negat *Idem* Vir Cel. in aliis exemplis vasculosam viscerum fabricam hactenus constituisse , præter testem , uveamque oculi membranam , & follicite cavit , ne ea , quam describit fabrica , pro ea habeatur , quam *Ruyfchius* aut replevit , aut descripsit. Adparet adeo , si omnino ea confirmantur , quæ Vir Ill. proponit , vasculosam quidem semper viscerum fabricam esse , cæterum ea vascula , quibus viscera constant , nimis subtilia esse , & angusta , neque liquoribus accessa , quæ incisorum manu injiciuntur.

b Profundius aliquanto , sed per conjecturam , fabricam coli secretorii indagare suscepit , Celeberrimus olim *J. B. Benignus Winslow*. Inter prima *i* nempe sui ingenii monumenta hypothesein reliquit , quæ ad modulum fere intestinorum humorum secretionem reduceret , villos nempe arteriosos in ductum excretorium undique descendere , patulisque osculis in ejus ductus caveam suam humorem dimittere. Aliquantum firmitatis huic conjecturæ ex ductuum bili-ferorum interiori facie accedit , quæ utique reticulata , & villosæ alicujus tunicæ hactenus similis est , & in hepate , & in folliculo felleo , & in ductu , qui ex folliculo nascitur. Sed etiam feminis receptacula simili reticulo interius

b p. 497. 498.

i *Memoire de l'Académie Royale des Sciences* 1711. p. 316.

exasperantur , tum alii nonnulli sinus , & mucosi folliculi variorum animalium *k*. Dudum *Malpighius* similem de folliculis simplicibus conjecturam protulerat *l* , neque *Winslowi* opinio Cl. Viris displicuit *m* , *Helvetio* , *Verdier* , *Georgio Cheyne* , neque recedit eorum auctorum consilium , qui cum intestinorum fabrica glandulæ structuram comparaverunt , ut intestinum glandulam primariam , aliarumque exemplar vocarent *n*.

Verum , si omnino dicendum est , quod res est , plerique utique ductus excretorii , etiam in minimis suis radiculis , undique leves sunt , in renum potissimum exemplo , inque salivosis ductibus & pancreatico toto , qui continuo naturam reticulatam deponit , postquam a choledocho discessit. In eodem porro rene ab arteriis rubris in ductus uriniferos via oculo teste continuatur , & denique villosæ fabricæ cum natura aquosi & celeriter moti liquoris minus convenit , cum iterum o liquor de minimo quoque osculo exhalantis flocci in amplum canalem excretorium elapsus , tantum de sua celeritate amittat , quantum lumen habet lumine ejus canalis arctius.

k Vide n. 20. hujus sectionis, arteria est, *diseases of body and mind*, p. 25.
l De gland. conglobat.
m *Verdier* in abrégé d'anat. *n* *Peyer gland, intest. J. God. de Berger de natur. hum.* p. 97.
de hepate quidem. Neque recedit Georgius Cheyne, qui villum philosoph. principl. p. 172. *Berger* in propria disputatione Paris. anno 1741. proposita.
o L. VI. p. 29.

Vieussenii *p* subtiliorem ductuum divisionem omittimus, qui tres ductuum excretorium species fecit, quorum alii ex arteriis nati venis infererentur, adiposi nempe, lymphatico arteriosi, & lymphatico venosi: alii ex lymphatico arteriosis prodirent, ut pancreaticus: alii ex secunda classe nascerentur, ut nerveæ fistulæ. Nempe manifesto Vir Ill. vasa minorum ordinum imitatus fuisse videtur.

Sed etiam Cl. *Daniel Kuntsche q*, qui ex *G. Erhardi Hambergeri* discipulis fuit, extremum vas secernens internam superficiem vasis secretorii ambire finxit, ut in ileo intestino, inque duodeno fit.

§. XVI. *Muci cola.*

I. *Vascula exhalantia.*

Non eodem modo viscidum succum de sanguine separantur. Ex glandulis conglomeratis nusquam equidem mucus percolatur; nisi mucus est, quem glandulæ Cowperianæ *r* generant, sed ejus quidem succi indoles parum nota est.

Frequentius absque folliculis glandulosis mucus paratur, quibus certe in exemplis consilium Naturæ folliculos struentis manifesto innotescit. Nempe quoties per ipsos extremos vasorum
exha-

p *Traité des liqueurs* p. 129.
130.

q *De secret. in genere* n. 36.

r Vide interim *Comm. ad Prælect. Boerhaave* T. V. P. I. p. 387. seqq.

exhalantium fines, absque interpositis folliculis, mucosus liquor ad destinata loca excernitur, toties etiam is idem liquor in magnam aliquam caveam effunditur, in qua celeritate amissa stagnet, resorbentium venarum actionem experiatur, & spissescat, aut ab aere ipso addensetur, postquam pars maxime diffilabilis ab aura abrepta est. Ita in testibus mera per vascula semen separatur, quod de muci classe est: idem autem per immensas epididymidis ambages ægre emergit, & in ampliori ductu deferente, ejusque cellulis vesicularum similibus, retinetur, & demum in eorum animalium vesiculis stagnat, quæ ejusmodi receptacula nacta sunt. Ita uterus, & vagina, & urinaria vesica plurimum mucum, certis imprimis temporibus generant, neque tamen conspicuas glandulas ostendunt. Sed in ipsa quasi muci metropoli, narium nempe cavea, multi recessus sunt, & sinus ipsi pituitarii, in quibus muci quidem vis magna reservatur, neque tamen glandulæ ullæ apparent. Constat inde, moram esse, quam natura in glandulis simplicibus fabricandis quæsit, neque ultra ejusmodi glandulas requiri, si alioquin causæ, moram facientes, præsto sunt.

Niger ille mucus averfæ faciei uveæ pariter ex vasculis exhalare videtur.

§. XVII. *Glandula simplex.*

Multis tamen utique locis mucus proprium

^s Monente hic Vieussénio *Traité des liqueurs* p. 385.

in receptaculum ab arteriis deponitur , in quo collectus restagnet , usque dum ad destinatam sedem suas per causas avehatur. Diversa ejusmodi receptaculi figura est & fabrica : rotunda pleraque sunt , longa alia , ductum alia excretorium conspicuum habent , non perinde alia , & aliquorum resecta cryptæ membrana patet , estque pro excretorio canali. Demum & simplices glandulæ ejus generis existant , & compositæ. De omnibus oportet ex ordine dicere.

Glandula simplicissima est , quæ radici linguæ adfidet. Figura rotunda est , ut tamen & ellipsoeos similes reperiantur , & circuli. Velamentum ipsis tenue est , duplex tamen , cum & epidermide consent , & veriori oris membrana. Hanc membranam rubra vascula percurrunt : tumet autem , & hemisphærii fere convexitatem imitatur. Altera pars glandulæ ab ipsa linguæ carne perficere videtur , cui crypta insidet , rubra eadem , & perinde vasculis rubris abunde picta , & pulposa , & tuberculosa. Inter utramque glandulæ partem cavea intercipitur , quæ in oris cavernam per membranæ , in summa hemisphærii parte satis ampliter resectæ , deliquium patet , eademque via propriis temporibus mucum effundit , quem continebat *t*.

Dubium non videtur , in ejusmodi glandulis

t Ejusmodi glandulas *Morgagnus* depinxit *Advers. anat.* I. T. I. f. 1. *k* & descripsit *Epist. anat.* III. n. 23. Iconem etiam dedi in diss. inaugurali *de ductu salivali Coschwiziano* , quæ in collectione mea recusa est T. I. & II. Similem glandularum *Peyerianarum* descriptionem dedit III. *Kaauw perspir. hipp.* n. 253.

vascula exhalantia linguæ in caveam folliculi liquorem suum deponere, qui porro effluat presso velamento, & cavea elisa. Aqua certe in arterias impulsa ejusmodi secretionem non difficulter imitatur, nonnunquam & sebum v.

§. XV III. *Glandula membranacea.*

Aliis locis pars membranacea folliculi major est, & portio carneæ partis, cui folliculus insidet, aut minor, aut denique nulla, ut tota nunc crypta continua, præter ostiolum excretorium, membrana perficiatur, qualem simplicem glandulam potissimum *Malpighius* descripsit x, *Ruyfchius* cryptam y dixit, *Boerhaavius* uberius exposuit z. Circularis etiam earum glandularum sæpe figura est, ovata alias a. Solent in cellulosa tela disponi, tegique eodem pulposo velamento, quod majorem caveam vestit, cui ipsi illinendæ mucus folliculi destinatur. Cryptæ involucrum in faucibus & aspera arteria firmum, per intestina tenerius est. Glandulæ similes etiam in plantis reperiuntur b, & in lepore marino a Cl. *Bohadsch* visæ sunt. Villum tamen, quem in ejusmodi glandulæ cavam superficiem conspicuum produci & *Malpighius* c scripsit, & ex

v. *Boerhaave de fabr. gland*
p. 37. *Kaauw* l. c. de intestino-
rum glandulis.

x *De gland. conglob.* p. 2.
ed. 4to.

y *De fabr. gland.* p. 49: 57.

z *Ibid.* p. 3.

a *Morgagn.* epist. IX. n. 21.

b In receptaculo plantæ *Ban*
Memoire de l'Académie des
Sciences 1751. T. 22.

c p. 30. 31.

eo auctore *Boerhaavius* repetiit : ego quidem in folliculis humanis non reperio , nisi tubercula carnis linguæ eo traxisse velis , membrana enim tota levis est. In animalibus , inque sinuum classe , villus locum habet.

Ejusmodi cryptæ plerumque proprium ductum excretorium nactæ sunt. Cavus , cylindricus , multo , quam glandulæ area , angustior tubulus est , quem & velamentum glandulæ , & epidermis sui communis receptaculi investit. Is canaliculus ex cavea suæ glandulæ , per ejus communis receptaculi involucrum penetrat , inque superficie cava receptaculi aperitur , sive os fuerit , sive fauces , sive aspera arteria , sive intestinorum cavea. Pressa crypta , per ostium excretorium guttula humoris effunditur , eo osculo major. Huc refero glandulas buccales , labiales , epiglottideas , pharyngeas , œsophageas : palati mollis demum , partis posterioris imæ convallis narium , asperæ arteriæ , œsophagi , ventriculi , intestinorum solitarias glandulas. Nam de vesicæ urinariæ , & vesiculæ felleæ folliculis , & agminibus intestinorum e glandulosis , nondum pronunciaverim *f*.

Est ubi glandula manifesta sit , ductus vero excretorius obscurus , mucus tamen intus manifestus , quales in cervice muliebris uteri cæci folliculi sedent. Neque ova , quæ Graafiana vocantur , recedunt , nisi quod liquori coagulabili , potius quam mucoso , replentur.

e *Peyer* *parerg.* II. p. 15.
f *Spurias* dixit *Rijscbius*
thes. anat. VI. n. 8. 33. & nu-

per *Lieherkubnius*. Sed eam
 litem suo loco tangere præstat.

Contraria exempla sunt, in quibus ductus excretorius manifestus, glandula obscura est, ut in poris septi narium *g*, & secundum basin septi, aliisque narium mucosis foraminibus *h*, in larynge porro *i*, rectoque intestino *k*.

§. XIX. *Glandule ex simplicibus compositæ.*

Non uno modo simplices cryptæ in majores glandulas coalescunt. Aliquando vicinæ, celluloso vinculo laxè conjunctæ, suum tamen quæque ostiolum excretorium sibi proprium habent, ut in expansione illa mucosa postremæ & inferioris linguæ partis, inque iis laryngis glandulis, quas *Morgagnus* *l* Vir Ill. arytænoideas vocat. Hæ *Lossii* in *Congregatæ* sunt.

Alias vicini, perinde numerosi folliculi, & præterea communi velamento obvoluti, in aliquem ejus recessum, multis cryptis perinde patentem, mucum suum deponunt, tonsillarum exemplo. Hæ *Lossio* *conglutinatæ* audiunt.

Denique alias simplex folliculus suum quidem quisque excretorium ductum habet, ii vero ductus ex multis vicinis folliculis in unicum communem canalem excretorium conveniunt, quas glandulas rectè dixeris *ex simplicibus com-*

g Comment. Boerb. T. IV. p. 49. 50.

h Ruysch thes. VII. p. 42. & 63. Comm. Boerb. ibid.

i Morgagn. advers. anat. I. Tab. II. f. 2.

k Ruysch epist. anat. XI. thes. VII. n. 66. T. 3. f. 4.

l Advers. I. T. II. f. 6. *b. i. k. l.*

m Loss. in cit. diff. n. 35. Citat glandulas œsophagi, ventriculi, intestinorum.

positas n, quales sibi ostendi *Ruyschius* petebat *o*: *eæ* etiam sunt, quæ conglomeratæ glandulæ similes, opinionis causa fuerunt, etiam eas glandulas ex simplicibus folliculis componi. Exemplum est, ex *Cl. Galeacii* experimento *p*, in nonnullis intestinorum compositis folliculis: aliud in glandulis ventriculi struthiocameli *p**: aliud in ducto cæco linguæ, aliud in narium septo *q*, aliud ex sinuum classe, continuo dicetur.

§. XX. Sinus mucosi.

Nempe *sinus* vocamus cylindricas, mucosas fistulas, membranaceo velamento factas, quod a suo communi receptaculo habent, cui mucum inmittunt, & ex qua cavea, ipsi sensim in telam cellulosam exterius circumscriptam oblique producuntur. Resecto quasi osculo in viam urinariam, aëream, cibariamve aperiuntur. Rotundos folliculos in hujusmodi sinus patentes non reperi, & in urethra quidem humana interna facies undique levissima est.

Horum sinuum, perinde ut cryptarum, alii simplices sunt, in naribus secundum septi basin, urethra virili, & muliebri, in sinu valvularum superiorum pudendi feminini, in parte ostii vaginæ inferiori, in ventriculo ciconiæ *r*.

n Boerhaave l. c. p. 25. *Malpighius* l. c. p. 3. ad voces proximæ succedunt, & ex genere sebaceo tab. 16. f. 10.

o De fabric. gland. p. 63.

p Comment. Bonon. T. I. p. 470. T. I. f. 3. i. i. i.

*p** Valisn. not. d'un struzzo.

q Comm. Boerb. T. IV. p. 50.

r Wepfer Eph. Nat. Cur. Dec. 1. ann. 11. obs. 251.

Alii ex multis sinubus, ad arboris modum in unam majorem lacunam per ejus latera inmissis, coalescunt. Ejusmodi sunt sinus mucosi piscium apud *Lorenzinum*. Ejusmodi sinus compositos etiam uretha virilis habet *s*, eoque referri possunt ductus mucosi recti intestini, qui in valvularum rectarum intervalla aperiuntur. Huc etiam tubuli ramosi ventriculi fibrini pertinent *t*. Analogia inter hoc villorum genus est, & inter cæca receptacula mucosa piscium, quæ ventriculos numerosa ambire solent *v*. Villis intus hirsuti sunt & ipsi, in avibus fibrisque, homini perinde leves.

§. XXI. *Humorum gelatinosorum organa secretoria. Vascula exhalantia.*

Etiam pro hac humorum classe generanda natura non unius generis colo utitur. Plerisque nempe locis utique ex arteriis, absque folliculorum ambagibus nascuntur, aut glandularum, qui etiam ex resectis arteriis in vulnere sponte plorent.

Porro idem gelatinosus humor ex arteriis rubris in vasa lymphatica expedite transit, oleumque, quod ex terebinthina stillat, rubro colore tinctum, inque arterias abdominales impulsam *x*,

s Morgagn. *advers. anat. problema anatomicum* anno
T. 4. f. 4. D. D. 1742 editum, inque nostra

t l. c.

v Redi de animal. intra anim. collectione, ejusque supplemento
T. 4. f. 1. 2. recusum.

x Confer etiam Petri *Tarin*

non multo labore in hepatis lymphatica vasa, inque lactea, & ductum demum thoracicum agitur, continuos certe per canales, inque cellulosa tela mansuram, si in eam se diffuset. Sed neque glandulas ullas hic arterias inter, & lymphatica vascula interponi, absentia nodulorum ostendit *y*.

Iterum idem gelatinosus humor in omnes & parvas, & magnas corporis humani caveas & celeriter effunditur *z*, & pari velocitate, qua per arterias exit, etiam per venulas resorbetur. Ipsum piscium gluten, per easdem vias, in cerebri, pectoris, pericardii, peritonæi, omenti caveas, minoresque in toto corpore cavernulas facillime exit, nullo iterum nodulo interposito, qui inter arteriolas porumque exhalantem interfit, humoremque retineat, atque ab ea mora grandescat. Proxime a sanguine in fetu ejusmodi humorem abesse monuimus, qui totus undique rubeat.

§. XXII. *Glandulæ. I. Conglomeratæ.*

Non ideo omnes omnino humores, qui ab igne, aut a stillatitio vini liquore coguntur, ea cum coli simplicitate nascuntur. Nam in renalibus quidem conglomeratis glandulis succus rubescens & coagulabilis separatur: deinde in omnibus dearticulationibus corporis humani viscidissimum albumen est, cujus dotes expo-

y L. VII. p. 48.

z L. II. p. 224.

fuimus *a* , & a quibus omnino ad gelatino-
forum humorum classē revocatur. Ejus non
una , sed tamen etiam glandulosa origo est.
Utique enim persuadeor , in articulationum
caveas vaporem de arteriis exhalare *b* , cum
nulla in corpore humano cavea sit , in quam
ejusmodi vapor non exeat.

Conglomeratæ primum glandulæ , in majo-
ribus & in minimis etiam dearticulationibus
reperiuntur , cum etiam inter commissas sibi
laryngis cartilaginis ejusmodi lacinia *c* se inter-
ponat. Ex numerosis eæ acinīs *d* componuntur ,
crassiorique basi in aliquo ossium recessu se-
dent *e* , quo defenduntur , ne in motu ejus
articuli vehementius adtritæ lædantur *f*. Alter
limes , versus caveam articulationis conversus ,
in tenuem aciem gracilescit *g* , quæ crenato sine
fluitat , multo tamen plerumque adipe compre-
hensa , qui idem eas glandulas amat ambire ,
ut nuper Cl. viri omnino totas glandulas aut
pro adipe habuerint *h* , aut de ea quæstione
ampliare maluerint *i*. Sunt tamen in his glan-
dulis firmi , rubrique aut flavi acini , quos
cavos esse , ex conjectura doceas *k* , neque
tamen aut nudo oculo , aut vitris convexis

a p. II. 12.

b Etiam Ill. *Monroi* conjec-
tura est *of bones* ed. ult. p. 48.

c *Morgagn*, *advers.* I. p. 15.
advers. II. p. 53.

d *Winslow traité des os frais*
n. 68. *Bertin osteolog.* T. I. p. 173.

e *Havers* p. 194.

f *Idem ibid.* *Bertin* p. 174. 182.

g *Havers* p. 194.

h *Lieutaud essays anatom.*
p. 21.

i *Recherches sur les glandes*
p. 337. 338.

k *Vesiculas sibi vifas descri-*
bit Cl. *Havers* p. 192. *Acinos*
forte vidit , suo albumine tur-
gidos.

adjuto , ostendas *l*. Velamento obducuntur celluloso , quod cum perichondrio continuatur. Sed neque cylindricos ductus , muco articulari plenos vidi , qui in tenui fimbriæ acie aperiantur , etsi celebres anatomici sibi visos describunt *m*. Poros alii habent *n* , & ipsos mihi ignotos *o*. Hæ carunculæ vasculis numerosissimis pinguntur *p* arteriosis venosisque ; quorum trunculos passim descriptos dedi *q*. Nervos anatome non ostendit. Habent utique , si vere dolent *r*. Sed in doloribus articulorum veram sedem tormenti nondum satis definitam habemus. Tota massa mollis est *s* , etsi acini firmissimi sunt. Tenuiorem esse gelatinam , quam istæ conglomeratæ glandulæ parant , Ill. auctor est , *Abrahamus Kaauw t*.

Has glandulas veteres , excusabili certe errore , cum adipe confuderunt , eoque nomine descripsit *Carolus Stephanus v* , non indoctus iconum *Riverianarum* interpret. Sed etiam alia apud antiquitatem harum particularum vestigia , pro sua plurima eruditione , *J. B. Morgagnus x* detexit. Cum vero fusius , & per singulos

l Vide quæ contra eos folliculos *Morgagnus* monuit *advers. anat.* II. p. 56.

m *Comper* apud *Derham physico-theolog.* L. IV. c. 8. *Morgagnus* l. c. p. 53.

n *Bertin* l. c.

o *Duverney maladies des os* T. II. p. 353.

p *Ruyssch advers.* III. n. 3.

q In acetabulo femoris, genu &c. *Fascicul. Icon. Anat.* IV. Arteriolam habet *Bertin* T. IV.

p. 13.

f *Monro of the bones* p. 52. ed. nov. De glandula acetabuli femoris adfirmat.

s *Havers* p. 191. *Cl. Bertin* T. IV. p. 33. *Winslow* n. 69. *Cheselden osteograph.* nov. c. VI. *Bertin* p. 173.

t *De perspir.* n. 870.

v *De dissect. corp. hum.* L. I. c. 22. 25.

x *Advers. Anat.* II. animadvers. 22. p. 52.

articulos a Cl. viro *Clopton Havers* y descriptæ sint, solent ejus viri nomine, tamquam sui inventoris, cluere; ipse tamen *Clopton Guilielmum Cowper* z, notissimum incisorem, in partem laudis adoptat.

§. XXIII. *Sigillatim recensentur.*

Liceat, ut in conglobatis glandulis, ire per singulas. Primæ fere innotuerunt, eademque grandissimæ sunt, quæ inferioribus in corporis articulationibus ponuntur. Maxima ergo glandula sedet in deliquio acetabuli pelvis, quod ad recipiendum os femoris ex tribus ossibus coalescit, & in ea parte, a qua cartilaginea crusta abest a: eam multus adeps ambit. Alia parva, plana, crenata, in fovea capitis femoris est, tota ab ista diversa quam modo diximus; & præterea cellulosa pinguis tela, vesiculis acinorum similibus plena, insertionem ligamenti teretis cingit a*.

Patellam, quæ cum imo femore committitur, multæ glandulæ ambeunt, quas plurimus adeps obvolvit. Eas pro unica glandulosa massa *J. Benignus Winslow* b numerat, pro tribus *Clopton Havers* c, qui posteriorem, superiorem & inferiorem recenset. Duas reperio, anteriorem & posteriorem, discerptam utramque, inter tendineos lacertos patellæ insertos positas. Denique

y In *osteologiæ discourse* IV.

z p. 187. edit. 1691.

a Conf. *Havers* p. 190. 196.

Cowper append. ad *Bidl.* T. 39.

f. 2. 3. *Pitschel* de *axungia art.*

cul. n. 17. *Bertin* T. IV. p. 32.

a* *Bertin* T. IV. p. 15.

b l. c. n. 186. 187.

c p. 198. cum icone. Conf. *Pitschel* n. 15. *Duverney* l. c. T. II. p. 354.

pone patellam globosus adeps, five bursula glandulosi habitus, inter patellam & ligamentum extensorium ponitur.

In ipso poplite, inter femoris condylos, alia glandula insidet ligamento decussato anteriori *d*, duaeque aliae in ea sede, qua ligamenta decussata se propius respiciunt *e*; alia in angulo inter ligamentum transversum fibulam tibiamque imam conjungens, & faciem articulare malleoli externi. In tibiae conjunctione cum fibula insignis glandula in lateris externi imae tibiae depressa facie *f* ponitur. Altera minor est, in fovea minori fibulae, pone externum malleolum *g*.

In facie inferiori tali una utrinque glandula, insignis utraque longitudinis jacet *b*, alia in cavitate inter facieculam articulare majorem & tibiam: alia ad finem posteriorem tali.

Parvae etiam in articulis ossium metatarsi, & digitorum *b** reperiuntur.

Non perinde aut grandes, aut vulgo notae sunt, quae ad superiorem partem corporis humani pertinent. Et primo glandula ex minoribus granulis composita, limbo menisci cartilaginei, condylo maxillae inferioris impositi, adnascitur *i*, & alia, quae in posteriori parte cavitatis glenoideae temporum a Cl. *Pitschel* describitur *k*.

d Winslow l. c. Pitschel n. 15. p. 86.

e Pitschel l. c. Winslow n. 188. 189. Duverney.

f Pitschel n. 16. cum icone. Bertin T. IV. p. 86.

g Pitschel l. c. Bertin T. IV.

h Pitschel n. 17.

b Bertin T. III. p. 481. 482.*

i Comper append. f. 8. t.

Morgagni l. c.

k Pitschel n. 5.

Qua occiput epistrophæus attingit, suam utrinque glandulam oppositam habet *l*.

Vertebræ cuilibet, in utraque fossa, quæ costam recipit, sua est glandula, inferiori tamen in foveæ parte major *m*.

In scapula majuscula glandula ad insertionem tendinis bicipitis antè supercilio ejus acetabuli inminet *n*: altera trans eum tendinem non longissime distat *o*. Articulùs humeri non aliam habet mihi notam.

In humeri cum cubito dearticulatione alia magna glandula ponitur, in posteriori facie trochleæ humeri, super olecranium, coacta pinguedine cincta, cum paucis acinis; in anteriori alia *q* facie, quam ita recenset Cl. *Pitschel*, ut duas faciat *r*. Alia in humero est, sed super trochleam radialem, hæc minor, a musc. bicipitis tendine velamentum nacta. Alia in exigua tuberculi radii foveola sedet *s*; in ulna alia *t*, qua radio se adaptat, & alia iterum in ea parte, qua processus coronoideus ab olecrano distinguitur *v*.

Ad ulnæ cum radio commissuram glandula posterior, eademque major, ab ulnæ processu stili simili, ad parem in radio processum educitur *x*. Duæ aliæ anteriores ad latus interius,

l Havers p. 195.
m Havers ibid. *Platner Chirurg.* p. 1133.
n Havers, *Pitschel* n. 8.
 Conf. *Bertin* T. III. p. 300.
o Havers p. 196. *Bertin* T. III. p. 474. *Winslow* n. 357.

q Havers ibid.
r l. c. n. 10.
s *Bertin* l. c. p. 475.
t *Pitschel* l. c.
v *Idem* ibid.
x *Idem* n. 11.

& posterius ulnæ adponuntur *y*. Ab intervallo facieculæ articulatoriæ ossis navicularis & femilunaris, ad intervallum duarum dimidiarum facierum levium radii, & ad ligamentum, quod huic incumbit, lacinia vasculosa & glandulosa extenditur. Reliquas inter minores glandulas articulares recensēbimus.

Sunt etiam minores aliquæ, non in articulationum adeo caveis, sed aliis in ossium foveis repositæ, qualis quidem in eo ossis recessu est, quem major trochanter protegit *z*.

§. XXIII. *Glandule minores.*

Minus alterum genus glandularum articulationibus præpositarum est, cujus minuti acini non perinde sibi vicini sunt, neque in alium majorem acervum congeruntur, etsi non ideo continuo pronuntiare licet, de simplicium glandularum genere esse *a*. Earum humorem crassioresse, Cl. *Kaawius* monuit *b*.

Horum acinorum duplex fere sedes est: plurimi in omnibus capsulis articulos continentibus ponuntur, & intervalla fibrarum capsulam efficientium tenent *c*, disgregati, æquæ inter se magnitudinis *d*, non earum glandularum dissimiles, quæ in dura membrana cerebri, per

y Idem ibid.

z Bertin T. 1. p. 178.

a Etiam in grandioribus *Ruy-schius* glandulosam fabricam negavit locum habere *Ad-*

vers. III. n. 3.

b De perspirat. n. 871.

c Bertin T. 1. p. 176. *Gorter* Chir. p. 57.

d *Havers* p. 190.

fibrarum perinde intervalla sedent. Hae capsularum rimae non patent, & membranulis propriis clauduntur, ne utilis humor elabatur *e*. Hujusmodi glandulas Ill. *Morgagnus* in ea capsula descripsit, qua genuum articulatio continetur *f*.

Aliae glandulae minores passim *g* reperiuntur ad confinia ligamentosi velamenti, quod capsulam articulationis vocare solent, qua de cartilaginis sui ossis fine secedit. Ejusmodi acini sunt in claviculae cum sterno commissura *h*: in dearticulatione humeri cum scapula *i*: in conjunctione humeri cum cubito *k*: cum radio *k*^{*}, circa collum radii *k*^{**}: ad cubiti cum carpo articulationem *l*, & radii cum carpo *l*^{*}, in tota facie interna capsulae articulationis, qua ad radium respicit, in ossium carpi & invicem & cum metacarpo *m* conjunctione: in commissuris articulorum digitorum *n*: costarum cum sterno *n*^{*}, earumdem cum vertebrae *o*: in condylorum femoris inferiori fine *p*: in ambitu cartilaginis patellae *p*^{*}: in capite tibiae circa adhaesiones ligamentorum decussatorum anteriores & poste-

e Bertin l. c. p. 185.

f l. c. p. 53.

g Bertin p. 175. Winslow n. 357. &c.

h Pitschel n. 8.

i Idem n. 9.

k Idem n. 10. Bertin T. III. p. 413.

k^{*} Ibid.

k^{**} Idem ibid.

l Idem n. 11, Bertin T. III. p. 475. 476.

l^{*} Bertin III. p. 473.

m Pitschel n. 12. Bertin ibid.

p. 477. 478. Duverney l. c. p. 354.

n Pitschel n. 13. Bertin ibid. p. 481.

n^{*} Col de Villars cours de Chirurg. p. 91. de primis sex costis.

o Bertin T. III. p. 129.

p Bertin T. IV. p. 69. Dionis cours d'anat. p. 126.

p^{*} Bertin p. 70. 71.

riores *q* : in fibulae cartilaginea faciecula *r* : in tibiae & fibulae epiphyfi inferiori *s* : in depressis lateribus ossium tarfi, metatarfi, digitorum pedis, cartilagine non incrustatis *s** : in vaginis tendinum, qui manum pedemque *t*, & utriusque digitos flectunt : in corporis cujusque vertebrae fovea *v* : in anteriori & posteriori arcus vertebrarum sede concava *x* : in ligamentoso aliquo fulco, per quem mobilis tendo transeat *y*. Aliae glandulae exteriores articulationum viciniam circumstant *z*, ut tamen subinde liquorem suum in ejus caveam effundere possint *a*, minimae eae, & a pinguitudine aegrius separabiles *b*. Eas vero ignoro, quae a Cl. viris circa membranam communem muscutorum *b** descriptae fuerunt.

Viscidum albumen cum omnes fecernant, non dubium est, quoties in vita inertiori compressio legitima deficit, vitiose eas intumescere *c*.

Praeter glandulas multus verusque in articulationibus utique adeps est *d*. Ex eo adeo, &

q Bertin l. c. p. 70. Morgagn. *Advers.* II. p. 53. Duverney l. c. Ad interioris imprimis ligamenti insertionem.

r Bertin l. c.

s Idem ibid. p. 85. 86. In tali articulo Knolle luxat. art. sup. p. 10.

*s** Bertin T. IV. p. 165.

t Duverney p. 356. Morgagn. *Advers.* II. p. 18.

v Dupré *Journal des Savans* 1699. n. 21.

x Cowper ad Bidloun, Mor-

gagni l. c. p. 63.

y Havers p. 200. Gorter *Chirurg.* l. c.

z Bertin T. I. p. 177.

a Idem p. 179.

b Conf. Idem ibid.

*b** Angelocrator de gland. havers. *Russel æcon. anim.* p. 9. Vocat conglomeratas.

c Duverney p. 357. Reimarus in egregia disput. de tumoribus ligament. p. 29.

d De pede Walther de ligam. artic. ped. p. 524. edit. nostræ.

& ex medulla offium, exque perspirabili liquido, & glanduloso muco, unguen articulare componitur.

§. XXV. *Via quibus humores oleosi de sanguine separantur.*

Etiam hoc liquorum humanorum genus diversis in colis generatur. Ut a dilutioribus initium faciam, lac quidem mammarum partim in glandula conglomerata separatur, partim in cellulosa tela *e*, quae suum humorem exhalando recipit. Lac uterinum & vaginale exhalat, absque glandulosa fabrica. Lac prostaticum in glandula singularis generis gignitur, cellulosa telae strictae & addensatae simili, acinisque conspicuis destituta, ut sint Cl. viri, qui omnino negent glandulam esse, succumque prostaticum malint ab invisibilibus acinis repetere, qui in ea cellulositate lateant. Lac glandularum lymphaticarum ex arteriis in cellulosum habitum videtur exhalare *g*. Lac thymi in glandula conglomeratarum simili sed molli, in cellulosas pariter cavernulas exsudat.

Bilis, quae aliquanto spissior est, in viscere generatur, cujus acini ex vasculis componuntur.

Adeps in cellulas de minimis arteriis perspirat *h*.

Cerumen adiposum, inflammabile, amarum,

e Ut ex nostris experimentis constat, quae alibi melius legentur.

Tom. V.

g L. II. p. 345. 346.

h L. I. p. 72. 73. seqq.

fluidum, oleoque simile, dum recens est, evidenter in glandulis simplicibus percolatur, quæ inter fila cellulosæ telæ per areolas disponuntur, ductuque suo cutem meatum auditorium obliquentem perforant *i*. Ejusmodi glandulæ, muciferarum totæ similes, membrana fiunt, quæ rotundæ cavæ se circumponit.

Sebum subcutaneum in glandulis quidem nascitur, fluidum oleique simile *k*: omnium humorum humanorum idem spississimum, lentæ pastæ naturam induit, atque siccæ lemæ, quoties diutius adservatum exaruit, etsi etiam hujus sebi aliae species alias fluiditate superant. Butyrosus est, quod auricularum partem convexam obungit; oleosus, quod in plica inguinis, inque alis reperitur, inque clunibus, scapulis, cervice, & femoribus *l*. Siccius est, & in crustas densabile, quod in nympharum convexitate, in glandis virilis corona, in umbilici *m*, & mammae areola, in lacrumali caruncula *n*, in concha auriculæ, in narium aditu paratur, spissiusculum. Sebum palpebrale spississimum etiam est, sed unguenti simile, inque vermiculos id amat figurari, quod de poris convexi nasi exprimitur. Neque castoreum, zibethum, aut moschus ex variis animalibus sumtus, ab unguenti similitudine recedit.

Fontes, qui sebum separant, non ubique

i Conf. *Comm. in Prælect.*
Boerb. T. IV. p. 320. 331.

k *Boerhaave de fabric. gland.*
p. 9.

l *Morgagn. Advers.* I. & IV.

m *Idem Advers.* IV. p. 59.

n *Advers.* I. T. IV. f. I.

sunt iidem. Cum ob brachii violentissimam a lapsu contusionem continuis fere 50 diebus humerum corpori meo adplicatum gererem, satis memini, in sicca alioquin interioris humeri cute, eundem unguinosum succum me tetigisse & olfecisse, qui in dorso auriculæ reperiri solet. Ea sede nemo acinos vidit; id ergo sebi genus ex oleo subcutaneo, & exhalante vapore natum esse videtur. Neque faetidas inter pedum digitos fordes conspicuae aliquae glandulae generant.

Plerisque tamen locis sebum ex glandulis aut simplicibus, aut compositis generatur, aut demum in sinubus.

Quae glandulae simplices sunt, earum exempla in caruncula lacrumali *o*, in areola mammarum *p*, in vallecula inter nymphas & pudendi muliebris labia manifestiora sunt. Rotundae, cavae, membrana fiunt, quae arterioliis numerosissimis in retis speciem implicatis pingitur *q*, ex quibus in caveam acini humor exhalare videtur.

Earum glandularum aliquae, perinde ut pars mucosarum, absque ductu excretorio sunt, & resecto de hemisphaerio segmento patent *r*: aut angusto, absque alicujus longitudinis ductu, porulo *s*, de quo nonnunquam visum est unguentum sebaceum prominuisse *t*. Huc pertinent,

o Morgagn. *Advers.* I. T. IV. f. 1.

p Ibid. f. 2.

q Kaaun n. 210.

r Memoire de l'Académie des Sciences 1728. T. 21.

s Morgagn. *Advers.* I. T. 3. T. 4. f. 1. e & *Advers.* IV. p. 62.

t Boerhaave l. c.

quae in nymphis ponuntur *v*, inque alis & inguinibus *v**.

Aliae, sub crassiori cute in cellulosis spatiolis positae, ductum habent evidentiorum, cujus diametrum porus excretorius indicat, ex quo unguentum super cutem se diffundit; longitudinem vermiculus metitur, qui ex ejusmodi glandula exprimitur, longus idem & gracilis *x*. Ejusmodi poros tota facies plurimos habet, potissimum vero nasus *y*, & vallecula, quae nasum inter & genas est, denique labrum superius *z*.

Omnes glandulae sebaceae amant pilos producere *a*, etiam in animalibus moschiferi folliculis, novo argumento indolis oleosae sebi. Nam pili fere ex adipe nascuntur.

Aliae glandulae sebaceae compositae, ductus suos excretorios in unum communem canaliculum conjungunt. Exempla inter majores glandulas compositas nasi *b*, & faciei reperta sunt *c*, tum in glandulis ejus odoriferi animalis *d*, quod nuper citavi, & zibethicae felis *e*, alteriusque adfinis animalis, quod *Buffonius* zibet vocat.

In sinibus sebum palpebrale nascitur, & quidem oblongis, ramosis, in unum intestinulum

v Morgagn. *Advers.* I. 1. c.

*v** Eas glandulas habet Comper ad T. Bidloi IV. p. 6.

x Boerhaave de fabric. gland. d. c. Valisneri contra Andryum p. 215.

y Morgagn. *Advers.* I. p. 9.

z Idem ibid.

a Ibid. p. 11. Conf. Ill. Lud-

wig humor. cut. inung. p. 16. 17.

b Morgagn. *Epist.* III. n. 4.

c Malpigh. *posthum.* p. 95. T. 16. f. 10.

d *Memoire de l'Académie des Sciences* 1731. p. 454. T. 4. tot.

e Drelincourt apud Blas anat. anim.

fluentibus, cæcis folliculis *f.* In eas glandulas per arterias *Ruyschius* suam ceram urfit *g.*

Ad hanc classẽm pertinent cryptæ odoriferæ, quæ in proprios saccos castoreum; unguentum zibethi & gliris moschati componunt. Hæ enim glandulæ sæpe simplices; alias tamen, & in animale zibetho adfini, ad genus compositarum referendæ, per proprios ductus unguen suum in magnam caveam deponunt, in qua adservatum vi musculari, etiam adjuvante mechanica demum frictione educitur.

§. XXVI. Peroratio.

Ex his omnibus colligitur, glandularum & organorum secretoriorum magnam varietatem esse, & parum omnino videri, quod diversæ glandularum classes commune habent, cum neque fabrica convenient, neque facie *b*, neque functione: ut omnino ægre definitionem invenias, quæ & simplicissimam, & conglomeratam, & conglomeratam glandulam comprehendat. Quare utilius futurum videtur, si diversa his classibus nomina imponerentur: neque id omne glandulæ nomine comprehendere vellem *i*, quod humorem de sanguine separat, ex quo certe consilio confusio augetur.

f Zinn de fabric. ocul. T. 7. f. 8.

g Thes. anat. X. n. 24.

b Ex qua Heisterus glandulæ characterem sumere jubet Com-

pend. Anat. adenograph. P. II. & in Mauchart disp. de vera glandulæ appellat.

i Peyer parerg. p. 82.

Cæterum , per eadem adparet , glandularum veras classes esse ; conglobatas ; simplicissimas ; & quæ ex iis componuntur , quo sinus referimus ; & glandulas demum conglomeratas. Denique & viscera & membranas inter cola esse , per quæ humores de sanguine secedunt , & arteriarum fines exhalantes. Harum classium prima , conglobata , ad lymphatica vasa spectat. Altera simplex separat de sanguine mucum , oleum , sebum : tertia conglomerata aquam , gelatinam , lac. Viscera aquam , & lac , & oleosum humorem generant , membranam aquam , lympham. Artèriæ , absque alterius organi auxilio , aquam , mucum , gelatinam , oleum , omnium nempe classium humores.

SECTIO III.

*CAUSÆ QUÆ FACIUNT , UT IN DEFINITÆ
FABRICÆ ORGANO SUUS CONSTANTER
HUMOR DE SANGUINE SEPARETUR.*

§. I.

MULTO difficilior pars operis exigenda superest. Quæ hactenus exposuimus de humorum indole , colorumque fabrica , de iis quidem oculorum constat auctoritate. Quando vero declarare oportet , quare per suum quodque organum proprius humor unice separetur , multa certe pars veri in elementorum corporis animati ignorata fabrica latet , de quibus aut silere

neceſſe ſit , aut conjecturis , non abſque temeritatis metu , aliquanto propius ad rerum naturam accedendum. Iterumque monitum hic volo lectorem , non vera & evicta me proponere , ſed ea quæ a viris doctis in his tenebris probabiliora dicta ſunt. Oſtendendum erat adeo , quare , dum ſua corpori integritas conſtat , in parotide & ſemper ſaliva , & nunquam alius humor de ſanguine ſecedat ; in hepate & bilis unice & ſemper , in rene urina generetur , neque converſis colis , in ſalivali glandula urina , ſaliva in rene , bilis in mamma , mucus in ſebi cryptis , naſcatur niſi raris cum conditionibus.

Augēt certe operis difficultatem , ſpemque minuit noſtram , quod inter diverſas claſſes humorum quæque non in unice fabricae colo de ſanguine ſecernatur. Id ſi foret , id ſolum quaerendum eſſet , quomodo ejus coli fabrica ad indolem ſecreti liquoris ſe habeat. Nunc horum contraria locum habent : nam *k* aquoſi ingenii humores & per continua vaſcula , & per conglomeratam glandulam generantur , oleoſi vero generis ſucci omnino per omnia fere colorum genera ſecernuntur. Haec meditato , continuo metus ſubnaſcetur , non in cognita ſenſibusque acceſſa fabrica cauſam diverſi in ſuo liquore characteris poni , ſed utique multo profundius , inque organi ſecretorii conditionibus ſenſuum aciei inacceſſis cauſam latere , quare in quoque organo iſte humor , neque alius ſeparetur. Quare non ignari , quantas per tenebras

nobis sit incedendum, conabimur ea prima proponere, de quibus aut certa sensuum fide constat, aut quo breve omnino ex rerum natura petitum filum sponte ducit. Inde ea addemus, quae conjectura fatagit suppeditare, non absque iusti metustestimonio. Denique, ne aliorum auctorum placita desiderentur, etiam ea breviter adtingemus, quae ne probabili quidem conjectura, sed mera nituntur hypothefi.

§. II. *Conditiones preparantes. I. Sanguinis ad colum delati diversa natura.*

Ab iis causis diversarum secretionum initium faciemus, quae extra ipsum colum quasi sitae sunt. Diximus *l* in sanguine omnes humorum classes reperiri, quas diversa per cola de sanguine oportet separari. Nunc minime dubium est, quaecunque sit humoris aliquo in organo-secratorio percolati natura, facilius ejus humoris separationem iri intellectum, si ad ipsum c^o g^o anum sanguis veniat, qui quam plurimis ejusmodi particulis plenus fuerit, quales per id colum secedere videmus. Adeo certe id verum est, ut in quocunque organi secretorii genere quicunque humor nascatur, dum sanguis eo humore ubertim impraegnatus fuerit; bilis exemplo, quae omnes per glandulas, viscera omnia, halituosaeque per vascula *m* exit, quando

l p. 17. est, ea species per omnia cola
m Quando totus sanguis separatur *Sauvages physiolog.*
 unius generis humore plenus p. 181.

sanguis retenta bile inebriatur , & urinae , & argenti denique vivi , quod per ipsos cutis *n* poros , perque oris exhalantes villos *o* manifestissimum erumpit, quando plurimum in sanguinem receptum est.

Nunc , in sano homine quidem ita sanguis contemperatur, ne ullus humor tanto cum vitio abundet. Verum etiam in sanissimo homine non tamen undique idem sanguinis ad quamque corporis partem euntis ingenium est, valdeque probabilis conjectura est, quae fidem sibi faciat apud invitum, ad hepar ejusmodi sanguinem mitti, qui praecipua bilis elementa copiosiora advehat, quam quisque alius, aliud ad viscus delatus sanguis. In hepate enim & oleum de mesenterio, de mesocolo, de omento reformatum, & subputrida ex intestinis aquula, denique jam propior urinosa indoli faecum alvinarum succus copiosissimus advenit *p*. In bilis vero natura & adeps dominatur, & acrimonia, quae ad urinosa volatilem salem accedit.

Non perinde in alio quocunque colo sanguis, peculiari jam indole insignis, aque aliorum viscerum sanguine diversus demonstrari potest. Per arterias enim advenit, quodcunque alia cola habent, is autem sanguis a corde veniens commista de penu sanguinis dimittitur. Est tamen etiam de isto sanguine non improbabilis conjec-

n Ex vulnere vesicatorii effusum dealbent, quae constans de fluxit *London Magazin* 1755. metallariis Idriae fama est. *suplem.* *p* *Prim. Lin. Physol.* p. 683.

o Ut aurum dentibus prehen-

jectura , certas ad sedes aliis , quam ad alias , adfectionibus imbutum sanguinem advenire. Si in capite humor omnium subtilissimus & mobilissimus generatur, non videtur absonum, in sanguine per carotides submisso , etiam ejusmodi volatiles , atque aqua , oleo aliisque sanguinis elementis subtiliores particulas abundare. Cum enim a duabus contrariis potestatibus diversæ sanguinis particulæ regantur , a pondere , & a motu a corde accepto , quorum illud ad inferiora sanguinem deducit , hoc autem rectissima via ad cerebrum pellit , non dubium videtur , descensuras de arcu aortæ eas particulas *q* , inque abdomen se conversuras , quæcunque pondere magis valent : ascensuras adeo ad caput , quæcunque levissimæ , mobilissimæ , minori vi deorsum trahuntur. Cum enim ejusmodi particularum motus ex pondere & ex cordis vi componatur , potest haberi pro duobus parallelogrammi lateribus , quorum laterum alterum gravitatio est , alterum motus a corde acceptus , diagonalis autem linea medium iter exprimit , qua sanguis ab his duabus viribus simul sollicitatus progreditur. Quo minor est gravitatio , eo majori portione motus a corde acceptus superat : quo majus est pondus , eo potentius humor in arcus aortæ partem inferiorem detrahitur , superata cordis vi. Particulæ enim , in medio aere natantes , etiam in sanguine superiora tenebunt , & a cordis communi vi in caput mit-

tentur, a minori vero pondere debilius, quam ullæ aliæ, in aortæ inferiores ramos sollicitantur. Inde videtur intelligi, quare camphora *r*, spiritus vini, aut vapor volatilis aquarum Pyrmontanarum continuo in capite efficaciam suam expediant *s*, & stuporem aliquem, aut plenam demum ebrietatem, prius inducant, quam in ulla alia corporis particula mutant quidquam. Huc etiam pertinere putes, quod venena maxime volatilia, & variolosum potissimum miasma, in facie inprimis suam violentiam ostendant, quæ tamen a perpetuo aeris adflatu potius densiorem cutem, quam aliæ partes corporis nacta sit. Nescio an huc non pertineat, quod opium *t*, aliaque in cerebrum efficacia venena homini, etiam in minima dosi, plus noceant, cui cerebrum majus, ampliores pro portione carotides, & caput erectum sit *t**. Non nimis tamen hæc oportet ornasse, cum ex eadem carotide mucus etiam, & adeps, & sebum, & succus ossium nutritius, adeoque viscidus & inertes succi perinde generentur. Nempe in caput nonnullæ particulæ viscidæ veniunt, in abdomen nonnullæ volatiles descendunt, sed in

r *Prim. Lin. physiolog.* n. 339.

s *De convexa parte arcus aortæ erumpunt eæ particulæ, quæ vi centrifuga magis valent* *P. A. Michelotti. Martine de anim. simil.* p. 58.

t Canis tolerat opii immensam vim, & ad duas drachmas absque periculo devorat *Sproegel Exp.* 23. 24.

*t** Addebat Ill. vir H. Boerhaave, in lotio, etiam abundantis vini spiritu hominis, alcohol non reperiri, ejusmodi ergo particulas ad renes non ferri *Elem. chem.* II. P. 10. c. 93. Conf. *Balthasaris Ludovici Tralles elegantissimum de opio.* librum p. 210. seqq.

caput plures volatiles, imbecillæ plures & aquosæ in abdomen. Sed vide alias aut dicta *t*** aut dicenda *t****.

§. III. *Particulæ certæ indolis ostiis secretoriis oblatae.*

Etiam alia consideratio huc adferri solet. Ex corde utique rectior via *v* per dextram carotidem, deinde per sinistram ad caput ducit, dum & subclaviæ arteriæ, & aorta inferior, cum linea ex ostio aortæ producta, aut angulum rectum, aut demum acutum, intercipient. Nunc & cum mathematicis demonstrationibus convenit, & cum experimento, inter varii ponderis particulas, communi a potentia propulsas, rectam lineam, primamque directionem eas tenere, quæcunque gravissimæ, & præterea rotundæ sunt, atque adeo & momentum plurimum habent, & ad resistentias superandas aptissimæ factæ sunt: minusque adeo & ob superficiem minimam, & ob maximum momentum, ab alia quacunque causa de linea, quam tenent, se dejicere sinunt. Notissimum *Cartesii* x sclopetum est, quo projectæ plumbeæ sphæræ, & ligneæ, & subereæ, ea lege progressæ sunt, ut rectissimam viam plumbeæ tenerent, reliquæ ad latera dispergerentur, ad parietes quæcunque, ut leviores essent. Id experimentum, ad humanum sanguinem translatum, videtur persuadere, rotunda, eademque innato pondere plurimo feta corpuscula, de corde

*t*** L. V. p. 20.

*t**** L. X. c. 1.

v Ibid.

x *De formato fetu* p. 213.
Payen in diff. Ergo variis humoribus secernendis varius motus.

projecta, ea lege ferri, ut axin aortae teneant *y*, leviora vero quaeque, & quae maxima cum superficie minimum habent veri corporis, ad latera vergere. Inde non unum corollarium sequitur; ponderosissima nempe & levissima corpuscula de corde projecta, ob viæ rectitudinem pariter in carotidem utramque, & in dextram potissimum, inque caput adeo venire: uti certe argentum vivum, levissimum, ponderosissimum, rotundissimis factum globulis, in capite, inque salivalibus glandulis suas vires demonstrat. Neque hæc speculatio priori contraria est, hic enim non ob minus pondus, sed ob viæ rectitudinem cerebrum aditur.

Sed aliud latiusque patens corollarium inde fluit: in arteriis nempe ubique, & perinde in arteriis secretoriis, globulos rubros manifesto ponderosiores, arteriae axin tenere *z*, atque adeo ad venam continuatam properare, dum leviores, & minus ad motum aptae particulae, adiposae & mucosae, ad parietes arteriae accedunt. Sed in iis parietibus ostiola excretoria sunt. His adeo ostiolis eae particulae se offerunt *a*, adque separationem festinant. Facile certe vidi, in meis etiam experimentis, quoties torrentis modo sanguis de inciso vase se praecipitat, globulos rubros centrum tenere, quos nebula pal-

y Fr. Boissier diff. des medicamens Wintringham l. c. p. 49. Neisfeld de secret. n. 163. seqq. *z* L. VI. Seçt. I. p. 15.

a Josephus delPapa de humor. c. 7. p. 100. Job. de Gorter de secret. I. n. 25. Josephus Lietaud physiolog. p. 169.

lidior, inque ambitu tota alba ambit *b*. Sed etiam in anatomicis vasorum repletionibus, quando injectum, cinnabarique tinctum sebum stagnavit, in centro ponderosissimam cinnabarim, albumque fere & decolor in ambitu sebum reperio *b**. Denique crustis, quae aneurysmata aortae obducere solent, rubrae & cruentae medium tenent tubum, leviores albae ferossaeque exteriorem ad parietum viciniam adhaerescunt.

Alia etiam exempla sunt, alium ad certa cola sanguinem duci, quam quidem ad alia separationis organa, quaecunque demum eorum exemplorum causa sit. In chorioidea certe oculi tunica arteriae sanguineae spadiceo & castaneo colore sunt, inter uveae vero membranae floccos, & in ciliari anulo omnino decolores: ex iis vero arteriis, earumve ramulis, aquosum humorem exhalare probabile fit. Aliud exemplum *Boerhaavius* proponebat; feminalem arteriam *c* putabat omnem suum sanguinem sodali venae tradere, donec decolor ipsa, & humore solo plena, qui sanguine tenuior sit, ad interiora testis locumque veniat, in quo semen generari oporteat. Iterum in cortice cerebri *d* simile artificium locum credit habere: in eo enim non de rubris vasis, sed de cinereis arteriis,

b *Second Memoire sur le mouvement du sang* Exp. 154* 167. 176. 177. 180. 182. 183. & p. 302. 303.

*b** Cera diversorum colorum injecta separatur *Nuck dact.* aquos. p. 85.

c *Instit. rei Med.* n. 62. *Prælect.* T. II. p. 541. T. V. P. I. p. 282. In nuperioribus codicibus de ea peculiari arteriae feminæ prerogativa cepit dubitare.

d *Idem* l. c. n. 274.

tenuioremque sanguine humorem vehentibus vasculis , nerveus ille subtilissimus succus separatur. Et in universum huc Ill. Viri *e* , atque *Vieussenii f* theorema pertinet , quo humores subtiliores non ex rubro primove arteriae genere parari docent , sed ex aliquo minorum arteriarum ordine , qui aut absque sanguine lympham flavam , aut tenuiorem etiam absque sero vel sanguine humorem vehat. Ita fiet , ut ad ostiola secretoria neque se offerat , neque alii crassiores humores atque simplicius , puriusque , exque paucioribus mistum liquidum sit , ex quo destinatus succus separatur. Intelligitur autem facilius , ex paucis particularum ordinibus , eum seligi , quem oportet separari , quam ex massa , in qua plurima , diversa , elementa confusa sunt. Simplicissimum enim duorum luminum colum humorem ex duobus ordinibus particularum commistum in duos humores separabit , quorum alter purus erit. Verum nolim hic repetere , quae alias de vasis minoribus monui.

§. IV. *Velocitas diversa sanguinis arteriosi.*

Et si in conditionibus ipsius organi secretorii multa de velociori motu aut tardiori sunt dicenda , aliqua tamen non ad coli fabricam pertinent , quae adeo priora exponemus. Velocitatis communis in corde fons est , ea vero vel in ipso corde alia & alia esse potest , atque inde expe-

e Idem l. c. n. 245.

f *Traité des liqueurs* p. 129.

rimento constat, secretiones omnes mutari; demum alia & alia in arteria potest esse; quae ad colum venit.

Ergo velocitatem in toto animale, inque corde potissimum, augent moti musculi, & exercitatio: nixus & aucta respiratio, ut in patu-rientibus: potus inflammabili spiritu plenus: stimulantia medicamenta; aromata: vehemens studium: & potissimum febrile irritamentum, cujuscunque demum naturae fuerit, quo pulsum numerus in dato tempore augetur.

Poterit etiam velocitas ad organum quodcunque major esse minorve vicissim. Magnam facit cor proximum, qua sede vires sanguinem impellentes nondum diminutae supersint. Hinc enormes illi de minimis arteriis pectoralibus *g* sanguinis saltus. Hinc in vulneribus plus sanguinis dato tempore ex arteria etiam minori fluet, quam ex majori alia, dum illa propius ad cor, aut ex grandiori trunco nata sit *h*. Hinc vicissim pedum frigus, rarior nisi in certis hominibus sudor, serior exanthematum eruptio, tardius incrementum.

Velocior etiam sanguis ad eas partes corporis advenit, quarum arteriae & rectae sunt, & e directo cordis ostio opponuntur, capitis exemplo *i*. Iterum enim ab ipsis arteriis retardatio aberit, quae oritur a flexione *k*, & ab angulis *l* ramorum cum trunco ejusque axi interceptis.

Velocior

g Second Memoire sur le mouvement du sang Exp. 42, 43.
h L. VI. p. 44.

i Conf. L. VI. p. 11.
k Ib. p. 37. seqq.
l Ib. p. 41. seqq.

Velocior iterum ex alia causa motus erit , quoties arteria secretorii organi proxime ab aorta provenit : evitabitur enim ea retardatio , quæ fit a multiplicata divisione , luminibusque ramorum lumen trunci superantibus *m*.

Per eadem , aliquanto melius conservabitur velocitas in iis arteriis , quæ de truncis suis sub minoribus angulis prodierint *n*. Velocior erit etiam sanguis in magnis arteriis , in minoribus tardior , & quia trunco ampliores sunt , & quia frictio major *o*. Viscerum secretoriorum arteriæ majores sunt , & in dato tempore plus aquæ transmittunt *p*.

In arteria cylindrica , qualis carotis est , celeritas melius conservatur , quam in ramosa arteria. Minus denique velocitatis de arteriis firmioribus perit , quarum figura ab impulso sanguine minus distendatur , minus flectatur , hinc minor frictio sit. Hinc arteriæ secretoriæ densiores *q* , & robustiores. Hinc , inter alias causas , alii in fetu , alii in adulto homine humores per eadem organa percolantur , alii-que in athleticis , alii in mollibus ejusdem ætatis corporibus.

Velocitatis majoris effectus nihil habent

m L. VI. p. 25.

n lb.p.41. *Hamberger physiol.*
n. 328. *de secretione in genere*
n. 5.

o *Sauvages Memoires de Berlin* 1751. p. 43. Musculorum majores nervi sunt , viscerum arteriæ majores. *Compara arte-*

riam renis , tantilli visceris , cum brachii arteria , & vicissim plexum nervorum brachialem , cum plexu renali.

p *Sauvages* p. 49. & interna vascula minus forte , quam in artubus angusta p. 43.

q L. II. p. 144.

obscuri. Et primo, secreti humoris copia in universum augetur, quando sanguinis celeritas magna est. Ad idem enim eodem æque magna unda sanguinis, sæpius in eodem temporis spatio adplicatur. Hinc dormienti *r*, mœrenti, hibernanti animali, in universum parvæ secretionis. Hinc perspirationis immensa a corporis exercitatione copia.

A velocitate fit, omnibus reliquis iisdem positis, ut in ostium secretorium particulæ majores impellantur. Cum enim omnia vascula corporis animati dilatationi obsequantur, sintque flexilia, nunc vero vis minima vasa distendens aucta sit, dilatabuntur utique, eorum vasorum ostia, ab humore cum majori velocitate innitente, & majoribus particulis patebunt, eademque ipsæ aucto momento suo, ad ostiola colli sui dilatanda vi majori utentur. Subeunt ergo in ostia secretoria ejusmodi particulæ, quæ cum minori celeritate nunquam subirent *s*. Ita siphon anatomicus vi modica aquam in minima vascula impellit, sebum demum vi maxima. Ita a corporis exercitatione & febre, pro tenui perspirabili, crassus viscidusque sudor, pro urina straminei coloris & aquosa, urina rubens, ponderosior, fætidior, terræque copia majori feta, eadem in cola transit. Sanguis ipse denique

r Franc. Lamure de secret. collectæ circa cutem calidæ atmospheræ.
 p. 41. De Borden reflexions sur le pouls p. 355. Nam aucta in nostro somno transpiratio caloris a vestibulis aucti opus est. &
s Clifton Wintringham l. c. p. 219. Lamure p. 22.

velocitate vehementer aucta per omnia corporis humani vascula penetrat *t*.

Hinc velocitas major, multis modis, impuras facit secretiones, & humores in ostiola secreteria urget, alienis plenos moleculis. Cum enim angusta oscula majores quasque particulas excludat, dilatata eadem cum tenuibus glebulis etiam majores transmittunt.

Iterum, celeritas major faciet secretiones humorum fluidiorum *v*, neque sinet, suis in colis, viscidos humores nasci. Ostensum est *x*, motum *progressivum* sanguinis diversa elementa, pondere varia & figura, aliisque adfectionibus, adipemque & aquam, & mucum, & gelatinam, terram etiam ferrumque, mista conservare. Vires enim adtractrices, dum superest, *progressivus* motus superat particulasque a mutuo contactu divellit, ut minus se trahere possint. Quare non finit viscidas particulas, adiposasve ita se amplecti, ut uniantur, inque homogeneas massas confluant, ut quidem confluere in secretionem necesse est. Ergo a multo motu sanguinis adipis generatio impediatur *y*, & muci. Phlegmaticorum est mucos abundare.

§. V. *Tardioris in sanguine eorum adeunte causæ
& motus efficacia.*

Tarditatem in sanguine secretorium eorum

t L. II. p. 225. 226.
v Wainewright de secret.
anim. Neisfeld de secret. n. 206.
Addit Cl. Wainewright sangui-

nis abundantiam fluidas secretionem facere.

x L. VI. p. 209. seqq.

y L. I. p. 80. seqq.

adeunte facit arteria a corde remoto & loco orta, eademque præterea prælonga *a*, & exigua *b*, ut in feminali arteria exemplum est. Porro arteria ramosa, in qua repetitæ divisiones lumen ramorum multo majus faciunt, quam est lumen trunci, quam quidem ad secernendum præparationem olim *Guil. Cole* *c* testis exemplo illustravit. Ejusdem generis est arteria, quæ eundo dilatatur *d*. Huc porro facit arteria flexuosa *e*, & incurvata, nata ad angulum rectum, rectoque majorem *f*; mollis præterea *g*, quæ a vi cordis extendente valde dilatetur, inque gyros agatur. Ab his omnibus causis frangitur motus progressivus, & pressio lateralis pro eadem portione augetur.

Effectus mechanici retardationis intelliguntur fere ex contraria velocitatis efficacia. Secretio primum parca erit, in dato enim tempore pauciores sanguinis unciae ad idem colum adplicantur. Parca ergo bilis secretio, pro visceris mole, parcissima feminis.

Tarditas excludet hætenus particulas crassiores, facietque humores puros, cum crassiores

- z* *Keil de secret. anim.* p. 100. *mine & testib.* p. 17.
a *Comper philos. transact.* *e* Viscidissimus liquor præparatur in arteria maxime complicata *Wainewright propos.* 16.
n. 280. *Keil* *ibid.* In porco, ob flexiones repetitas quinque pedes cum dimidio longa est *Morgan principi.* p. 176.
Monro de testib. & semine p. 17. *f* *L. VI.* p. 25. 41. *Hamberger* l. c. n. 328. *de secretionem* l. c.
b *Keil* *ibid.*
c *De secret. anim.* p. 101.
d De spermatica arteria id docetur apud *Keil* l. c. Vigefies & quinquies in quadrupedibus ampliore reddi *Monro de semine* *g* Huc, etsi alias venas firmitate superat, tamen pertinet vena portarum, arteriis certe tenuior & flexilior.

Sect. III. TARDITATIS CAUSÆ EFFECTUS. IOI

nunc glebulæ ab ostiis minoribus præcludantur; crassiores dico, non viscidas particulas. Post urinam crassam, ponderosam, restituta sanguinis naturali tarditate, iterum citrina & aquosa urina excernitur. Sanguini menstruo, superato qui eum incitavit impetu, mucus uterinus succedit. Puros autem humores vocamus homogeneos. Ii multis modis a tarditate secretionis adjuvantur.

Homogeneos humores se adtrahere, & oppositæ indolis particulas repellere notum est. Mistus aquæ adeps, mucusque, sola quiete secedit, & ad mucum viscidæ particulæ, ad adipem oleosæ *h*, ad aquam aqueæ se congregant. In globulos non viscidus solum adeps, oleumve, sed fluidissimum argentum vivum, & aqua demum se colligit. Ergo diminuta sanguinis celeritate, causa frangitur, quæ congregationem similium particularum impedit. Quare, si arteriæ ad secretorium colum tendentis sanguis tarde fluit, colligentur utique in ipso sanguine, deque alienæ indolis particulis se segregabunt, particulæ mucosæ, oleosæ, pingues, reditque ea efficacia ad eam præparationem, quam primo loco diximus; sanguis nempe ad colum destinatum ejusmodi ducitur, in quo plurimæ particulæ ejus humoris similes continentur, qui per id colum debet separari. Dudum senserunt Cl. viri i

h Keil p. 98. &c. *Wainewright* propos. 16.

i Guil. Cole de secret. p. 101. *Lancis.* diss. III. *Spoletus.* ut ex aliis percipio, *Hales hæm-*
statics p. 125. *Villard & Mac-*

quer in thes. Ergo ab imminuta in capillaribus sanguinis velocitate facilior secretio Paris 1740. *Hamberger* de secret. in genere &c.

hanc tarditatis ad secretionem necessitatem, ut etiam negarent, absque lentiori sanguinis motu, quidquam fecerni posse. Eadem est ratio, quare Cl. *Neifeld* acutum angulum secretioni contrarium esse scripsit, rectum favere *k*.

Iterum lentus motus auget pressionem lateralem *l*, particulas ergo secretioni destinatas parietibus applicat, in quos secretoriæ particulae patent. Celeritas contra sanguinem per axin urget luminis, ut perlegat longitudinem sui canalıs, minusque in parietes nitatur. Hæc potest causa esse, quare adeps in homine exercitato minus in cellulas congregetur.

Augetur hic tarditatis effectus, & facit, ut visceri potissimum humores fecernantur, cum motu progressivo fracto aut sublato, facilius se amplectantur, inque suis vasis viscidius jam, adque motum ineptius liquidum constituent *m*. Reguntur enim sola adtractione, quando contraria vis progressiva sublata fuit. Ita Cl. *Nesbit* *n* in minimis vasis ossium particulas scrupas reperit, alii glutinosas, & refarciendo callo aptas *o*, quas in magna arteria nemo vidit.

Sed eadem particulae, ut minus mobiles, obque visciditatem pigrae, de axi suae arteriae per validiores alias deturbabuntur *p*, adque parietes suorum vasorum etiam hanc ob causam,

k n. 239. 245. *Sauvages physiol.* p. 171. &c.

l *Jones de mot. muscul. conf.* L. VI. p. 125. 126. &c.

m De secretionem bilis hæc

Spoleti theoria fuit de secret. bilis Venet. 1685.

n *Nesbit human osteogeny* p. 20.

o *Wreede von der nutrition* p p. 92. seqq.

depellentur, lentiusque fluent, uti omnis per canales, etiam exanimes, secundum latera motus eo lentior est *q*, qui per axin pergit.

Porro eo magis viscidæ particulæ per retardationem in vascula secretoria secedent, quia ad parietes arteriarum & vasculorum suorum alioquin adtrahuntur *r*. Cum ergo & sponte se ad latera conferant, & a pressione laterali eo urgeantur, intelligitur, quomodo viscidi humores adeo celeriter, & abunde, in quieta & sedentaria vita colligantur, ut alaudas Lipsienses intra unicum diem *Stablius* pinguescere scripserit. Pinguedinem vasculorum lateribus adhærentem credit se vidisse *Baglivius s*.

Subtiliora etiam aliqua supersunt, quæ ex tarditate sequuntur. Si humor in arteria ad secretorium colum veniente jam viscidus advenit, & particulæ glutinosæ se in eo trunco amplexæ addensaverint, si tunc porro ex ea arteria minores fistulæ exiverint, secedet per eos ramos quodcunque fluidius, iisque osculis aptius est, qui neque adiposa, neque mucosa, neque gelatinosa admittunt, atque in trunco ipso manebit, quidquid est viscidissimi & pigerrimi *t*.

Ad fine est hætenus, diversum tamen, quod alii Cl. viri docuerunt. Ponderosa aiebant axin tenere sui canalis, longius ergo a cordis com-

q Bernoulli hydrodynam. p. 36. *lotti l. c. p. 53.*

r De globulis rubris *Second*
memoire sur le mouvement du
sang p. 340. &c. Viscida ad la-
tera vasorum adhærent *Miche-*

s Oper. omn. p. 679.
t Clifton Wintringham in-
quiry p. 220. Conf. Th. Morgan
principles p. 170.

muni vi propelli, quod momento majori ferantur, in loco ergo a corde remotissimo id omne fecerni, quod est crassissimum. Contra eam utique theoriam monuit Cl. *Shebbeare* *v*, & omnia omnium corporum elementa æque gravia esse, & argenti vivi sublimati solutionem in vasorum systema impulsam, æque acrem, & æque adeo ebriam metalli copia, ad magnas a fonte motus, parvasque distantias prodire, ponderosiora adeo a levioribus non segregari. Verum prior affirmatio unice vera est aut de corpore per inane spatium delapso, aut de veris elementis, quæ in graviori corpore numerosiora sunt: posterius experimentum id solum docet, metallum accurate a solvente humore solvi, & adeo pertinaciter ipsi adhærere, ut in exiguo spatio non separetur.

Hæ & aliæ harum similes contemplationes fecerunt, ut plerique physiologi diversæ velocitatis rationem haberent, quando diversorum humorum secretionem explicare adgrediebantur, & inter primos *Guilielmus Cokburne* *x*. Cum diametrorum vasculosorum secretoriorum consideratione velocitatis rationem *Georgius Cheyne* *y* conjunxit, & *Bartholomæus Boschetti* *z*, & alii.

v *Princ. of practice* p. 312.
316. 317.

x *Oecon. anim.*

y *Theory* p. 69. *philos. principl. of relig.* p. 297.

z *De salivat.* art. 3. ad fin.

§. VI. *Causæ diversæ secretionis quæ in ipso colo
ponuntur.*

I. Arteriolearum in organo habitus.

Multa naturæ consilia sunt, quibus ad diversorum humorum separationem obtinendam usa est : & quæ partim ex conjectura adtingimus, partim etiam oculorum testimonio confirmamus. Huc ergo recenseo retia vasorum diversa ; ostiorum secretoriorum diversum lumen ; firmitatem ductuum excretoriorum non ubique eandem ; irritabilem vim organi secretorii magnam debilemve ; brevitatem canalium humorem secretum accipientium, aut vicissim longitudinem ; deinde rectitudinem aut anfractus ; folliculos, in quos natura humorem secretum effundit ; eorum folliculorum potentias moram augentes aut minuentes ; resorptionem venosam ; commistionem diversorum humorum. Sed hæc omnia præterea variis modis inter se conjungi & combinari possunt. Neque ideo *Naturæ* divitias exhaustimus, cum in fabrica intima plurima latere queant, quæ æternum nos sint fugitura.

Initium hujus contemplationis merito fiet ab iis conditionibus, quæ humorem nondum natum regere creduntur. Sequentur, quæ jam separatum humorem determinant. Eo magis vero sollicitos nos esse oportet in hac historia, quod clarissimi viri plurimum huic in arteriarum retibus diversitati tribuerint ipseque, parum

favens hypothefibus, *Ruyfchius* *a* ab ea fola caufa fecretionum varietatem crediderit explicari. Videbant alios aliosque arteriolarum in diverfis corporis humani particulis fines, cum aliis & aliis fecretionibus conjunctos; neque ipsis improbable videbatur, hoc difcrimen in arteriolarum fabrica non abfque fapienti *Natura*, nihil fruftra molituræ, confilio effe. Id confilium ita funt interpretati, ut ab alia retium fabrica, aliud organi munus fequeretur: fiquè id munus fuerit, humorem aliquem feparare; tunc quidem quæque fabricæ arteriofæ quali fpecies fuum peculiarem fuccum produceret: plane uti plantarum & diverfi fucci funt, & earumdem folia alios & alios nervorum inceffus oftendunt. Eo magis vero probabilem fententiam fe fequi perfuadebantur, quod diverfas humorum fluentium adfectiones fe per mathematica confirmaffe crederent.

Nempe velocitas major nafcitur, fi canalis rectus fuerit: minor fi inflexus *b*. Inter ramorum cum fuis truncis interceptos angulos difcrimen eft, atque parvi anguli plus velocitatis *c* fuo humori impertiunt, magni minus. Velocitatis autem & majoris fua in varianda feparatione humoris efficacia eft *d*, & minoris. Verum in variis corporis humani arteriofis

a In *Præfat.* ad *Thef.* VI. p. 6. *Thef. max.* n. 232. *Adverf. Anat.* I. n. 5. *III.* n. 8. In aliis etiam aliisque partibus corporis humani diverfos effe extre-

mos arteriarum fines monuit *Epift.* III. p. 28.

b L. VI. p. 25. &c.

c lb.

d L. VII. p. 98. feqq.

retibus , aut systematibus recti canales dominantur , flexi in aliis ; anguli in plerisque acuti , in nonnullis tamen recti. Sequi videbatur , ex ea ipsa diversitate fieri , ut in quibusdam corporis partibus sanguis celerius in vasa secretoria veniret , tardius in alia , indeque ea omnia eventa fluere , humorisque separati discrimina , quæ a celeritate & a lentore nasci ostendimus. Sed etiam diversam arteriarum magnitudinem , earum in retibus varietatem , aliarumque adfectionum disparas naturas , inde vero alias etiam humorum indoles generari autumant.

Ergo , ut eamus per singula , rectæ arteriolæ per chorioideam oculi membranam incedunt *e*. Rectæ etiam sunt , penicillorum arteriolæ , qui in liene *f* *Ruyfchiana* arte innotuerunt , ab Ill. viro *J. F. Lobstein* nuper confirmati ; tum quæ ex pia membrana *g* in cerebri corticem se demittunt ; rectæ fere , quas in pituitario narium velamento *Idem* bonus bene ostendit *h*. Flexa contra , & serpentium similia , vascula sunt in rene *i* humano , in uteri ovilli tunica *k* intima , in utero virginum maxime teneriorum *l*.

Anguli , ad quos arteriolæ dividuntur , valde frequenter exigui sunt. Ad parvos angulos

e *Icon. Anat. fascic. VII. tab. arter. oculi* f. 4. sum recta *Thef. VII. t. 3. f. 2. etfi, non absque manifesto etiam*

f *Ruyfch Epist. T. IV. f. 4. Thef. II. t. 6. f. 5. Thef. VII. aliquantum flexuosa sunt.*

T. I. f. 1. i *Ruyfch Thef. II. T. 6. f. 7.*

g *Idem Epist. XII. T. 14. Thef. III. T. 4. f. 3. Thef. IV.*

f. 13. Thef. VI. prodrom. fig. 6. T. I. f. 1. Thef. VI. prodrom. f. 2. 4.

Albin adnotat. anat. L. I. T. II. k *Thef. II. T. 6. f. 8.*

f. 5. l *Conf. Nuck in adenograph.*

h Longa nempe & in univer- *f. 32.*

chorioideæ membranæ arteriolæ dividuntur *m*, & ciliarium processuum *n*, tum pituitariæ etiam *o* membranæ vascula.

Acuti anguli dominantur in membranis fere omnibus, hepatis nempe *p*, vesiculæ felleæ *q*, pleuræ *r*, pericardii *s*, scroti *t*, arteriarum *v*, sub cranii cute *x*, subque planta pedis *y*, in pia matre *z*, omento *a*, periosteo *b* externo, interno, chorio *c* (vitulino quidem) *d*, & corde *e*. Ad exiguos angulos se dividunt lienis vascula *f*, quæ ex eodem trunculo numerosa, & inter se & cum trunculo parallela, progrediuntur. Sed etiam in placenta uteri eo modo se habent *g*, inque glandulis intestinorum *h*, quas cum penicillo vieto *Ruyschius* inventor comparavit.

Aliquanto majores ad angulos dividuntur vascula hepatis *i*, quæ ex communi trunculo ad stellæ modum in ambitum discedunt, tum in

- | | |
|---|--|
| <i>m</i> Fascic. anat. l. c. | <i>Epist.</i> VIII. T. IX. p. 6. 10. |
| <i>n</i> Zinn ocul. hum. T. 2. f. 3. | <i>Albini icon. off. fet. fig.</i> 162. |
| <i>o</i> Ruysch l. c. | <i>c</i> <i>Albin Adnot.</i> L. III. T. 5. f. 2. |
| <i>p</i> <i>Thes.</i> X. T. 3. f. 5. | <i>d</i> <i>Thes.</i> II. T. 6. f. 8. <i>Thes.</i> max. T. 2. |
| <i>q</i> <i>Epist.</i> IV. T. 5. f. 4. <i>Thes.</i> IX. T. 4. f. 1. | <i>e</i> <i>Epist.</i> III. T. 3. f. 1. 2. <i>Thes.</i> IV. T. 3. |
| <i>r</i> <i>Epist.</i> II. T. 2. f. 1. 3. | <i>f</i> <i>Epist.</i> IV. T. 4. f. 4. <i>Thes.</i> II. T. 6. f. 5. <i>Thes.</i> VII. T. 1. f. 1. |
| <i>s</i> <i>Epist.</i> IV. T. 5. f. 4. | <i>g</i> <i>Thes.</i> II. T. 6. f. 1. 4. |
| <i>t</i> <i>Epist.</i> II. f. 2. | <i>h</i> <i>Epist.</i> XI. p. 9. |
| <i>v</i> Aortæ <i>Epist.</i> III. T. 3. f. 1. 2. 3. | <i>i</i> <i>Thes.</i> IX. T. 4. f. 1. 2. 3. <i>Bierwirth de struct. hep.</i> f. 1. <i>Vieußsens obs. d'anat. & de med. prat.</i> p. 139. |
| <i>x</i> <i>Albin adnot.</i> L. I. T. 6. | |
| <i>y</i> <i>Ruysch Thes.</i> III. T. 3. f. 2. | |
| <i>z</i> <i>Epist.</i> VII. T. 8. f. 2. 3. | |
| <i>Albin</i> L. I. T. 2. f. 3. | |
| <i>a</i> <i>Thes.</i> II. T. 5. f. 1. | |
| <i>b</i> <i>Epist.</i> IV. T. 5. f. 1. 2. 8. | |

tympani membrana *k*, cujus arteriola ramofum arboris truncum refert. Per inteftinorum etiam membranas *l*, & potiffimum per cellulofa fpatia inter mufculofam & nerveam membranam, arteriæ crafforum inteftinorum ad acutos angulos dividuntur: iidem vero anguli in tenuibus inteftinis fenfim laxantur majoresque fiunt, tum in ventriculo. Sed & alibi arteriolæ arbufculæ reperiuntur *m*.

Magnos angulos vidi in vafis, quæ inter parallelos truncos arteriofos venofosque pifcium media intercedunt; maximi demum funt, ad quos arteriæ anulos facientes divaricantur per mefenterium *n*, perque eum circulum, quem arteriolæ chorioideæ *o* oculi retro uveam faciunt, alium quo nervum opticum *p* cingunt, alium denique qui pulcherrimus in vitreo corpore pifcium ex duabus divaricatis arteriis nafcitur. Porro circuli vafculofi, ex quibus circulus vitelli ruber in ovo nafcitur *q*: & anguli demum ramorum, qui divifis cruribus peripheriæ figuræ venofae fe addunt *r*. Rectos vero angulos, quos in veficula fellis *s*, inque mufculis *t*, & alibi paffim in membranis Cl. viri descripferunt, aut fub quibus a truncis fuis rectis natae, fuas pariter in venas fe inmittere dicuntur, eos quidem angulos anatome nondum confirmat.

k *Epift. VIII. T. 9. f. 9.*

l *Albin de vafis inteftinor.*

m *Ruyfch Thef. max. T. 3. Adverf. anat. III. T. I. f. 4. 5. 6. 7.*

n *In fascic. IV. tab. art. 2. 3.*

o *Fascic. VI. T. 6. f. 5. 6.*

p *Ibid. f. 4. 2. Zinn l. c. p. 217.*

q *De la formation du poulet T. II, p. 146.*

r *Ibid. p. 29.*

s *Hales hæmaftat. p. 150. 151.*

t *Idem ibid. p. 158.*

Sed neque ubique in corpore humano retia esse doceri debuit. Viscera quidem vera vix in interiori fabrica retia habent, ramique potius arteriosi recti incedere solent, sibi que paralleli, ut in liene, hepate, placenta: neque serpentuli renum ad rete pertinent, quod ne in majoribus quidem ramis reperio, qui utrinque papillae solent inminere. Inter membranosa vasa absque anastomosibus, atque adeo absque reticulata fabrica sunt, quae cellulas ossium adeunt v.

§. VII. *Quantum diversitati finium arteriosorum tribui possit.*

Alibi retium adfectiones exposuimus x. Ea in universum diminuunt ramorum ad truncum rationem, faciuntque ut truncus ramis potius major sit y. Haecenus ergo celeritatis decrementa minora faciunt.

Contra si retia fuerint ejusmodi, ut rami diverforum truncorum, magnos ad angulos nati, magnos pariter ad angulos conveniant: eorum quidem sanguis contrariis ictibus collidetur z. Si omnino sanguis teritur, inque minora abit ramenta, hoc certe loco abibit. Ad tritum enim nihil potest potentius excogitari, si a pressione directa recesseris, quam perfectus e contrario concursus.

Quo minor angulus est, quo duo trunculi

a Bertin osteolog. T.I.p.295.

296. 301.

x L. VI, p. 276.

y p. 285.

z p. 276.

coeunt, eo minor fiet consilio, & eo pacatius duo sanguinis flumina in unum torrentem consentient. Plus enim est in eorum directione, quod convenit, minus omnino quod pugnat.

Verum his omnibus collectis, nondum certe ad verum, adque causam diversae secretionis cominus accessimus. Primo quidem loco fatendum est, ipsam rei, uti se habet, historiam, retiumque veram varietatem nondum innotuisse, cum de minimis, ultimisque inprimis arteriis hic quaeratur, ex quibus vascula novum humorum vehentia prodeunt. Quae vero majora retia, ex truncis potius multorum globulorum confluunt, ea non satis sui dissimilia, neque pro diversi humoris, qui quoque loco gignitur, varietate satis a se invicem aliena sunt. Cur perinde pene recta vasa & lieni data sunt, & tenerrimis humoribus oculi? Cur similis nimis corticis cerebri, lienis, placentaeque uteri, dissimilimis cum utilitatibus & humoribus fabrica est? cum inde humorum omnium tenuissimus nascatur: hic aut nihil, aut pigrum quid bilis generandae auxilium.

Denique, quod mihi fere omnem spem eripit, venarum est fabrica. Neque enim ego quidem venosa retia laxiora *a* neque eorum angulos rectos reperio, sed frequentissime simillimas, quales arteriarum sunt, omnino divisiones. Arbusculas intestinorum arteriosas simillimae venosae arbusculae comitantur. Anuli mesenterii

a Hales l. c. p. 137. L. II. p. 254.

maiores perinde ex venis sibi occurrentibus coalescunt, ut ex arteriis *b*; in ovo autem omnino ii circuli unice venosi sunt, quibus nihil pulchrius vel cogitari potest *c*. Verum a venis secretio exspectari nequit. Sed etiam ubi nulla secretio, praeter similem ubique vaporem obtinet, ut in membranis, diversissima aliis, & aliis locis retia sunt. Quare diversae illae quidem arteriarum fabricae ad alias & alias circuitus sanguinei adfectiones, ad retardationes, impedimenta, accelerationes, & auxilia magis pertinere videntur, quam quidem ad definiendam peculiarem humoris quoque loco geniti naturam. Et si quidquam inde ad secretiones humorum definiendas facit, id ad praeparatoriam illam trunci arteriosi celeritatem, aut tarditatem, adque copiam aut parcitatem sanguinis retulero, qui secretoria organa subit. Quae omnia eminus quasi aliquantum ad secretionem spectant.

§. VII. II. *Diversa diameter vasculi recipientis.*

Simplicissimum hoc naturae artificium est, quo obtinuit, ne sanguis in ulla vascula secretoria, in aliqua ne gelatina quidem subiret. Vasculo nempe secretorio, quod a rubra arteria nascitur, suumque humorem accipit, ostiolum minus fecit, quam est diameter globuli rubri. Ita iste quidem excluditur, reliquae vero molecule admit-

b Tab. art. mes. in fasc. IV. *c* Oper. min. II. p. 345.

admittuntur, quæcunque diametrum lumine ostioli secretorii minorem habent. Ita porro facile est intellectu, si multa fuerint particularum in sanguine circumeuntium genera, potuisse naturam levi artificio primam quasi ad secretionem præparationem, hac unica providentia obtinere, ut diversam molecularum magnitudinem poris secretoriis admetiretur. Fac ex ordine, molecularum ejusmodi progressionem esse, ut sanguinis maximæ massulæ, adipis secundæ magnitudinis sint, bilis elementa tertiæ, lymphæ flavæ glebulæ quartæ, salivæ particulæ quintæ, aquæ exhalabilis quæcunque guttulæ sextæ sint. Fac inde poros secretorios, quorum lumen sit secundæ magnitudinis molecularum diametro æquale, aliosque, qui particularum tertiæ, quintæ classis diametro pares sint. Ita per porum secundæ classis molecularum capacem, excluso sanguine, exhibit adeps, bilis, lympa, saliva, exhalabile sanctorianum: per poros tertii ordinis neque sanguis, neque adeps, cæterum bilis, serum, saliva, halitus: per quartum genus pororum neque sanguis, neque adeps, neque bilis, neque lympa, sed saliva, & perspirabilis vapor; per quintum neque adeps, neque bilis, neque lympa, neque saliva, sed unice sanctoriana aquula separabitur. Solus ergo humor ultimus purus erit, reliqui omnes impuri, & tenuioribus generibus eo numerosioribus commisti, quo majoribus particulis constant.

Ex omnibus autem sanguis excluditur, qui solus fiat corpusculis certa fide conspicuis, atque

adeo majoribus, quam reliqui humores, quibus
moleculæ inconspicuæ sunt. Qui bilem sanguine
crassio rem fecerunt *d*, ii obli ti sunt, nasci te-
nuem *e*, de nascente vero unice sermonem esse:
& classes duas distinctissimas rerum confuderunt *f*,
crassum nempe viscidumque. Glutinosa enim
natura non a magnitudine molecularum pendet *g*,
sed a cohæ sionis vi majori. Existat Cl. *Iatro-*
mathematicus h, qui moleculas viscidi humoris
potius minores faciat. Certe si adtractionis aut
cohæ sionis vis esset, ut superficies, minorum
utique molecularum, cum eadem utrinque
figura, major erit superficies.

Hypothesin cæterum si cum experimento
comparaveris, perinde fere consentire videbitur,
ut cum mathematicum elementis consentit. Pri-
mumque, si cordis vim cum siphone anatomico,
sanguinem cum injecta materie ceracea compa-
raveris, certum est ceram, sebumque in ma-
xima vasa sola penetrare, & difficillime subire
in minora, quæ & crassa materies sit, & tenax.
Deinde tenue terebinthinæ oleum in minima
quæque oculorum aliarumque partium corporis
humani vasa penetrat. Iterum certum est, per
mea experimenta, in pulmonis exemplo, gluten
de siluro pisce in bronchia decolor transiisse,

d Bianchi in historia hepatica edit. I. p. 37. & post reprehensionem Lancisii edit. 1725. p. 84.

e Monuit Lancisius Galeria di Minerva T. VII. p. 98.

f Ut Thomas Morgan qui

oleum adipe crassius facit l. c. p. 342.

g P. A. Michelotti l. c. p. 35.

Job. de Gorter de secretionibus II. n. 53.

h Lamure de secret. p. 28.

Sec. III. DIVERSA DIAM. VASC. RECIP. 115

& cæruleas indici veneni particulas in arteriis pulmonalibus deferuisse.

Hæc de humoribus. Osculorum vero vasorum si diversa lumina repetieris, probabile fiet utique, venosa maxima esse, quæ globulos rubros admittunt, lata, etiam oleosa, & sanguine proxime minora, qui frequenter per ea ipsa erumpat *z*. Ergo in adiposas cellulas, penitus ex theoria, omne fere genus injectæ ab anatomicis materiei subit, sebum fusum, etiam crasso minio tinctum, adeps calefactus *k*, gluten piscium dissolutum, aqua, argentum vivum, aer. In mucosa vasa, *Peyerique l* glandulas cera transit, crassas vero cinnabaris particulas, nimis oppido magnas, non potest secum transmittere.

Contra exhalantia vascula angusta ostiola habent, ex *Leeuwenhoeckianis*, hætenus nobis suffecturis experimentis: sed ab iis osculis & cera, & sebum fere arcetur, aqua facile transit. In tenerrima vascula vitrei humoris, lentis crystallinæ, corticis cerebri, aut nihil subit, aut tenuissimus unice, magno cum labore liquor.

Iterum a sola angustia luminum excretorii ductus crassiores particulas excludi, aliquanto probabilius redditur, quod aucta velocitate sanguinis, aucto adeo impetu, quo globuli in ostiola secretoria nituntur, omnino sanguis in ea etiam ostiola viam sibi aperiat, quæ integro in rerum statu solos tenuiores humores transmittit.

z L. I. p. 74. seqq.

k Schulze *Commerc. Lit. Novæ* *Advers. anat.* II. n. 3.

ric, 1731. *spec.* V.

l *Ruyseh Epist. anat.* XI. p. 9.

Advers. anat. II. n. 3.

tunt. Ostendimus enim *m* sanguinem, ex solo febris impetu, aut a corporis exercitatione vehementiori, non læsis organis, per ductus excretorios urinæ, fudoris, mucii narium, pulmonis vesiculas, pericardii *n* aquulam, intestinorum vaporem, aliosque humores aquosos exire. Plane ut in angustum flexilemque tubum globulus plumbeus subit, si bacillo valide impuleris, non subiturus, nisi ea vis accessisset.

Neque sanguis solus in tenuiora vasa transit, nam etiam crassus oleosusque sudor in vasa perspirabilia viam sibi explicat: in urinam oleum crassius penetrat, merusque in phthificis adeps, in varios, alienos & tenuiores ductus demum lac, a suis viis repulsum.

Etiam ulterius paulo clarorum virorum sagacitas progressa est. Nam rationem invenerunt, qua fieri posset, ut ex solo secretoriorum ductuum diverso ordine puri humores, neque alterius generis particulis misti, de sanguine separarentur. Ergo si scopus fuerit crassissimum aliquem humorem fecernere, bilem in exemplo, præstiterit ex arteria secretioni bilis destinata educi ex ordine ramos minoris diametri, quam sunt bilis moleculæ; fac multos esse, & longa serie, exhibunt adeo de ea arteria particulae omnes, quae bilis glebulis minores sunt, si satis fuerit ostiolorum hos humores avehentium, usque dum cum sanguineis globulis, in arteria secre-

m L. I. p. 225.

n Santorini storia d'un feto p. 51.

toria aut foli bilis globuli superfint , aut certe paucissimis subtilioribus particulis misceantur o. Hactenus certe exemplum vasculorum capillarium huc referre possis , quae solos globulos rubros , aut certe ita paucio tenuiori humore mistos , continent , ut unicus globulus ruber totum ejus vasculi lumen sibi sumat. Contra , si quam tenuissimum & limpidissimum liquorem secerni volueris , para ejusmodi arteriam , ex qua magni canales adipis , bilis , aliorumque crassorum humorum glebulis adaptati longa serie prodeant : avehent ii crassiores humores , ut solus cum sanguine in ultima arteria is humor tenuior supersit , quem voles secerni p.

Secundum id consilium , variatis q fistularum de arteria productarum luminibus , poterit utique obtineri , ut ante finem arteriae fere is humor abundet , quem de eo fine secerni volueris : subductis nempe ante eum finem aliis humoribus quibuscunque. Quod quidem machinationis genus etiam ad praeparationem secretorii sanguinis hactenus pertineret , nisi fistulas abducentes in ipsa glandula , aut in viscere necesse esset disponere.

Ut ut haec se habeant , certe osculorum

o Jos. Morland of the force of the heart p. 85. qui & bilis & feminis exemplum adducit : tum in philos. transact. n. 283. Keil de secret. anim. p. 129. 130. Verheyen L. II. p. 298. Neifeld de secret. p. 74. Adfinis est Ill.

Ludwig hypothesis, qui tenuiores humores per venulas abducit *physiolog.* n. 237.

p In ranis *Second Memoire sur le mouvement du sang* Exp. 120. 122. 124. &c.

q Conf. Keil l. c.

secretoriorum diameter, glebulis cujusque humoris elementum constituentibus apta, a primis fere mechanicæ sectæ initiis ita placuit, ut in omnium sectarum placita admitteretur. Sola ea fere machina usus est Cl. *Keil*, neque aliud ostiorum secretoriorum discrimen admisit s: ex ea sola totum mysterium separationis *Pitcarnius* explicavit t, & *J. Maria Lancisus* v, & *Petrus Antonius Michelottus* x. Ea sola etiam ita usus est *Josephus Morland* y, ut tenuem humorem ob ipsam arctitudinem secretorii ostioli fecerni doceret, quæ sanguinem repelleret.

Qui velocitate præterea diversa uti voluerunt, figurisve pororum, ii tamen omnes ad diametros ostiorum pariter respexerunt. Cum figura eam speculationem conjunxerunt Cl. viri *Guilielmus Cole* z, *J. Alphonsus Borellus* a, *Guilielmus Cokburne* b, *Philippus Verheyen* c. Cum velocitate, & angulo secretorio luminis rationem composuit d *Georgius Cheyne*, cum velocitate, densitate, & angulo *Clifton Winttingham* e. Neque ab ea contemplatione *Boerhaavius* abstinuit.

§. IX. Objectiones.

Non ideo dissimulasse oportet, varia contra

s l. c.

t De circul. sang. per min. n. 15. 16. 17.

v In Epist. ad *J. B. Bianchum* quæ in operib. omnibus exstat & pro dissert. III. numeratur.

x l. c. Lex. I. Excludit velocitatem lege II. p. 250.

y Philos. Transact. n. 283.

z De secret. anim. p. 82.

a De motu anim. L. II. Prop. 140.

b Oecon. anim.

c Anat. L. II. p. 292.

d Philosoph. principl. of relig. p. 297.

e Enquiry p. 178. 218.

hypothesein obijci posse; quae ab osculorum secretoriorum diversis luminibus separationem diversorum humorum deducit. Primumque dubitari possit, num omnino diversa particularum magnitudo sit, quae diversos humani corporis humores constituunt. De globulis rubris credo constare, forte etiam de lacteis globulis, esse maximas, solasque conspicuas sanguinis glebularum. Sed de adipis certe, lymphae, muci, salivae, urinae, lacrumae particulis, nullum experimentum producit, & ne quidem produci potest. Crassiorum humorum elementa sunt qui crassa faciant, sunt qui tenuia *f*, adeo incerta res est. Neque haec diversa magnitudo discrimen *characteristicum* humorum exhaustire videtur, quod facit, ut sui in omnibus hominibus similes, aliorum humorum dissimiles sint. Idem lactis globuli dum recentes, dulces sunt, diversissimi a seipsis, postquam per circuitum saepe iteratum acrimoniam induerunt rancidam.

Verum altera, multo severior, objectio superest, quam *Georgius Martine* proposuit *g*, *Franciscus Boissier* dissolvere conatus est *h*. Nempe in animalibus grandissimis, qualis elephas est, & minutissimis, ut in mure: deinde in homine adulto, & in eodem puero, per similia viscera similes humores generantur, bilisque, in exemplo, horum animalium hominumque eadem

f Lamure 1. c.

seqq.

g De animalib. similib. p. 12.

h Physiolog. p. 183. 207.

est, easque dotes habet, quae bilis characterem in universum ingrediuntur. Nunc porro trunci arteriosi quicunque adulti hominis procul dubio multoties majores sunt iisdem analogis truncis in puero, & vena portarum hepatica viri quam pueri hepatica vena major est. Eadem in ratione justum est, & primos ramos venae portarum viri majores esse, primis in puero venae portarum ramis: idemque discrimen oportet in secundis, & in tertis, & in omnium divisionum ramis recurrere: id enim nisi recurrerit, tunc utique aut viscera pueri aequae magna forent, quam quidem adulti hominis viscera, aut pauciores in puero rami. Quare si omnia vascula hepatis viri majora sunt, quam pueri, majora etiam erunt cola secretoria bilis, & tamen eundem humorem parant. Non ergo a magnitudine diversa pororum secretoriorum diversorum humorum separatio.

§. X. *Respondetur.*

Prima quidem objectio haecenus videtur iniquior esse, quod elementa aquae non minora faciat, quam terrae sunt saliumque. Nempe humorum corporis humani omnium pars maxima aqua est: differunt autem, quod haec aqua in aliis penè pura sit, in aliis admistum habeat salem, terramque, & eorum quidem elementorum diversas portiones, denique oleum. Nunc aquae quidem purae elementa plus quam probabile est minora esse *i*, quam elementa salis,

terræque , quibus & majus pondus infit , & minor in univerfum penetrabilitas , naturaque consistens , adque motum pigra. De oleo possis ambigere , sed etiam oleum ab aqua hætenus distat , quod fluiditate ei cedat , quod sensus nostros gustus visusque imprimis , magis quam aqua emoveat , idemque minus purum sit , & iterum ex aqua fiat , alioque elemento , quod aquæ & lentorem impertit , & opacitatem , & saporem , aliasque dotes ipsas , quibus oleum ab aqua distat , adeoque particulis magis sensibilibus constat.

Quare , quantum quidem illis rebus a sensu remotis dici potest , probabile videtur , utique diversas esse glebularum magnitudines , ex quibus humores nostri componuntur , & subtilissimos videri , qui mera aqua fiunt , crassiores ex ordine eos , quibus plus majorum particularum salis , terræ , olei , ferri , commistæ fuerint.

Ad alteram objectionem hætenus respondere conatur Vir Ill. *Franciscus Boissier de Sauvages* , vasa secretoria pueri & viri tamen æque grandia esse , etsi viscera , glandulæque , & totæ staturæ impares sunt. In juniore vero homine (aut animale) pauciora ejusdem vascula esse , cum plurima nondum evoluta lateant. Nihil ergo interesse , quin definita in viri puerique visceribus magnitudo sit , cumque ea similis humoris separatio conjungatur. Neque desunt argumenta , quibus Cel. viri explicationem adjuves. Nempe vascula minima globulorum rubrorum moduli sunt , eosque transmittunt singulos : ut possis fere tuto colligere , ramorum mini-

morum in diversis animalibus lumina se habere, ut globulorum rubrorum circuli maximi. Sed rubri globuli, per experimenta hominum *k* in microscopicis contemplationibus exercitatorum, & in magno animale, & in parvo, & in viro, & in puero, ejusdem sunt magnitudinis. Eadem æqualitas etiam in fibris carneis obtinet, quas & in minimis animalium æque magnas, ac quidem in vastissimis belluis, olim ab omni hic præjudicata opinione purus *Antonius v. Leeuwenhoeck l* repetito reperit. Superest, ut, ex probabili valde analogia, & in magnis & in parvis animalibus etiam alia vascula, ipsaque excretorii de arteria rubra nascentis canalibus ostiola æque magna sint.

Ingeniosa hæc excusatio accuratius meditantis animum non penitus confirmat. Et primo ab evolutione repetita solutio problematis non potest ad animalia minora transferri, quæ adulta & perfecta sint, & quorum viscera nullam porto evolutionem expectent. Deinde, cum vasa hepatis, & visceris cujuscunque sanguinea, pauciora quidem in fetu sint, cæterum æque magna, dic num æque densa sint, num in fetu, quam in viro molliora. Æque densa quidem non sunt, cum & totus fetus tener sit, & hepar coagulato sanguini simile ad tactum diffluat, & aorta fetus multo, quam aorta viri debiliior reperiatur, & eadem diversitas in

k *Leeuwenhoeck Phil. Transf. T. III. p. 220.*
l *Epist. physiolog. p. 6.*

omnibus vasis hepatis ; primæ , secundæ , aliarumque divisionum recurrat. Pone nunc , sola vascula minima & secretoria fetus æque densa esse , sequetur infinita fere ratione densiora fore , quam sunt ejusdem visceris trunci , tota nempe ratione , qua robur aortæ viri , robur aortæ fetus superat. Sed ejusmodi densi canales nunquam per mollissimos truncos replerentur. Cum enim & truncis minores sint , & una dilatationi suæ immensum magis resistent , impellenti cordi trunci tanto cedent , quam ramuli , facilius , quanto hi densiores sunt , nempe motus cordis ex progressivo , in lateralem convertetur.

Contra pone vascula secretoria in fetu minus densa esse , quam in viro , uti omnino minus densa sunt , & tamen multo majora , tanto nempe , quanto vir fetu major est. Sed fetui cor & majus est , & magis irritabile , & pulsatur frequentius *m*. Huic cordi vasa minima æque ampla resistentiam , quam in adulto viro , milles minorem obponunt. Quare , cum vires distendentes potentiores sint , resistentia minor multo , dilatabuntur ea fetus vascula , neque manebit ea diameter , quæ in viro est , vasaque secretoria fetui , quam viro , majora fient , quod est contra hypothesin. Cl. enim vir vascula secretoria fetus negat crescere.

Verum ipso præterea oculo confirmatur , fetus vasa minima secretoria non posse æque ac in adulto magna esse. Unicus porus excretorius

urinæ, nudo certe oculo conspicuus, in viro ea est diametro, ut totus ren minoris embryonis non major sit, quem non possis unico ex poro urinifero componere, qui præter eum porum certe necessario & arteriam contineat & venam. Fuit tempus, quo vixit fetus, in pullo incubato conspicuus, in quo vere ejusmodi ren fuit, neque majus hepar unico ramo biliarii ductus adultæ avis, quem ultima oculi acie adsequaris. Non ergo in fetu vasa secretoria æque, quam in viro, magna sunt.

Iterum, perpetua ea evolutio novorum in grandescente homine canalium secretoriorum experimento, & rei ipsi non respondet. Æque perfecta & copiosa est vasorum fetus quasi sceletus, & omnes aortæ rami, eorumque furculi furculorumque propagines, & omnia vascula minima oculi humani, alteriusve visceris, quæ in numeratis habemus, ea quidem eodem numero & in fetu sunt, & in viro, neque unicum vasculum cum ætate accedit, aliqua vero, si fides est peritissimis dissectoribus, *n*, utique evanescunt, & pauciora in viri, quam in fetus visceribus vascula adparent. Omnino uti in foliis & teneris, & adultis, eundem nervorum numerum, paremque nervorum distantiam, Cel. *Stephanus Hales* reperit *o*.

Alio vero modo fieri potest, ut in nonnullis visceribus, ut in utero, plura in muliere quam in virguncula materno utero comprehensa?

n *Ruyseh Advers. Anat.* Dec. II. p. 4.

o *Veget Statiks* f. 44. 45.

vascula adpareant. Non dubium est, grandescere eadem, dum totum corpus incrementa capit. Pone nunc in fetu vasculum uterinum tota in longitudine sua unicum globulum rubrum recepisse, tunc quidem nudo certe oculo invisibile erit *p*, & observanti incisori nullum, cui nihil existit, nisi quod videt. Pone porro a cordis vi impellente idem vasculum pluribus globulis repleti, reddetur conspicuum, & ex *ade* nunc emerget, in quo prius latebat. Poterit autem aut totum vasculum dilatari, ut in rubræ arteriæ exemplo, aut si subtiliorem esse placet, poterit pars prior cordi finitima expandi, quæ prima ictum dilatati emboli experta sit, ultimumque osculum minutum, unique globulo pervium, & secretioni aptum manere. Æquum enim est creditu, in principium cylindri cor validius niti, vimque dilatantem expedire majorem, quam quidem in finem.

Deinde multo res simplicior est, neque tanta egebat perspicacitate. Certum est, utcunque in fetu maturo systema vasculosum grande fuerit, & pro portione corpusculi grandius, non eo minus tempus fuisse, in quo aorta tota non amplior fuit, quam unius rubri globuli diameter est. Eo tempore nullus in fetu sanguis esse potuit, sed neque fuit. In ea ætatula ductus secretorii utique minores, quam in adulto homine fuerunt, cum etiam aorta ne sanguinem quidem transmitteret. Eo ergo tempore per ea

vascula excretoria humor magna ratione subtilior transiit, quam per ejusdem nominis in adulto homine vasculum excretorium, neque similis utique humor tunc ex eo viscere prodiit. Nam omnino neque semen in fetu generatur, neque menstruus sanguis, neque bilis *q*, neque atrum uveæ membranæ pigmentum *r*, neque adeps *s*; sed mucus ubique iners, pellucidus, insipidus, pene aqueus, minori olei, salis terræque portione fetus. Hæc uti per mea experimenta didici, ita gaudeo hæctenus a summo viro *Johanne Swammerdam* occupata esse, ut ranularum juniorum bilem insipidam esse adnotaverit. Ipsum ordinem ostendi, quo particulæ colorem impertientes primum in bilem, in oculum, in alias fetus particulas viam sibi aperiunt *t*. Ita adeo objectio *Georgii Martine* solvitur, ut non verum sit, in fetu similes, quales in viro, humores separari. Vasa minora sunt, humores tenuiores *v*.

In minoribus animalibus adultis, si verum est globulos rubros & fibras carneas æque grandes esse, poterunt & ductus excretorii æque grandes esse, ac in vastioribus belluis. Tunc vero necesse est utique, ex paucioribus vasis renem aut hepar, aut alia quæcunque viscera

q Mucus nempe pro bile, tum, certe in meis experimentis mensiem, in homine L. I. Viredo adparet die 13 & 11. Amaror decimo quarto *Mem.* p. 25.

sur le poulet p. 160.

r Incipit adparere die quarto
ibid. p. 160.

s Incipit generari post quar-

t *Memoire sur le poulet*
T. II. p. 130.

v Ibid. p. 192, 193.

glandulasve in minori animalculo conponi, quam quidem in grandiori alio animale ren, hepar, aut ejusdem nominis glandula constat.

§. XI. III. *Ostiolorum secretoriorum densitates.*

Et si parum hic anatome lucis adfundit, præbet tamen nonnihil, & aliquantum theoria addit. Posita adeo eadem velocitate sanguinis adluentis, eademque particularum, quæ ostio excretorio se offerunt, natura, tamen alius humor separabitur, si alia canalis secretorii in ostiolo suo densitas fuerat. Pone densiorem esse, resistet magnis impulsis particulis, & majores repudiabit, tum segniore levioresque; admittet aquosas, admittet minores, has quia absque dilatatione subeunt, istas, quia majori momento in canalis secretorii ostiolum nituntur. Contra pone laxum ostiolum secretorium, minus resistet utique impulso humori, facilius admittet & magnas particulas, & leves mollesque. Densa ergo ostiola secretoria puriores secretiones, sed minus copiosas facient & humores transmittent graves aqueosve: laxa ostia faciunt secretiones impuras, quod varii generis humores admittant. Hanc contemplationem hæcenus *Clifton Winttingham* x adtigit, & *Josephus Lieutaud* y, & multo ornatius *Franciscus Lamure* z.

Si anatomen consulueris, & secretionum

x A variis arteriarum equidem secretoriarum diversitatibus secretiones variæ *Enquiry* p. 178. 218.
 y *Physiologie* p. 166. 167.
 z Vide n. 37.

vitiosas conversiones , non minuetur utique probabilitas hypotheseos. Certum est laxata organa , quæ prius densiora fuerant , humores transmittere crassiores. Densus , & acerbus teneræ virginis uterus fomentis laxatus , & vapore , pro mucosanguine stillabit. Laxior idem in multorum liberorum matre , pro eodem tenui mucosissimo lacteo albumque humorem secernet. Sicca vulneris latera tenuem lympham , laxata eadem per calorem , tepidaque fomenta , aut emollientia emplastra crassum pus subpeditant. In exemplo , post amputationem , die quarto , quinto de trunco tenue serum stillat : die 6. 7. 8. solutus , neque coctus adeps : aliquanto serius demum verum , & crassius pus 2*. Posset videri , tenues per densa vasa secretoria humores , crassos per laxa separari.

In corpore humano non minuitur analogia. Renum ductus uriniferi a densissima carne fiunt : iidem dum sani sunt , patent aquæ , ponderosa cum terra intime mistæ. Laxissimi adipis loculi , & per experimenta anatomica , laxæ in eos loculos de arteriis viæ sunt : levis ergo adeps eo secedit , & crassissimus sanguis facile sequitur.

Sed etiam in vasculis excretoriis feminis , uteri , & intestinalibus villis , diversas densitates offendimus : & in arteriis diversorum viscerum artuumque , simile discrimen est b.

§. XII.

2* Bagieu de amputat. p. 405.

a Ut suo loco ostendimus.

b Lieutaud l. c.

§. XII. IV. *Irritabilis vis ductuum excretoriorum major minorque.*

Etsi neque multi nervi ad glandulas plerasque eunt *c*, neque mechanica illa cultelli vel acus irritatio ullum conspicuum motum producit, non ideo a glandulis irritabilis natura abest, & fere ubique & excretionem, & ipsam secretionem præcipitat, efficitque, ut glandulæ & multum humorem excernant *d*, & propter moræ defectum tenuem, nihilque mutatum.

Aliquando irritatio unice videtur excretionem expedire, cum organum secretorium ne quidem adtingat. Ita in puerpera, lac plerumque tubulis suis coercetur, neque sponte effluit, nisi ultra modum abundaverit; sed omnino in feminis formæ studiosis, commodiorisque vitæ, perpetuo retinetur, inque flavam caseosamque unguenti speciem suis in ductibus abit, quod multos post menses, integrosque post annos ab ultimo puerperio, in mammarum lactiferis ductibus deprehendi. Causam, quæ retinet, diximus *e*. Si vero stimulus ad papillam accesserit, sive pressio fuerit puerilis labri, sive digito leniter scalpente, aut excutia papillam confricaveris, pallida papilla erigitur, rubet caletque, & una lac erumpit. Ita semen in viro casto aut diutissime retinetur, aut semper: idemque tamen, si frictio

c L. I. p. 347. L. VII. p. 74.
d De Borden p. 357.

e Plicæ ductuum lactiferorum L. XXIX.

accefferit fenfibiliffimorum nervorum duorum colliculorum in parte inferiori nafcentis glandis pofitorum, tunc femen non abfque violentia exfilit.

Verum, fi accurate, quæ eveniunt, fpeculatus fueris, tamen hos ftimulos fecretionem ipfam præcipitare, & augere comperies. In priori mammæ exemplo, fola fuctio in virgine innocentiffima *g*, in viro demum *h*, nullum unquam lac alioquin daturò, fenfim repetito ftimulo, foli papillæ admoto, tamen lactis generationem auget, & demum tantam ejus copiam fupeditat, quanta ad alendum puerum fufficit. In feminis exemplo, fola mechanica illa glandis irritatio feminis fecretionem adeo vehementer accelerat, ut ab ejus jactura totum corpus miferime contabefcat *i*. Ita pollutiones, quas vocant, & testium tumores in gonorrhœa fuccedunt, & fecretio adeo feminis præcipitatur, etfi acris ille ichor in urethræ fine paulum fuper glandem refidet *i**. Ad glandulas irritatas liquores confluere, ut fanguis ad dolentes & inflammatas confluit, nupera conjectura eft *i***.

In aliis fecretoriis organis adhuc evidentior irritationis adhibitæ efficacia eft, quæ acri aliquo corpore admoto fit. Omnino autem auctæ in organo fecretorio velocitatis phænomena imi-

g L. XXIX.

h Com. Boerb. T. VI. P. II. n. 690. p. 443. 444.

i Lege de his graviter commentantem Cl. virum elegantif-

simumque medicum D. Tiffot de manuſtuprationis noxis.

*i** Monro de ſemine & teſtib. p. 64. 65.

*i*** Andreae de irritab. p. 17.

tatur *k*, secretionem nempe celerem, tenuemque, & aquosam, quæ secretioni lentæ, mucosi, crassive humoris succedit. In naribus, resorbto pulvere hellebori, aut acri fere quocunque sapidoque corpore, prior mucus emungitur, qui in narium cavernulis præsto est, atque adeo excretio promovetur, deinde, repetita sternutatione, aqua copiosissime de naribus exturbatur.

Ita in ore, acris cujuscunque fere corporis, sed inprimis tamen acrium nonnullarum stirpium, manducatio & excretionem salivæ auget, & omnino etiam secretionem. A foliis absinthii integrifolii, quod draconem vocant, commansis, & etiam magis a semine *sabadillæ*, sive ea aconiti species est, sive ex delphinii genere, incredibilis lentæ salivæ copia, etiam tunc pergit effluere, quando dudum acrem eum apophlegmatissimum de ore rejecimus. Scintilla electrica salivam perinde accelerat *l*.

Eodem penitus modo acres fuliginis in fumo latentis particulæ lacrumarum secretionem ita præcipitant *m*, ut ductus resorbentes falsæ aquæ resumendæ minime sufficiant, quæ porro de genis defluit.

Iterum per intestina admissa medicamenta purgantia, glandularum muciferarum, arterio-
larumque exhalantium fines, per villos suos patentes, tanta vi sollicitant, ut inmensa sæpe aquæ vis per anum descendat, cujus ne guttula

k p. 15. seqq. Sect. III. n. 4.
l Zetzell *consect. electric.*

m Whytt *physiolog. essays*
p. 50. cordis motu nihil mutato.

quidem unquam, absque ea violentia, de intestino recto exiisset. Qua vero ratione ea secretio urgeatur, & aliis Cl. viris, & docto nostro olim auditori *D. Felici n.*, & mihi non in brutis solum animalibus o, sed in femina vidisse contigit, cui inmensa portio, & incredibilis, recti & laxioris intestini de ano descenderat. Cum enim a Cl. viro jalapa, a me mitius nitrum, nudo, ruberrimo, & sicco colo intestino inspersum fuisset, undique aquula de innumeris poris rubræ & denudatæ villosæ tunicæ sudavit, ut tota late commadesceret.

Porro, cum interiorem vesicam, continuamque urethram, lenissimus mucus modice obliniat, cujus nihil quidquam de glande sani viri unquam destillet, acris quicunque liquor in sanissimi hominis penem impulsus, copiosum subrubelli, tenuis, calidique humoris effluxum non sine dolore ciet.

Iterum per universam cutem sebum quidem modicum, & tenuis humor perspirabilis se diffundit. Si vero ejusdem cutis cuicunque regioni acres herbas, ut ranunculum palustrem apii folio, aut cantharidum tritarum pulverem, aut salem aliquem lixiviosum per aliquot horas impo- fueris, aut demum ignem, tamquam stimulum omnium potentissimum, cominus admoveris, incredibili celeritate enormis vis humoris de cutis vasculis fecernitur, qui epidermidem sibi,

n Addend. ad disp. de motu peristaltico intestinorum in collectionis nostræ Tom. VII.

o Second Memoire sur les parties irritables & sensibles, Exp. 419. 420. 425. 450.

ut videtur, non fatis patulam, de cute repellit, atque in hemisphæricas bullas cogit elevari.

Quanto vero celerior ea secretio fit, quam sani hominis perspiratio, fatis adparet. Si poneris, de tota cute undique ampullas abscedere, quod nonnunquam tristissimo eventu, in magnis ambustionibus factum est: si earum ampullarum altitudinem sex linearum feceris, quæ intra octo minuta horæ ab aqua ebulliente admota efflorescunt: si cutis superficiem 15 pedibus æstimaveris; habebis excretionem 10 unciarum aquæ, qualis quidem 24 horis continuata exhalatio ad 75 in hora uncias perveniet, quo tempore in eodem homine non supra tres uncias perspiratur.

Hujus enormis in secretiones potentiæ causam sedemque ut exploremus, alia præterea irritationis exempla considerare oportet, in quibus in toto quidem organo separatorio nihil mutatur, neque ullus stimulus admovetur, & tamen a mera vi irritationis humoris excretio, & separatio promovetur. Simplicissimum exemplum est salivæ in sano homine ad odorem, vel ad nomen etiam grati ferculi, de ductu maxillari profilientis. Aliud in lacrumis est, quarum secretionem aut tristis, aut nimium super omnem spem lætus nuntius, perinde præcipitat, ut lacrumumosa cepe, acrisve fumus. Sed etiam venereæ ideæ in somniantes frequenter difficilem illam alioquin feminis excretionem perficiunt, aucto simul proculdubio modico illo prostatico humore, qui in sano viro, ut gignitur, ita resorbetur, nunc subito nimia

ubertate adfusus, conspicuus erumpit *q*: feminis enim, quod vocatur, major pars ad proflatam pertinet. Porro in timidis mortalibus, inque brutis etiam animalibus, tormento crudeliori subjectis, terror subito perspirabilem humorem, de cute percussam, ad intestina præcipitat, ut fæces prodituras diluat. Sed etiam ira bilis *r* flumen ad intestina accelerat, sanguinemque *s* sæpissime per nares urget, ut per muci vasa, aut exhalantis liquoris ostiola erumpat.

Deinde propius adhuc ad secretionum gubernationem pertinet, mira illa mutatio urinæ, quæ in hominibus hypochondriacis, ad ingrati nuntii adventum, ita enim vidi, subito vesicam stimulat, depositoque colore pallida, & limpidæ denique aquæ similis effunditur *t*, durabili etiam vitio, ut in diabeten *v* abeat.

Hæc cum viderent Cl. viri, multa inde deduxerant, quæ ad secretionem regendam spectant. Totum partium a succo nerveo conservari, ita ad secretionem nervos facere *J. Godofredi de Berger* *x* opinio fuit. Cl. vero *Carolus Malouin* motum certe liquoris per glandulas, a nervis

q Candor feminis a lacte proflatarum est.

r *Pechlin observ.* 25. L. III.

s *Comment. ad Prælect. Boerb.* T. IV. p. 447.

t *Kuhn motus muscul. momenta aliqua* p. 15.

v *Hooke posthum.* p. 20. ni fallor. Inde deducit, neque a motu sanguinis, neque a cele-

ritate, aut momento ejus, secretionum discrimina pendere. Habet etiam *Kratzenstein diabetis theor.* quem a nervis vasa venosa contringentibus derivat. Sensibilitatis in secretionem vis repetitur *fränk anmerk.* T. III. p. 418.

x *De natur. human.* p. 122.

inhiberi statuit, dum interim cordis impulsio manet *y*. Ulterius progressus Cl. vir *Franciscus Quesnai* *z* a diversa sensibilitate vasorum separantium humorum discrimina deduxit. Sed etiam Cl. vir *Theophilus de Bordeu* tantum nervis tribuit, ut iis ligatis secretiones turbari *a*: systolen *a** autem arteriarum ab iisdem augeri, hinc secretionem, nuper docuerit. *David Hartley* *b* motum peristaltico similem in organis secretoriis describit, quo ab irritante causa aucto, plus prodeat humoris. Inde *Stahlius*, & qui ante *Stahlium* animæ etiam vitalium motuum frena tribuerunt *c*, ab anima vim secretionis dirigiscripserunt, & nuper *Adolphus Fridericus Hofmannus* *d*, animadversa, ut puto, magna satellitii nervosi potentia, totam secretionum diversitatem animæ tribuit, quæ sphincterum valvularumve ope secretoria ostiola regat, eaque modo claudat, ne particulas suis prævisis finibus contrarias admittat, modo ad eas aperiat, quas emitti e re sua putet.

Nimia certe hæc sunt, oportetque memores nos esse, etiam in plantis separationem humorum perfici, deque communi per radicem resorbta penu balsamos, resinas, gummata, coloratum lac separari, insipidos passim & inodores flores esse, semina aromatica; alias in foliis aroma

y Des corps solid. & fluid. p. 63.

z Essais sur l'æcon. anim.

T. III. p. 237.

a Recherches sur les glandes
p. 352.

*a** p. 369.

b Essays on man p. 174.

c Ferrault du toucher p. 537.

d Nov. hypothef. physiolog.
p. 13.

habitare, femina fatua esse. In homine equidem, quin nervea potestas multum valeat, vix potest dubitari. In urinæ certe hypochondriacæ exemplo *e* vix possis tibi temperare, quin agnoscas, nervos ostiola urinifera amplexantes stringere, ut exclusis crassioribus, & colore aliquo tinctis particulis, puram aquam solam transmittant.

In plerisque aliis exemplis etiam vix possis te retinere, etiam si anatome nihil hic nos adjuvat, quin in glandulis minimos & inconspicuos musculos admittas, qui ab acri quocunque corpore sollicitati, alterne contracti & laxati folliculos emungant. Idem ipsam per inanitionem ductus aut folliculi, parato spatio, in quod minori cum resistantia novus humor succedat, secretionem etiam ejus succi augere videntur, cujus excretionem præcipitaverunt.

Exempla certe aliqua exstant, in quibus verissime per musculorum irritationem admota acria excretionem urgent, & accelerant: in cavea nempe aliqua præsens vis humoris stimulative musculos, magnos eos & notos, sollicitat, ut molestiæ finem faciant, incommodumque corpus expellant. Ita fæces in recto intestino collectæ agunt; ita semen sani hominis, in seminalibus vesiculis collectum. Utroque enim ex stimulo, pariter convulso acceleratore musculo, anique sphinctere, vigilantibus fæx alvina, per quietem semen cietur.

e Conf. Kuhn, Hooke, Kratzenstein l. c.

§. XIII. V. Ductus excretorii nascentis rectitudo aut anfractus.

Non dubium videtur, quin ductus excretorius rectus, absque angulo ab arteria exporrectus, & absque flexione productus, valvulisque purus & rugis, celeriores primo & uberiores secretionem faciat, cum obstacula velocitatem frangentia minora sint, quæ continuo considerabimus.

Subtilius aliquanto est, ejusmodi ductum facere humores crudos, nempe tales, qui cum iisdem adfectionibus immutati excernantur, cum quibus secreti sunt. Multum enim mora mutat, ut continuo adparebit, hic vero mora nulla injicitur.

Verum brevissimus ductus excretorius facit secretionem facilem, copiosam, & crassi humoris. Per brevissimum enim canalem, etiam si paulo angustior fuerit, tamen multo facilius magna particula transibit, quam quidem transit, si idem longus fuerit, & angustia sua continuata repetito itineri ejus particulæ obstiterit.

Denique ductuum excretoriorum, venoso more ex ramis minoribus coalescentium, fabrica humoris universum iter accelerat. Neque enim fieri potest, quin perinde ut in venis *g*, per truncum angustiores, quam radices sunt unde confluit, tanto celerius liquor transigatur, quanto ipse angustior est, si ad frictionem, utique auctam, non respexeris.

Hæc si ad anatomes leges expendere, non valde abscondita videbuntur. Recti primo ductus uriniferi *b*, secretio adeo copiosissima, fluida eadem, etiam postquam in folliculum deposita fuit. Brevissima vascula adipem fecernentia, quæ forte unice pori sunt, hinc velox secretio, & crassi humoris, & crassioris sanguinis facilis eruptio. Demum omnium ductuum excretoriorum, qui venas referunt, exque ramis coalescunt, humores omnes aquosi sunt, & tenues, & copiosi, nisi bilem exceperis, quæ tamen & ipsa ab hepate adeo fluida advenit, ut nuper, & ab insigni corporis humani scrutatore *b**, pro lymphâ habitâ fuerit.

Celerius etiam fluet, si vasculum separans amplo, patuloque ostio, nullam resistantiam opponente, suæ in destinationis sedem patuerit, ut in pancreatico ductu.

Post contrarias causas eventa contraria expectari possunt. Ergo si ductus excretorius minime recta via ab arteria sua prodierit, sed plicam cum ea interceperit, difficulter humorem recipiet *i*, tarda quoque secretio erit.

Si ductus excretorius toto suo itinere angustus est, frictio augebitur, & tarditas humoris *k*. Si longo itinere ab arteria ad excretorium porum iter fecerit, tardus quidem motus erit *l*, a frictione diuturna, & consequenter omnes eæ

b Ruysch Thef. III. T.4. f.3.
&c.

*b** Vieussens in obsf. d'anat.
& de pratique.

i L. VI. p. 38. &c.

k Ibid. p. 35.

l p. 32. seqq.

mutationes , quæcunque a retardatione expectantur , adtractio particularum similium , & viscidarum potissimum , & resorbtio venosa. Cæterum ductus excretorius difficiliorem se præbebit crassiori cuique particulæ , & secretio purior erit.

Si flexiones in ipso ductu repetentur , tardius *m* equidem & longiore demum tempore transibit humor , idemque omnibus causis mutantibus obnoxius erit , & adtractio molecularum augebitur *m*^{*}.

Si plicæ *n* in canale fuerint internæ , rugæque , quibus superficies exasperatur , quam transfluens humor contingit , etiam hæc causa frictionem augebit , tarditatem faciet , ejusque effectus.

Si ductus excretorius in latiore caveam quomodocunque se diffuderit , retardabitur in ea cavea effusus succus , tanto potentius , quanto lumen partis dilatatæ latius erit lumine partis angustioris *o*.

Si ductus excretorius in fine suo insigniter angustior fuerit , retardabitur utique in ipso ductu humoris fluentum , aut nullum erit , totusque in receptaculo retinebitur. Exempla sunt in vasculi feminalis ostio ad urethram *p* patente , in ductuum salivalium , imprimis maxillarium ostiis , in sinuum pituitariorum sine ad nares aperto.

Pleraque ista anatomie confirmat , si quidem

m p. 39. &c.

m^{*} In vasis contortis uniuntur globuli (sanguinei) *Neifeld* n. 168.

n p. 39.

o p. 30.

p *Prim. lin. physiol.* p. 783.

fabricam ductuum excretoriorum adtingit. Animalibus herbivoris longissima intestina, fæces siccae; carnivoris brevia, fæces vix mutatae, fluidae. Longissimus omnium ductuum excretoriorum feminalis est, humor lentissimus.

Non alius eodem feminali ductu angustior est.

Non alius magis flexus, & crispioribus cincinnis, quam testis ipse, tum epididymis *q*, & ductus deferens. Tanta inde nascitur retardatio, ut vix ulla vi mobilissimum etiam argenti vivi metallum, lentissima pressione, epididymidis plicas relegat, tantumque flexionum est *r*, ut pressione progressiva destructa, lateralis denique sola supersit, ductumque, satis caetera densum, fere semper perrumpat. Sed etiam alii humores visceridi plicas suas passim habent, ut bilis in cystico ductu repetitas illas flexiones *s*, quibus cervix vesiculæ contorquetur. Lactis etiam tubuli solis plicis *t*, in quas in papilla laxata collabuntur, ita clauduntur, ut longe plerumque, nihil ex plenissimis mammis effluat, donec irritatio accesserit, & viam rectam aperuerit. Sebacei palpebrarum canales repetito flectuntur.

Internarum plicarum exemplum in viis bilis est, quarum totus canalis undique reticulato opere exasperatur *v*, cysticus vero ductus adeo arcte a cellulosa tela in brevitatem colligitur,

q Obs. nostr. in *philos. transf.* n. 494. conf. *Bellin* l. c. prop. 39.

r Numerum flexionum inivit *Cl. Monro*, & ad 5208 in teste, ad 11100 in epididymide aestimavit l. c. p. 30. 32.

s *Prim. lin. physiol.* n. 688.

t *Prælect. Comm. Boerb.*

T. V. P. I. p. 427. *Prim. lin.* n. 850.

v *Prim. lin. l. c.*

ut membranæ in tubulum emineant, quas pro valvulis habeas α , & quæ totum pene canalem repleant. Intestina valvulas habent, humoremque, qui ex ea fluiditate, quæ in tenuibus intestinis ipsi maxima est, in crassitiem & siccitatem addensatur, quæ in fæcibus alvi est notissima.

Ductus epididymidis latefcit, dum in deferentem abit, deferens ipse in cellulas laxatur γ contortuplicatas, hinc semen etiam absque vesiculis viscidum. Folliculis proprium locum destinamus.

§. XIV. VI. *Receptacula & Folliculi.*

Frequentissime hoc mechanismo natura utitur, ut humorem secretum retineat, perficiat, inspisset, ad destinatos usus contemperet, legitima occasione effundat. Varium receptaculorum genus est, grandius alterum, quod ad instrumentum secretionis non numeratur, alterum minutius, quod propius ad secretoria organa pertineat. Inter grandia receptacula sunt intestina pro bile, pro succo intestinali, pro massa cibaria, pro saliva varia: vesicula felle pro bile, & muco: vesica urinaria pro lotio: cellulæ ductus deferentis & vesiculæ seminales, pro testium spermate: cavæ articulationum & vaginalium tendinosarum pro albumine articulari: sinus pituitarii, ventriculi laryngis pro muco: uteri cavea pro uterino sero; sinus valvulosi ad orientis vaginæ latera, pro muci propriis

α Ibid.

γ Ibid. n. 783.

fontibus; capsulæ renales pro suo rubro flavescente humore: utcunque etiam oculi cavitas hinc concava tunica cornea, inde convexa lente crystallina intercepta, pro humore aqueo.

Minora receptacula, pariter suum liquorem recipiunt, & adservant, donec ab aliqua peculiari, neque ad vires humores universos in circulum agentes referenda causa, evacuentur: Eo folliculi simplices varii generis pertinent, quos ubique Natura viscidis humoribus perficiendis præfecit 2: tum sinus sive folliculi oblongi. Huc etiam possis ductuum secretiorum dilatationem, cellulasque referre. In ipsis plantis cryptæ, sive nectaria, viscidum humorem colligunt.

Non rarum est, eundem humorem plus semel in folliculos & receptacula deponi. Ita narium mucus ex arteriis in minimas cryptas, ex cryptis in sinus pituitarios effunditur. Maxillares sinus in cadavere, ossibus undique remotis, ut membrana sola supersit, nunquam non mucosos reperiunt.

In bilis via & folliculis felleus est, & intestinorum cavitas. In animale zibethico duo sunt sacci unguentiferi majores, in eos minores alii aperiuntur, in eos cryptæ simplices a*.

In femine omnium plurima receptacula alterneque ampliores ductus natura conjunxit. Laxius rete est, quod albugineæ subjacet, peranguusti ductus illi, qui conos vasculiferos efferentes

2 *Sauvages physiolog.* p. 178. &c. a* *Apud Buffon.*

constituunt *a*. Iterum his ductibus, qui multi sint, angustior canalis epididymidis, etsi singulis laxior est *b*. Laxatur idem in deferentem ductum, qui tamen ad inum testem latior *c*, in itinere ad vesicam urinariam angustior fit. Sed idem in cellulas sub urinaria vesica multo ampliores *d* diducitur, quas angustus canalis sequitur *e*, quo ex cellulae in vesiculas patent. Ibi semen denuo in amplum receptaculum, idemque mire anfractuosum se diffundit; ut porro, suos ad usus, per angustiore ductum seminalem *f* in urethram, nihil porro moraturam, exprimatur.

§. XV. *Varia folliculorum efficacia. Retinere humorem secretum.*

Variis modis fit, ut in folliculis humor colligatur & retineatur. Celeritas equidem omnis, quam a vi impellente cordis depositus humor habuit, in folliculo evanesceret *g*, ut alibi ostensum est, si clausus foret. Cum tamen apertus sit, & ostiolo ad sedem suae utilitatis pateat, oportuit efficere, ne continuo, ut in folliculum deponitur, ita per excretorium osculum effundatur.

a Phil. Transf. n. 494. T. 2. ejusdem mensurae.
f. 1. e. e.

b Testium vascula $\frac{1}{200}$ pollicis æqualia fecit Alexander Monro Alex. F. cum vas epididymidem constituens sit $\frac{1}{80}$

c Phil. Transf. l. c. T. 2. f. 1.

inter *g* & *h*.

d f. 2. *g*.

e Ibid. o.

f Ibid. p.

g P. 57. 58.

Huc ergo angustia ostii excretorii facit, quæ aquæ quidem parum, muci nihil dimittat, nisi pressio accesserit. Id fere commune naturæ præsidium est in folliculis glandulosis, in magnis receptaculis bilis, urinæ, feminis, in sinibus pituitariis, ductubus item excretoriis salivalibus.

Est, ubi anfractus excretorii ductus exitum morantur, ut in ductubus feminiferis, bilariis, lactiferis, & in intestinis, inque pituitariis sinibus; est ubi valvulæ iter humori per excretorium canalem difficile reddunt, ut in via bilis. Est ubi sola vis ponderis in uno alterove corporis humani situ effluxum humoris retenti moratur, ut in maxillari sinu, quoties caput in idem latus recubuit, & in vesica urinaria, cujus pars posterior lotio repleta infra anteriorem descendit. Sed etiam bilis de folliculo suo adscendere cogitur *b*, ut effluat, & sinuum mucosorum penis vulvæque multi fundo suo deorsum spectant.

Aliquando dura cellulosa tela, denso quasi contractili villo circumposito, ductum excretorium comprimit, uti quidem prostata ductus feminiferos arctat. Aut inter membranas tubi alicujus idem ductus oblique incedit, ut a pressione humoris in magna tubi cavea contenti comprimatur, in ductus biliferi & pancreatici exemplo. Aut intra propriam papillam retrahitur, atque ostiolo connivet, quam papillam vis demum accessoria extendat,

b *Prim. lin. phys.* n. 688.

extendat, ostiolumque in rectitudinem porrigat, ut in Whartoniano salivæ ductu.

Alibi fibras inter musculosas ductus excretorius prodit, quarum vi coerceatur, nisi contraria causa accesserit. Ita de urethræ de vesica prodeuntis ostio vulgo certe creditur, ita intestinum, folliculorum maximum, sphinctere manifesto clauditur.

Verum etsi in aliis canalibus excretoriis constringentes ostiola musculos ostendere non licet, non ideo minus idoneo rationis usu demonstrantur adesse. Ita in cute musculosi nihil adparet, neque irritabilis natura experimento anatomico confirmatur *i*. Notissimum tamen est, cutem a frigore & a terrore ita constringi, ut suppresso sudore, & perspiratione cohibita, tota in tubercula elevetur, quæ cum cute anserina populari sermone comparantur. Eorum tuberculorum non alia origo esse videtur, quam subita ductuum perspirantium constrictio. Ea vero non potest nisi a vi contractili, nempe a fibris inconspicuis orta fuisse, quas nervea potentia sollicitaverit, contrahique coegerit. Neque dubium est, si in ejusmodi violentia propria in cute fabrica adfuit, quæ contractionem operaretur, quin eadem etiam fabrica in sano homine præsto fuerit, quam nulla cum specie veri subito per terrorem ortam fuisse diceres. Nunc si sphincterum similes vires adfuerunt, quæ vasculorum cutaneorum oscula

i *Exper. sur les parties irritables* p. 45.

subito clauferunt, earum natura semper eadem fuit, quæ tota in contractione ponitur. Adfuit ergo ejusmodi machina, quæ, magno a stimulo excitata, ductus perspirantes totos obturat, modica vero vi incitata eosdem arctat.

Non alia videtur causa esse, quare in glandulis sinubusque amplo, ut videtur, ostiolo patulis, inque urethra, ejusque ad summam vaginam exitu potissimum *k* apertis, tamen mucus magna copia congregetur, quem vis venerea, subitave irritatio subito expellat.

§. XVI. *In folliculis retentus humor spissatur.*

Princeps equidem folliculorum, & communis effectus est, viscidiorum reddere humorem, quem fluidum acceperunt, nisi omnino natura ejus humoris ab omni visciditate aliena est, ut in aqueo oculi humore. Ipsa vesica urinaria urinam, non quidem viscidam, minus tamen aquosam magisque & coloratam, & fætidam reddit, quam accepit. De bile, femine, mucodubium nullum est. In naribus aquosus omnino humor & pituita limpida nascitur, eamque naturam conservat, quando in coryza de naribus defluit, aut emungitur; tunc enim singularis acrimonia nares sollicitat, neque finit muci materiem in naribus eam moram agere, a qua viscorem contrahit. In homine, cujus faciem frigus percussit, quod exemplum omnem morbi suspi-

k Conf. hist. nostram uteri in fasciculo I, icon. anat.

cionem excludit, tenuis utique & limpida stilla de naribus delabitur. A repetita sternutatione ejusmodi aqua exturbatur, qualis nempe præsto fuit, postquam primæ concussiones paratam visceri muci penum exhauferunt. Sic perinde, qui solet vitreus de aspera arteria mucus exscreari, idem a convulsiva tussi, absque morbo, etiam ex fumi stimulo, aut illapso alieno corpusculo nata, subito excutitur, neque naturam morando mutare potuit, idem mucus aquula mera est. Sæpe vidi, lacte calente temperata ea violentissima tussi, continuo malum remittere, quando vel paulum muci cocti ejicitur. Id enim significat, fracta vi acrimoniæ nunc in folliculis suis mucum solitam moram agere. Ita porro intestina lentissimo muco obducuntur: verum si acris clyster, per rectum intestinum impulsus, sentientem naturam intestini sollicitavit, continuo tenuis quæ ejicitur, qualem etiam a timore, aut ab ira decessisse vidi. Sed etiam de urethra monui /, flaventem aquulam, non absque dolore educi, si acrem liquorem injeceris. Cerumen ipsum, adeo lentum, fluidum tamen educitur, quando diutius sollicitata aure, demum nuper natum conspicuum prodit. Vidi, neque amarum, neque spissum, sed dilute flavum, mollisque olei simile prodiisse. Seminis per loca, post nimiam venerem, inque illa gonorrhœa, quæ a viroso eorum organorum ulcere sequitur, imbellis aquæ gutta effunditur. Bilis de hepate lymphæ

similis effluit *m* : eadem in folliculo felleo ita crassescit , ut fila trahat , postquam in eo receptaculo aliquamdiu quievit.

Inspissari adeo humorem folliculis receptum , non dubium videtur. Unde spissescat , facili labore ostenditur. Aliquid calor potest , qui particulas tenues & aquosas omnium humorum , etiam extra animalium corpora , diffilat & abigit. Bilis certe particulas penetrabiles de folliculo suo emittit , quæ & exteriores vesiculæ membranas , & vicinum amplius intestinum , & peritonæum , late flavo colore tingunt. Tenuiorem esse bilis partem necesse est , quæ per membranas folliculi viam sibi aperuerit , dum reliqua pars bilis retinetur. Sed tenuiori parte abacta , residuus humor spissescit.

Neque nihil potest adtractio particularum similium , quam nullus nunc progressivus motus turbat. Ergo colligentur ad aqueas particulas aqueæ , ad oleosas oleosæ , ad mucosas mucosæ. Quæ ergo pingues , aut mucosæ moleculæ , cum aqua mistæ , per sanguinem inconspicuæ oberrabant , eæ nunc per quietem coeunt , inque adiposis cellulis in verum adipem , in mucosis receptaculis in verum mucum adunantur *n*.

§. XVII. *Pars tenuior humoris resorbetur.*

Verum plus in humoribus incrassandis omnino potest tenuioris laticis resorbtio per venulas ,

m p. 138.

n *J. de Gorter de secretione* n. 45. 46.

quæ de cavea folliculi hauriunt. Nobile hoc, quantum memini, magni Præceptoris nostri inventum est o. Nempe, uti in folliculum undique arteriolæ minimæ patent, humoremque suum exhalant, ita vîcissim plurimæ venulæ, in idem folliculi cavum productæ, aqueam & volatilem partem depositi humoris resumunt, sanguini reddunt, & reliquum adeo in folliculo humorem spissiore relinquant. Non difficilis & in magnis receptaculis, & in minimis, est demonstratio. In magnis quidem princeps exemplum intestinorum est, in quibus de fluida massa ciborum, etiam in febriente homine, qui nihil non fluidum per os admisit, ad finem laxiorum intestinorum, ne guttula per anum amissa, nihil superest, præter durissima, lapidum pene similia scybala. Causa simplex est, & oculorum testimonium habet. Aqua enim per venam portarum impulsæ, & terebinthinæ oleum, facillime, totis libris, per venas mesentericas in caveam intestinorum depluit.

De femine partem volatilem resorberi plurima ostendunt, & fætor potissimum, qui carnes animalium masculorum undique replet, aprorum, & cervorum o*. Is proprius maribus nidor non a particulis feminis est, quæ per sanguinem

o *Prælect. Acad. T. II. ad n. 259. adlato etiam intestinorum exemplo. Sed etiam nuperi scriptores parcius ejus resorptionis meminerunt. Habet Cl. Neifeld p. 38. & Flurant splanchnolog. T. I. p. 374. sed inprimis præstantissimus vir Abrahamus Kaauw Boerhaave de perspirat. hipocr. multis locis.*
 o* Fætet veneris tempore apri caro & cervi, & sapore fit nauseoso Hunauld des vapeurs p. 289. 299.

oberrent, ut per testes separentur, sed omnino a particulis fit, quæ de semine jam nato refumuntur. Castratum enim animal hoc toto pædore, & una cornubus, in cervino genere caret, cui sola vasa feminalia revincta fuerunt, nihil ergo mutatum est, unde fieret, ne in sanguinis massa de cibis ejusmodi particulæ generarentur.

Sed eandem venarum resorbentium frequentiam suis locis demonstravimus, aut porro confirmabimus, in caveis pleuræ *p*, pericardii *q*, peritonæi *r*, ventriculorum cerebri *s*, vesiculæ felleæ, vesicæ urinariæ *t*, humoris aquei *v* oculi. In ea enim receptacula omnia aqua per venas impulsæ, undique exsudat, & perinde ipsum dissolutum in frumenti spiritu piscium gluten.

In minoribus cellulis pari felicitate demonstratur, aquam per venas impulsam exsudare in loculos adipis *x*, cavernulas pulmonis *y*, folliculos intestinorum solitarios *y*^{*}, &, ut uno verbo totam rem comprehendam, tam late inhalatio venosa patet, quam exhalatio arteriosa *z*.

Est ubi de ductu ipso pars tenuior per vasa lymphatica resorbetur. Eo vasculum de epididymide aberrans pertinet, quod a me inventum junior *a* *Monrous* confirmavit *b*.

p L. II. p. 284. 285.

q L. IV. p. 291. 292.

r L. II. p. 284. *Kaauw* n. 614.

s *Kaauw* n. 614.

t *Idem* *Boerhaave* Instit. n. 334.

v *Comment. ad Prælect. Boerhaave* L. IV. p. 183.

x L. I. p. 82. seqq.

y Conf. interim *prim. lin. phys.* n. 272. *Kaauw* &c.

y^{*} *Æque* enim feliciter per arterias perque venas replentur.

z *Kaauw* plurimis locis.

a In *progr. de viis seminis* anno 1745. edito.

b In *diff. de semine* & *testibus*.

§. XVIII. *Humores in folliculis depurantur.*

Hæc maximi momenti maturatio proxime utique ad arcanam artem interpretandam accedit, qua natura ex eodem sanguine humores adeo multis dotibus a se invicem diversos eduxit. Nempe dudum vidimus, vix evitari posse, quin cum crassioribus humoribus tenuiores una secernantur. Ægerrime enim fieri potest, ne per crassius ostiolum etiam tenuiores particulæ viam inveniant *c.*

Neque intra speculationem hæc observatio consistit. Certum est enim adipem, quando primum generatur, aqua mistum, gelatinæque similiorem esse. Bilis primum nata dulcis & aquosa est, tenue semen, quando primum per cola sua in receptacula descendit.

Hanc nunc aquæ vitiosam ubertatem resorbentes venulæ emendant, dum quidquid est tenuis laticis, suisque ostiolis idoneum, resumunt; crassiora, ut nimis arcta, respuunt; acria sæpe a vi stimuli contracta repudiant, uti certe bilis a lacteorum vasorum ostiolis respui videtur. De adipe adeo, plurima aqua misto, qualis nuper in cellulosas adiposas secessit, cum plurimam aquam venulæ resumant, in isto quidem exemplo lymphaticæ, purior utique inflammabilis materies relinquitur. De

c Humores non generantur cum crassis particulas secerni puri Cyprianus in *epist. de fetu* Hambergerus de *secretione in genubarario* p. 58.59. Fatetur tennes *nere* n. 58.

bile, dum tenuis pariter latex in venulas hauritur, reliqua portio & viscidior fit, & amarior, veriorque bilis. Idem in articulorum humore, & in toto corpore animato locum habet, & humores omnes indolem sibi propriam sinceriores induunt, postquam superflua, nihil ad characterem faciens, & omnibus communis aqua secessit.

§. XIX. *Commistio diversorum humorum.*

Sed uti ad perfectionem quorundam humorum pertinet puros esse, uniusque & ejusdem generis particulis unice conponi, aliorum ad humorum naturam contra postulatur, ut ex diversis succis coalescant. Non alia ratione hæc elementorum commistio commodius obtineri potuit, quam in receptaculo, in quod diversa cola excretoria patent, quæ diversæ pariter indolis latices advehunt. Ii enim in folliculo retenti, calore fani animalis digesti, eo potentius miscentur, quo adservantur diutius. Ex chemicis enim notissimum est, olea difficillima, tenuesque balsamos, sola digestionem intime solvi, & cum vini spiritu potentissime misceri.

Iterum multis modis diversi humores in eundem folliculum convenire possunt. Simplicius ex theoria sumptum artificium fuerit, si in receptaculum quodcunque arteriæ diversæ magnitudinis apertis ostiis patuerint, aut in eundem & arteriosus humor exhalaverit, & pigrior alius de glandulosis cryptis succus subiverit. Earum enim aliæ crassiores humores percolabunt, teneiores aliæ, quale fere intestina exemplum præ-

bent. In id enim receptaculorum amplissimum & crassus de glandulosis folliculis mucus venit, & tenuior, satis tamen & ipse crassus humor, de majoribus & conspicuis villorum ostiis, & tenerrimus demum halitus de inconspicuis, etiam armato oculo inaccessis, arteriolarum finibus. Hæc quidem *Petri Nannii* d viri Cl. speculatio fuit.

Alio modo, potest in receptaculo definitæ indolis humor contineri, ad eum vero per exhalantes arteriolas alius, multo tenuior adfundi, aut per glandulas vicissim, crassior alius adtemperari. Ita probabile fit, ad *Haversianum* albumen in articulorum caveis perspirabilem & aqueum arteriarum sudorem addi. Ita non dubium videtur, quin in bilis folliculo, ad hepaticam subamaram subpinguem lympham, & in folliculis ejus receptaculi natus mucus admisceatur, & aquosus latex, qui de arteriis exhalat. Ejusmodi pariter tenuis humor in vesiculas seminales per arteriolas videtur deponi, mucusque forte, qualem reticulata interior fabrica promittit. Eo etiam *Præceptoris* nostri e conjectura tendebat, qui ipsos animales spiritus in glandulis quidem conglobatis lymphæ, in ventriculo massæ cibariæ subigendæ admisceri persuadebatur, etsi ea quidem hypothesis demonstrationem non admittit.

Potest demum ad humorem in receptaculo adservatum liquor alibi paratus adfundi, qui per proprios ductus adveniat, ut adeo ex duobus,

d *Comment. Acad. Bonon.* 396. *Vienssens neurograph.* p. 202
 T, I. p. 332. nov. *system. vasor.* p. 97. &c,
 e *Prælect. Acad.* T, II, p. 395.

jam suis diversis in organis secretoriis percolatis, liquoribus tertius contemperetur. Hujus opificii plurima in corpore humano exempla sunt. Ad chymum, quem ventriculus submittit, naturabilem, alio in viscere natam, & pancreaticum succum adfundit, ut nova inde, fluidiorque miscela nascatur, chyli nomine *f*. Ita ad cisternam chyliferam albus pinguisque chylus, & gelatinosa lymphæ conveniunt. Ita in ipsa urethra semen ex testibus suppeditatum, cum lacte prostatico miscetur, inque nonnullis quadrupedum ad viscidissimum semen *g* propriarum glandularum tenuior humor adfunditur. Ita in articulationum, quas vocant, capsulis, cum gelatina *Haversiana* oleum, de ipso ossis majori tubo penetrabile, convenit.

Per ejusmodi artificia folliculus omnino contrarias priorum adfectiones, in humore separato generare poterit, & dilutionem, & fluiditatem majorem. Si enim arteriarum in folliculum exhalantium copia & laxitas major fuerit, humorque tenuis maxima cum ubertate in folliculum depluerit, dilui utique poterit, & fluidior exire, qui in eo folliculo residet humor. Exemplum in fœcibus alvinis est, quas irritatio aucta, & copiosus humoris arteriosi confluxus, evidenter molliit diluitque.

§. XX. *Acrimonia in folliculis nascitur.*

Humores humani pene omnes ejus sunt indolis,

f Neifeld p. 68. 69.

g *Monro* l. c. p. 57. In ariete

viscidissimum *Buffon Hist. natur.*

T. V. p. 21.

ut in calore, qualis est corporis humani fani, aliquot diebus conservati *b*, si præterea clauso in receptaculo humiditatem suam retinuerint, acrimoniam utique concipiant, quæ ad putredinosam corruptionem ducit, & urinosæ indoli favet. Sed ejusmodi mutatio non uno loco ad prævisos Naturæ fines pertinet, neque absque ea acrimonia idem humor suis officiis digne defungi posset. Ita in vesicula fellis bilis *b**, quæ mitis ab hepate advenit, amarissima redditur & acerrima. Ita in feminalibus vesiculis semen de testibus veniens, flavescens idem & tenue, in sature flavum, oleosumque liquamen abit. Sed etiam lac stagnando ex dulci amarum redditur, & in muco partium muliebrium acrimonia suboritur *b***. Atque id ad corporis integritatem spectat, ut in laxioribus intestinis fæx alvina acrior fiat fætidiorque.

§. XXI. *Folliculi humores retinent, ut suis aptisque temporibus unice effundantur.*

Cum priori contemplatione hæc ipsa necessaria adfinitate conjungitur. In folliculis nempe & receptaculis humor moratur, & colligitur, ut uno eodemque tempore omnis effundatur, quod quidem tempus vitæ animalis commodis adaptatur. Exempla sunt, ubi copia quæritur humoris utilis, qui absque folliculorum præsidio perpetuo defluens, neque ad loca a Natura

b L. V. p. 156.

*b** *Quesnai æcon. anim. T.II.*

p. 175.

*b*** *Fanton p. 189.*

destinata , neque necessario impetu , neque ea copia perveniret , quæ vitæ usibus sufficiat. Ita semen quidem necesse fuit in vesiculas , aut in pares vesiculis ductus deferentis cellulas colligi , ut in massulam alicujus & molis & ponderis fieret , quæ a musculo acceleratore momentum itineri absolvendo æquale recipere posset. Eo enim momento eguit , ut per vaginam , sæpe longam , uterumque , in quadrupedibus longissimum , ad ipsa ovaria vis feminis pervenire , indeque , quodcunque est novi animalis elementum , exturbare possit. Huic enim officio nunquam guttula feminis suffecisset , qualis a vasculo epididymidis stillare potest.

Ita probabile est , omnino vesiculam felleam bilis aliquam penum colligere , quæ eo maxime tempore in duodenum copiosior effunderetur , quo digestio fervet , bileque plurima opus est *i*. Sed etiam in valvulis illis laryngis , in folliculis pharyngis , in cryptis , totoque longo intestinuli vermiculati folliculo , in cellulis extremi intestini recti , mucus colligitur , qui loquelæ , degluti-
tioni , excretioni excrementorum adjuvandæ , sub ea maxime tempora uberior suppetat.

Alia sed ad finis iterum , folliculorum utilitas est , fætidos sensibusque ingratos humores aliquos reservare , ne præter voluntatem perpetim defluant , corpusque civili vitæ destinatum inquinent. Ita urina in vesica propria , ita in laxis intestinis sæx alvina , ita in naribus mucus , inque suis vesiculis semen retinetur.

§. XXII. Ut folliculus evacuetur.

Etiam id boni adfervatio humoris facit , ut acrimonia sua , & copia , receptaculum suum potentius irriter , viresque adeo evacuantes sollicitet. Ita obtinetur , ut neque ultra aptam naturæ finibus copiam , neque ultra definitum acrimoniæ gradum humores nostri reservari , neque vitæ commodis obesse possint , utque demum ad destinata loca quisque humor veniat. Quam insuperabilis enim vis stimuli sit , quo humores , etiam mitiores , excretionem suam sollicitent , docet necessitas intolerabilis , qua ad sternutationem , tussim , alvi laxationem , mictionem , feminis effusionem cogimur , ut corpus humanum retento humore liberemus. Quibus vero machinamentis hæc excretio obtineatur , ostendere oportet.

Musculus est , qui irritatus contrahitur , musculosam fabricam , plerumque conspicuam , aliquando sensibus nostris subtiliorem , Natura folliculis circumdedit , quæ ab extensione , ab acrimonia , a cupiditate sola & imaginationis vi , irritata humorem de folliculo expellat.

Diversis autem modis musculosæ fibræ folliculo adaptantur. Aliquando in ipsam folliculi fabricam recipiuntur ; alias exterius & quasi eminus circumpositæ , aut unum folliculum , aut totum glandularum systema una exinaniunt.

Proprias grandium receptaculorum musculosas fibras passim oculis percipimus. Quin ventriculus , & intestinum , & vesica urinaria , & uterus a suis musculosis fibris inaniantur , dubium

non est ; etsi enim aliqui Cl. viri dubitarunt ; experimentorum tamen fide confirmatur.

In folliculis minoribus omnia minora sunt ; neque fibræ musculosæ aut oculis percipiuntur , neque experimentis crassioribus , quæ acu fiunt aut scalpello. In iisdem tamen folliculis vim irritabilem acrimonia chemica detegit , quæ in vivo homine admota , eorum humorum excretionem mire accelerat. Cryptas narium errhina medicamenta emulgent , oris glandulas apophlegmatizanta , faucium mucum gargarismi educunt , intestinorum lentum humorem acres pulveres inspersi concitant. Analogiam folliculorum cum ventriculo dudum Cl. viri *k* senserunt , neque in donandis fibris carneis avare se gesserunt. Omnibus glandulis alii motum peristalticum tribuerunt *l* , alii excretoriis arteriis carneas fibras assignarunt , quibus & stringerentur alterne & laxarentur *m*. Alii non veris solum folliculis , sed pulmone præterea , hepate , renibus , testibus , vires suas musculosas donarunt *n*.

Facilius est , in exteriori systematum folliculorum facie musculosam fabricam detegere , ut quæ grandiora sint. In animalibus equidem glandulæ , quæ in avium ventriculo membranaceo *o* , inque castoris *p* ventriculo pulcherrimæ sunt , carneis fibris ambeuntur , quas eximius olim *Wepferus* pulchre descriptas dedit. Sed

k Morgan l. c. p. 140.

l Lancisius diss. III.

m Burchart de secret. p. 39. 40.

n Bellin discors. anat. I. p. 19.

o Eph. Nat. Cur. Dec. I. ann. 2. obs. 251.

p Ibid.

etiam unguentum odoratum Zibethici *q* animalis, alteriusque ex America *r* moschum fundentis, & folliculi castorei *s*: deinde vulgares illi avium *t*, & plerorumque quadrupedum circa anum positi, fætidus unguinis sacculi, involucra sua musculosa habent. Glandulæ mucosæ marsupialis, sive didelphidis, cum suis sacculis a sphinctere comprimuntur *v*. Cutaneus musculus glandulas colli in castore descriptas exprimit *x*.

Sed neque homo ejusmodi involucra nulla habet. Testium numerosissimi sunt excretorii ductus, musculus qui comprimat unicus, nempe cremaster, qui de toto teste semen exprimit, in equo quidem evidentius *y*. Ita cryptæ minores adeo numerosæ, pharyngis, œsophagi, intestinorum, membrana communi carnea, fibrisque anularibus totum tubum intestini ambeuntibus adeo arcte teguntur, ut nunquam eæ fibræ officio suo fungi, majoremque tubum arctare possint, quin ex iis cryptis mucum exprimant.

Iterum alio modo, & amplissimis potissimum receptaculis evacuandis Natura prospexit. Totum nempe, sed cum systemate vicinorum viscerum, vestissimo musculo cingulo circumdedit, quo universa cavitas, cum aliis partibus recepta-

q Perrault *Memoire pour servir à l'histoire des animaux* T. III. P. I. p. 165. *Morand Memoire de l'Académie des Sciences* 1728 p. 446.

r Franciscus Gigot de la Peyronie *Memoire de l'Académie des Sciences* 1731. p. 453. 456.

s. Wepfer l. c.

t Blas *Anat. anim.* p. 27. in cane &c. *Hist. natur.* T. VII. p. 119. in mele.

v Cowper *philos. trans.* n. 290.

x Fanton *hist. anat.* p. 52.

y Malpighius de *fabric. gland. conglob.*

culum continens, de quo quæritur, arctetur, ut is una folliculus potenter urgeatur, & exprimatur. Ita musculosa illa potentissima prela hinc transversa septi, inde musculorum obliquorum & transversorum abdominis, maxima vi uterum, vesicam urinariam, felleamque vesiculam inaniunt. Ita levatorum ani cingulum musculosum feminales vesiculas & prostatam exprimit, ita uvulam columnæ duæ musculosæ pharyngis urgent z. Neque valde diversum artificium est, quo parotidem subjectus masseter agitatur, maxillarem glandulam biventer, palpebrarum orbicularis musculus lacrimalem glandulam, sublingualem mylo-hyoideus, thyreoideam sternothyreoidei, sternohyoidei, alique.

Video dudum *Stahlum*, & *Michaelem Albertum a*, & nuper *Theophilum de Borden b* e re suæ sectæ existimasse, ut hanc pressionis mechanicæ vim rejicerent, qua glandulas exprimit. Adeo vero manifestum est, a viribus musculosis maxillas agitantibus salivam elici, ut etiam ligno dentibus subacto copiosa adfluat, a qua certè perfecte mechanica vi omnis cupido & voluntas abest. Experimentum leve, ad demonstrandum tamen, quod ostendere oportet, breve & efficax, ipse feci.

Aliud non musculosum pressionis genus est, quo ventriculus cibus plenus, & ab aere distentus, vesiculam

z Non diffidente *Theophilo medic.* collectione, quæ gerit de Borden *recherches sur les manices* prodierunt. glandes p. 330.

a In scriptorum philosoph.

b l. c.

vesiculam fellis urget. Ita omnino sæpissime magna portione ceræ in vasa intestinalia acta, elisa eorum cavea, fæces per alvum exivisse. Ita dilatato aere, inque abdomine se expandente, sub inanitam campanam inclusa animalia fæces egresserunt.

§. XXIII. *Receptacula cæca.*

Non absque exemplo est, omnino nihil de cavea glandulosa evacuari, quæ undique cæca sit & clausa. Ita caveae articulationum, adeo & grandes & numerosae, synoviam suam sibi servant, neque emittunt quoquam: ita cavæ tendinum vaginae, & renales glandulae, & oculi camerae, & Graafiana ovula, & cerebri forte ventriculi, & caveae pericardii, pleurae, pectoris, abdominisque & amnii, & adipis cavernulae, & umbilicalis funiculus, aliaque plurima cellulosae telae spatiosa suos humores retinent. In iis exemplis secretionem, resorptionem, aut exhalationem compensari aequum est, tantumdem nempe per venas resummi, aut aliunde dissipari, quantum arteriae deposuerunt. Neque repugnaverim, in horum exemplorum nonnullis, vivo in homine, per ipsas clausi receptaculi membranas, aliquam humoris secreti partem penetrabili sua vi sibi viam aperire, inque circumjecta quaeque se diffundere. Siquidem bilis per poros suarum membranarum exhalat, cur alii humores non possint, etsi non perinde colore suo se produnt.

§. XXIV. VII. *Conditiones priores varie combinantur.*

Sequitur, ut de iis in separatione humorum discriminibus dicamus, quae ex prioribus causis inter se compositis nascuntur.

Ita possunt variae causae conjungi, quae lentorem faciant. Simplicissima speculatio est, quam primam propono. In omni canale particulae secundum latera lentius moventur: in ea ergo sede adtractio molecularum viscidarum major est. Si praeterea tota arteria ramosa, aut serpentina, aut aliam ob rationem quamcumque ad lentiores in sanguine motum generandum apta fuerit, tunc iterum particulae viscidae secundum latera arteriae magis se trahent. Nam & in axi lente movebantur, & in lateribus de eo parciori motu iterum portio decedit. Ita vehementer utique ad latera arteriae, & ad oscula canalium inde ortorum, particulae mucidae, aut adiposae adhaerescunt.

Resistentia ramorum, ductuumque excretoriorum, celeritatem in ipso trunco minuit, cum aegrius depleatur. Possunt eae conditiones adesse, quae in arteria velocitatem frangunt, & eae adcedere, quae tarditatem in ductu excretorio generant. Ita jam in ipso sanguine particulae mucosae, adiposae, gelatinosae, incipient se adtrahere, & potentius in ductu excretorio, ejusque folliculis & anfractibus se adtrahent, quae vicinae, paucisque fluidis particulis separatae eo advenerint. Ita in feminis masculini

arteria lentor incipit, & augetur in plicatae epididymidis anfractibus. Sequitur, ut quam viscidissimum fiat.

Poterit etiam combinari trunci in exemplo, complicatio & angulus, sub quo ramus de trunco prodit, celeritati contrarius, aut plica, quam is ductus cum trunco interceperit. Duplici in ratione inde lentor secreti humoris crescet. Cum enim in arteria tardus jam motus sit, deque paucis, iterum angulus non favens dimidium motus abstulerit, parum utique celeritatis supererit. Et uti ponderis vis in celeri sanguinis motu aegre percipitur, eademque jam tardio rem venosi sanguinis motum potenter mutat, ita etiam angulorum, plicarumque ductus excretorii cum arteria interceptarum vim, in tardio rem jam sanguinem morandum potentius operari aequum est.

Porro in trunco arteriae tardior motus, cum retis vasorum minimorum iterum celeritatem frangente natura, cumque ductus excretorii plicis, & cum folliculis intermediis, & cum multa resorptione, & cum admistione humoris etiam viscidioris, aut omnibus, aut aliquibus harum conditionum combinari potest.

Et facile adparebit meditati, conditiones, quas in arteriae secretoriae trunco, inque ejus ramis, in pororum secretoriorum diversa densitate, rectitudine, plicis, longitudine, in folliculis, exhalatione, resorptione, irritabilitate, & quæ alia exposuimus, fere in infinitum variari, & alias & alias secretiones efficere posse. Ex decem diversis

conditionibus 1023 humorum genera combinari
passe, alias ostendi *c.*

§. XXV. *Priora in compendium reducuntur.*

Quae longo satis fermone exposuimus, alia
ab experimento repetita, ex theoria alia, ea
nunc in breve compendium contrahemus, ut
quid nobis magis probabile videatur, uno intuitu
comprehendi possit. Quae, remotiora a demon-
stratione, mera in speculatione nituntur, ea hic
omittere malumus, facile aliis magis animosis
scriptoribus gloria cessuri, quam a pleniore
difficillimae functionis interpretatione sperant.

Ergo in sanguine utique ostendimus, parti-
culas esse aut omnino ejus naturae, quae in
humore jam secreto dominatur, aut certe ad
eam indolem pronas. Est in sanguine aqua, &
liquor coagulabilis, & non maturus quidem
mucus, sed mucosus tamen viscor, est adeps *d*
imperfectior. Ea corpuscula omnia, & mucosa,
& gelatinosa, & pingua, aqua puriori procul
dubio pigriora, de sanguine separari aequum
est, tum quod ostiola rubris globulis minora
sint, per quae a sanguine necesse sit secedere,
quodcunque eo humore tenuius est *e*, tum quod
sponte, quae viscida sint, & ad sui canalıs
parietem accedant, & a globulis axin tenen-
tibus eo depellantur *f*, quibus & soliditate
cedunt, & ad motum aptitudine: denique

c *Comm. in Praelect. Boerb.* e p. 112. seqq.
T. II. p. 457. f p. 102. seqq.
d L. VII. p. 17.

quod in minimis arteriis, retardato jam sanguinis motu, particulae mucosae, gelatinosae, oleosae se adtrahere incipiant, adque sui similes se colligere, ad mucosas mucosae, ad gelatinosas albuminosae, pingues ad oleosas g. Sed quo magis cum sui similibus coeunt, eo ad motum ineptiores fiunt, eo magis ad parietes canalium, ostiolaque inde nata adhærescunt, exemplo lymphæ, quæ de naribus, aut pulmone, aut urethra post mucum exit, a majori aliqua irritatione sollicitata. Flavo enim tunc colore subeunt lymphæ se prodit.

Porro ex his tribus viscidiorum humorum generibus adiposæ quidem subeunt ostiola maxima, & una brevissimos canales: parvoque motu a reliqua vi cordis incitata, ideo ea ostiola subeunt, quia omnium post sanguineos illices h, maxima sunt, solaque ejusmodi pigris & crassis particulis patent. Inde in cellulas per poros simplices, ut videtur, cominus deponuntur, cum longiorum canalium k, aut angustiorum, resistentia major sit, neque a lentissimo succo superari possit. In cellulas receptæ stagnant eadem l, propiusque se comprehendunt, nullo nunc interposito humore defensæ. In iis receptaculis aqua, & lymphæ cum adipe mixta, liberatur adeps, per resorbentes m venulas minores, quam quæ adipem quietum recipiant; ita purior demum colligitur.

Coagulabilis humor secedit in oscula, ali-

g p. 101.

h p. 113.

k p. 137.

l p. 139. 57.

m p. 59. 149.

quanto minora, quam adipis pori sunt, adeoque sanguineis ostiis etiam majori ratione angustiora *n*: secedet etiam in adipis patentiores vias *n**. Cum lymphæ & aqua transibit, sed eadem aut per minima, albuminosarum particularum diametro angustiora, foramina exit *o*, aut per villos inhalantes resorbetur *p*, donec secluso adipe, aqua resorbta, in propriis nunc vasculis, is solus humor dominetur, qui albuminis adfectiones habet. Idem cum fluidior mucus sit, & una ponderosior *q*, per longiores *r* ductus excretorios viam inveniet, qua neque adeps permeare queat, & ne mucus quidem. De adipe idem per resorptionem separatur.

Muci viæ angustiores esse videntur, quam vel olei vel lymphæ, quam tunc demum admittant, quando major velocitas accessit. Eadem breves fere semper sunt, & villus mucifer in folliculum non longo itinere patet. Credibile est, mucum ex arteria vel flexa, vel longe capillari, & a magnis truncis arteriosis remotius nata, progigni. Si absque folliculo mucosus humor nascitur, tunc & ex arteriis minoribus, & longioribus *s*, & cincinnatis *t*, mucum generari opinabile fuerit, ut ipsam per moram particulæ viscidiores vi adtractili coire possint. In folliculo demum, aut in prælongo ductu excretorio,

n Cum in adiposos loculos lymphæ, non ita vicissim in lymphatica adeps integris animalis rebus transeat.

*n** L. II. p. 53. 54.

o L. VII. p. 113.

p L. VII. p. 149.

q p. 6. (quam aqua).

r p. 137.

s Ut in femine p. 100.

t Ibid. p. eadem.

lensor, qui in recente pituita parvus fuit, per resorbitionem *v* aquæ & particularum *x* adtractione perficitur.

Humores aquosi transeunt per oscula tenuiora *y*, quæ neque mucosas particulas recipere apta sint, neque coagulabiles, neque pingues, quamdiu sua organo integritas constat. Eædem alias de rubra arteria secedunt, aut de arteriola minori, quæ rubro sanguine se liberavit *z*: aut demum de prioribus humorum generibus resorbetur. Aquoso humori destinatas fistulas præterea rectas esse videtur *a*, & sub iis angulis *b* iisque conditionibus & nasci, & produci, quæ celeritati conservandæ aptissimæ, & ab omni mora quam alienissimæ sint.

His quatuor humorum generibus subductis, solus in arteria rubra sanguis fere superest, quem minora ostiola ob crassitiem repudiarunt: & qui idem solidior, tuendo axi conservandæ celeritati, minimarum arteriolarum, ad alios humores conniventium densitati superandæ aptissimas moleculas nactus est. Non penitus tamen aut aqua sanguinem iis in arteriolarum finibus tota deferit, aut minorum humorum genus. Diameter sui vasculi totam tenere globulum *c*, per experimenta nostra constitit, inconspicuum vero humorem una transire ex intercepto globulorum filo adparet, quorum motus absque

v p. 149.

x p. 100.

y p. 112. 113.

z Serum in hypothesi *Lealis*

& *Boerhaavii*,

a p. 106. 107.

b Ibid. p. ead.

c L. VI. p. 45.

conjungentium minime quidem visibilium *d* particularum ordine non posset intelligi.

§. XXVI. *Exempla in humoribus viscidis, bile, semine.*

Exempla lætitiæ aliquam serio sermoni adspargere solent, iisque faciliora esse, qui abstractas de singulis objectis & generales ideas minus vivide percipiunt. Ergo ad bilis, viscidi & una inflammabilis humoris, generationem hæ nobis quidem notæ conditiones consentiunt. I. Sanguis advenit ad viscidum, oleosum, acrem humorem suppeditandum idoneus *e*, plenus nempe oleo, vapore abdominali, intestinorum putrido halitu, ut lienis ignoratam hætenus utilitatem prætermittamus. 2. Is sanguis per viscus secretioni destinatum fluit quam lentissime, per canalem a corde remotissimum, ab arteriis ipsis tota serie capillarium in variis visceribus & membranis vasculorum separatum, per venam demum, arteriis tamen minus firmam, per ramos maximos, numerosissimos, suo trunco in maxima ratione majores. 3. Ductus excretorius parvus *f*, si cum trunco sanguineo secernente comparaveris, intus undique rugis & reticulo frictionem augente asper: 4. ducit secretum humorem in folliculum, unico ostio apertum, impedito, angusto, adscendente, in fundo suo cæcum,

d p. 113. seqq.

e p. 198.

f Multo minor pro hepatis

portione, quam pro renis portione uretur.

in quo bilis quiescere, & reformationis, caloris, incipientis etiam putredinis, vires experiri potest, & a mucosae vesiculæ proprio novam visciditatem mutuatur. 5. Ex eo folliculo bilis vi potente musciosa, certo tamen tempore *g* uberius, exprimitur per ductum valvulis pene clausum, angustum, reticulatum, perque fibrarum musculosarum intestini valde mobilis & irritabilis hiatus, per duarum denique *h* tunicarum ejus intestini sibi instratarum intervallum: ut omnino causarum satis adsit, quæ biliarem ductum comprimant, claudantque, quoties intestinum vel intus ab aere expanditur, tunicamque suam interiorem ad exteriorem adprimit, aut vicissim fibræ carneæ irritabili vi motæ idem intestinum arctant. Ita obtineri videtur, ut in hepate separetur humor acris, amarus, inflammabili materie prægnans, lentus, parcusque, qui certis demum temporibus in duodenum intestinum majori cum abundantia effundatur. Minime recuso, alias conditiones superesse, quæ nos lateant, has tamen, quas proposui, ita se habere crediderim, ut alius, neque bilis similis humor nasciturus esset, si earum conditionum unicam sustulisses.

Iterum semen etiam ad certos humores pertinet, hæcenus diversum, quod materie inflammabili destitutum, mucosæ tribui propius sit. Ergo semen I. secernitur ex parva *i*, prælonga *k*,

g L. VII. Sect. III. p. 22.
h Prim. lin. physiol. n. 686.

i p. 195.
k Ibid.

tortuosa *l*, inferne potius latiori arteria : certe in nonnullis animalibus. 2. Secernitur de sanguine per arteriolarum ramos adeo minutos *m*, ut nulla arte, liquor ullus, hætenus ex arteriæ trunco in ductus feminis excretorios urgeri potuerit. 3. Deponitur in testis vascula innumerabilia, supra fidem longa, in crispissimos cincinnos flexa. 4. Inde semen fluit in rete vasculosum, laxius, quod non difficulter repleas. 5. Hinc denuo in conos illos vasculosos *n* multo subtiliores, iterum in frequentissimos gyros intortos vehitur, indeque in simile longissimum vasculum, quod sola sui repetitione epididymidem constituit. Ex ductu eo angustissimo redit in latiore canalem ductus deferentis, iterum arctatum, & secundo latefcentem in cellulis, vesicæ urinariæ subjectis. 7. Ex iis per angustum ductum in amplas cavernosas contortas vesiculas seminales. Tunc 8. post multam moram, nunquam sponte sua, sed musculosa demum irritabili vi expellitur, quando sæpe totis mensibus in suis vesiculis stagnavit, transitque per angusta ostiola ad urethram patula. 9. In ipso exitu miscetur cum albo prostatae liquore, ut copia augeatur, & forte etiam fluidius reddatur, certe in nonnullis animalibus. Hæc si repetieris, invenies moram in arteria, in ductu excretorio, in folliculis, resorptionem *o* de cellulis, de ipsa epididymide *p*;

l Ibid.

m L. II. p. 137. seqq. 190.

n Hæc cum seqq. vide

p. 147. seqq.

o p. 149. seqq.

p p. 150.

peculiarem fotum super intestina , putrescente materie plena ; receptaculum perfecte clausum , nisi stimulus veneris accesserit. Omnia ergo consentiunt , ut parum visceris humoris fiat , qui præterea putredinosi nonnihil a suo fotu habeat , & forte , ob primam angustiam arteriolarum separantium , subtilissimis particulis abundet.

Nunc si duos istos diversos suis dotibus humores cum suis colis secretoriis comparaveris , poterit utique probabile videri , multa communia esse ob fabricæ similitudinem , discrimen esse in bilis copioso oleo ; atque putrido de intestinis resorbto vapore , qui conjuncti humores , stagnando amarescant. In semine olei minus , plus viscoris est , uti plus est machinarum , retardantium , plus tamen subtilium molecularum , ob primos excretorios poros angustiores.

In genere albuminoso tanta est simplicitas , ut sola arctatione ostiolarum sanguini patentium pro sanguine lympa transeat , ut in exemplo lochiorum , vulnerum *r* , aut vicissim sola dilatatio pororum albumini destinatorum sanguinem admittat , aut in anatomicis experimentis adipem , in exemplo vaporis sæpe rubri pectoris , pericardii *s* , ventriculorum cerebri , inque ipsis

r Ex dente carioso post hæ-
morrhagiam maximam serum
limpidum salsumque successit
Helwig obs. 27. Post maximas
sanguinis jacturas sanguis al-
bus effluxit *Matani. aneurysm.*

p. 36. In pulmonis vulnere
primo sanguis exiit , sensum
serum , demum aquosus ichor.
Harder apiar. obs. 52.
s L. IV. p. 69. seqq.

vasis lymphaticis adeo sæpe rubrum humorem vehentibus.

§. XXVII. *Exemplum in humore aqueo.*

Si vicissim renum secretionem contemplatus fueris, aqueive humoris oculi, reperies, in rene quidem arteriam maximam, hinc secretionem copiosam celeremque. Aucta sanguinis penu per transfusionem, aucta lotii ubertas. 2. Ramos quidem arteriæ cincinnatos, ut aliquantum sanguinis velocitatem diminuunt, & aliquas forte particulas excludant, quæ in istis cincinnis retardatæ per venas resumantur, quæ renibus amplissimæ sunt & laxissimæ. 3. Ex iis arteriis rectissimi ductus excretorii continuantur, unde velox iterum & fluida secretio. 4. Sed ii ductus densi sunt, singulari inter omnes excretorios canales exemplo, qua quidem arte humores forte leves excluduntur, & adiposi: indeque forte fit, ut aucta demum celeritate sanguinis, hinc vi, quæ particulas in excretorios ductus impellit, adeps in lotii vias transeat. 5. Urina in rene secreta in receptaculum deponitur, in quo retenta acrior fit, & fætidior, & demum 6. opportuno tempore, cum necessaria ad munditiem celeritate, expellitur.

Hæc ego vel omnino certa fide evicta esse, vel a probabili ratiocinio addi persuadeor, neque diffiteor, multa alia in recondita organorum secretoriorum fabrica latere posse. Si quis tamen arcanam secretionis naturam t esse maluerit, si

in cujusvis particulæ corporis animati propriam & reconditam vim necessariam crediderit ; non valde ego repugnabo , ut unice ex prioribus repetam , in plantis tamen cum vasis omnibus cylindricis *v* , omnibus mera cellulosa tela factis , absque corde & anima , de purissima aqua , pariter mucum , gelatinam , oleum , particulas demum odoratas subtilissimas , suis in definitis organis separari \propto , ut in sola petala odoratæ particulæ , in corticem , bullasve epidermidis balsamus terebinthinæ similis , in fructum dulces particulæ exeant. Et omnino solus calor aquam in mucum , hunc in oleum aut resinam excoquit.

§. XXVIII. *Hypotheses. I. Fermenta.*

Unicus labor superest , eas recensere hypotheses , quibus Clari viri , tanquam adscitiis alis , propius ad lucem veri accedere conati sunt.

Primus ergo *J. Baptista v. Helmont* , cum ad physiologiæ declarationem experimenta chemica transferret , fermentorum exemplo inter multa alia abusus est. Nempe acidæ pastæ meraciores , corporibus nondum acidis admistæ , sed ad acidam tamen indolem vergentibus , in iis corporibus suæ similem acidam naturam generant. Continuo simile cuique visceri fermentum tribuit vir acris , quod nostris admistum humoribus eos in suam sibi propriam naturam convertat. Ergo ,

v *Ludwig Instit. regn. veget.* p. 169. 184. 196.
 \propto p. eadem.

ut propria Cl. viri verba immutata repetam, *fermentum* y ita definivit, ut omnis transmutationis causa, idque sit, quod ex aqua, communi omnium corporum elemento, propria sibi semina rerum facit z, in propagationem speciei. Deinde fermentum aliud *vitale* esse, quod adspiret in viventem animam. Alterum saltem continere initium generationis rei in rem a. Esse vero tot in nobis fermenta, quod digestiones sunt b. Inflari fermenti odores a vasis continentibus c. Dividi per ea corpora in minima, sive in atomos d. Esse in ventriculo suum acidum e proprium, specificum, vitale fermentum: esse in hepate fermentum fellis f, quod acorem stomachi in salem falsum convertat. Sed in intestinis fermentum stercoreum succedere g, alterumque ejusdem nominis, sed lotii naturam induturum fermentum in rene habitare h: aliud in hepate hæmatopoieticum residere i, & in corde sanguinem arterialem a proprio fermento in vitalem spiritum mutari k. Ultimas culinas membrorum sequi l, quæ in singulis membris singulæ sanguinem in alimentum partium mutant. Hæc, obsoleta quidem, paulo fusius ideo persecutus sum, quod inprimis magnus olim *Præceptor*

y Imago fermenti imprægnat
massam semine n. 1.

z Causa & initia natural.
n. 25.

a Ibid. n. 8.

b Sextuplex digestio alimenti
humani n. 2. 6.

c Imago fermenti n. 11.

d n. 23.

e n. 24. Sextuplex digestio
n. 14.

f Sextuplex digestio n. 27.

g n. 81.

h Latex humor neglect. n. 10.

&c.

i n. 38.

k n. 62.

l n. 67.

noster Helmontianas passim hypotheses repetere soleat, easque aut excusare, aut refutare.

Non valde dissimilia propria fermenta sunt, quæ *Thomas Willis* in cordi, ventriculo, testi, lieni, hepatis assignat, qui idem omnia in corpore animato per fermentationes descripsit, qua voce etiam effervescentiam intelligit.

Porro *Guilielmus Cole*, minime cæterum contemnendus auctor, in glandulis scripsit fermenta nasci *n*, quæ se per omnia diffundant *o*, & peculiare de sanguine particulas separent *p*. Id autem fermentum succum nervosum esse *q*, & ob eam rationem magnos in glandulis nervos reperiri *r*, inque paralyti secretiones injuriam pati *s*. Ab eo porro succo sanguinis quidem moleculas in ostiola propelli, in ea subituras, quæ sibi magnitudine respondeant *t* & figura. Adparet virum Cl. fermenti nomine non chemice usum esse, neque sensum receptum ei quidem voci tribuisse.

Aliquanto accuratius eadem voce utitur *Johannes Pascal* v. Docuit idem, dari in corpore humano fermenta volatilia, circulantia, acida, ex cerebro orta: & alia fixa, quæ cum alcali in substantiam corporis humani abeant. Sed illa volatilia, quæ ipsi sunt spiritus, cum sanguine in corde effervescente, eademque in ventriculo

m De fermentatione c. 5.

n De secret. anim. c. 10.

p 145.

o p. 130.

p p. 145.

q c. XI, p. 147.

r p. 158.

s p. 112.

t C. 12, p. 185. 186. conf. c. 7.

p. 81. 82.

v *Nouvelles découvertes sur les ferments*.

pro fermento esse, cum semine feminino alcalino in compendium partium corporis humani abire, & quæ alia, cum fere in sensum scripta reliquit.

Denique *Laurentius Bellinus* x fermentum sibi dari postulavit, quod sanguinem chylumque solvat, & solutum ad organa secretoria mittat. Idem tamen peculiaria fermenta refutavit, priorque causas utiliter exposuit, ob quas chemica hæresis stare nequeat. Si enim in viscere fermentum ponas habitare, quod ejus visceris sanguinem in suam naturam convertat, hujus fermenti originem ostendere oportet. Pone in sanguine paratum præsto fuisse, non intelligetur, quare singuli in singulis partibus corporis humani humores de communi sanguinis massa separentur. Si mavis a sanguine in viscere demum fermentum generari: redibit quæstio, ad quam respondes. Nam humorum mutationes a fermento fieri dixisti, nunc sanguinem in dato viscere in fermentum mutatum fuisse admittis, superest ut ostendas aliud fermentum, quod sanguinem in ejus fermenti naturam converterit: eodemque modo fermentorum fermenta perpetuo requirentur, neque ejus necessitatis finis invenietur x*.

Si malis fermentum cum homine in quoque viscere connatum inesse, quæ fere *Helmontii* & *Pascalii* opinio fuit, major iterum nascetur difficultas. Fermenti enim copia, quæ ab embryonis rene capi potuit, nunc sufficere debet, quotidie in urinam mutandis integris libris sanguinis:

guinis : & adeo pertinacis esse efficacix , ut ea fermenti copia , grano certe fabuli minor , in homine quinquagenario ad 21,900,000 libras sanguinis misceri potuerit , neque adeo enormi copia alieni humoris aut superari , aut dilui , aut destrui. Si enim renibus undecimam partem totius de corde emissi sanguinis tribueris , & duabus arteriis renalibus tantum sanguinis recipi admiseris , quantum alterutra subclavia aufert , aut carotidum altera , aut iliacarum una , aut hypogastrica demum vel cœliaca , vel mesenterica : accipiet certe ren , in singulo pulsu , quatuor sanguinis scrupulos , in hora adeo scrupulos 19200 sive libras quinquaginta , in die libras 1200 , in 50 annis libras 21,900,000.

Nunc ex omnium fermentorum exemplo constat , nunquam vires ejusmodi corporis absque suis finibus esse , sed utique certam fermenti ad eam massam proportionem requiri , quam mutandam suscipis. Deinde non omnes sales fermenti modo se habere , inque suam naturam admista corpora convertere ; quæ quidem vis fere regno vegetabili propria sit : omnesque qualitates humorum , qui de sanguine secedunt , ejusmodi esse , quæ per nullam fermentationis speciem adquiri possint , cum eæ omnes , unico in exemplo , olea destruant , aut cum aqua certe penitus per intima commisceant. Neque ullus acor in rerum natura existat , ullumve salis genus , quod subito de sanguinis parte urinam aut conficere possit , aut ea celeritate separare , qua in homine secedit. Omnia enim fermenta , ut alia corpora in suam naturam mutant , & tempore egent , & aere , &

amplis vasis, & tardissimo motu, aut plena quiete *y*. Hæc aliquanto fusius repetii, quod alia, eaque celeberrima hypothesis fere iisdem, quibus fermenta, vitiis obnoxia sit, & per easdem causas evertatur.

§. XXIX. Pororum figura.

Celebris ille hypothesium auctor *Renatus Descartes* per aptas suis finibus corporum figuras & universa fere naturæ opera explicare tentavit. *Idem* etiam humorum in animato corpore separationem a figuris pororum secretoriorum, ad particularum fecernandarum figuras aptis, exponere suscepit. In universum adeo organa secretoria cum cribris comparavit, quorum foramina diversarum figurarum essent. Deinde etiam in sanguine diversas particularum figuras finxit. Ita facile vides, cujusque figuræ particulas in sanguine circumfluentes, quam primum per consuetum humorum circuitum ad sua cola appellant, de sanguine secessuras: triangulares particulae per triangulares poros elabentur; quadrangulares per poros tetragonios; rotundæ per teretes tubulos; & ita porro aliæ particularum figuræ alios invenient poros, per quos ob adfinitatem propriæ figuræ exeant. Accuratas vero secretionés fieri addebat *Idem a*, cum quisque porus suæ unice figuræ moleculas admittat,

y Borell de mot. anim. L. II. primi elementi &c.

Prop. 136. 137. &c.

a De homine p. 15. de formato

& Ut magneticas figuras, & fetu III. n. 25.

reliquas omnes, quæ alterius figuræ sint, respuat & expellat.

Amant utique mortales ejusmodi hypotheses recipere, quæ facili sua simplicitate & problema plene solvere videantur, & absque mentis labore apprehendantur. Magno ergo plausu cribrorum hypothesin receperunt viri clarissimi *b*, pororumque figuras cum magnitudine conjunxerunt, inter quos aliqua primi ordinis *c* nomina reperiuntur.

Sæpius monui, infelicibus exemplis expertus, raro eam esse hominum felicitatem, ut vera sint, quæ facile & sponte quasi menti se offerunt: uti rarissime recte divinaturum puerum æquum est, qui causas compositissimæ machinæ, & cujusque particulæ prævisos fines explicare susciperet. Nempe non longo ab inventa hypothesi tempore, vitia novæ hypotheseos tanta innotuerunt, ut eadem fere facilitate de medicinæ legibus rejecta fuerit, quæ recepta fuerat. Primus, nisi quidem fallor, *Franciscus Glisson d*, vir alioquin non mediocris ingenii, observavit, omnes in humano corpore meatus teretes esse, & omnia oscula circularem sectionem habere, recte quidem, quamdiu de arteriis, etiam armato

b Theodorus Craanen de homine p. 274. additis iconibus, quibus hypothesin declarat. Philippus Verheyen Anat. L. II. p. 292. Dominicus Guilielminus de sanguine. Matthæus Georgi de homine propos. 40. Guilielmus Cockburne in æconom. animal.

& nuper Hyacinthus Vogli in fluidi nervei historia p. 18. 19.

c J. Alphonsus Borellus de motu animal. L. II. Prop. 138. 140.

d De ventricul. & intest. c. 23. p. 449, edit. Belg.

oculo consideratis, fermo est. Id ipsum primum argumentum fuit, quo moti Clarissimi viri e cribra, poris varie figuratis pertusa, a secretionum explanatione removerunt.

Poterat hactenus pro *Cartesio* adferri, & venas triangulares certa fide in humano corpore reperiri, & non penitus impossibile videri, secretorium organum cellulosum dari posse, exque laminarum intervallis cribri genus componi, cujus foramina variæ, & cujusque fere figuræ sint, quam requiras. Deinde in sanguine & globuli sunt, & falis marini cubi, aliæque aliarum figurarum particulæ, certe per imaginationem solertium virorum excogitari possunt, quæ cum sanguine circumeant. Alia ergo ratione ad hypothesein cribrorum evertendam *Pitcarnius* usus est *f.* Cujuscunque nempe figuræ poros feceris, ostendit, admittere utique omnes particulas alienissimæ, & cujuscunque iterum figuræ, dummodo earum maxima diameter minor sit minima diametro pororum *g.* Quare per *Cartesianum* ubique cribrum non solæ poris ejus adaptatæ similisque figuræ moleculæ transibunt, sed tenuiores utique omnes, & omnium adeo figurarum particulæ per omnia ex æquo cribra meabunt.

Iterum particulas alterius, quam sphaericæ quidem, figuræ esse oportet, cum alioquin

e Archibaldus Pitcarne de *Instit. rei Med.* n. 255. *Job. Gornotus* sanguinis per minima n. 16. ter l. c. n. 38.
Jacobus Keil de *Secret. anim.* f l. c. n. II.
 p. 61. *Hermannus Boerhaave* g. *Michelotti* l. c. Lex. I.

diversæ pororum figuræ utilitate careant. Sint ergo alterius figuræ : tunc iterum particula poro æqualis erit : eo vero in casu non transibit , neque de sanguine per porum adeo sibi aptum separabitur , licet figura congruat & magnitudo. Cum enim particula non sit sphærica , habebit majorem aliquam diametrum , & perinde porus , cujus eadem figura sit , & ipse majorem aliquam diametrum habebit. Quoties una major diameter particulæ majori diametro pori respondet & congruit , toties transibit utique , & de sanguine separabitur. Verum is casus unicus est inter innumerabiles alios , in quibus major diameter particulæ extra majorem pori diametrum cadit , atque adeo in minorem quamcumque pori diametrum incidit , atque adeo a poro angustiore repulsa refutatur , neque de sanguine secedit. Eruntque , ut vere omnino , *Pitcarnius* *b* monuit , vires exclusionis infinitesies numerosiores , quam unicus admissionis casus est.

Ad hanc *Pitcarnii* demonstrationem respondit hætenus *Petrus Antonius Michelottus* *i* , non ille quidem serius cribri pororumque advocatus , famæ tamen *Borelli* & *Guilielmini* studiosus. Putat vir Cl. in illis diametri maximi particulæ a diametro maximo pori aberrationibus inpingere equidem particulam in parietem pori , neque expedite subire : cæterum posse ab iis , quæ insequuntur , particulis in rectam viam dirigi , dum rotatorium ab iis particulis acceptum motum sequitur ,

b l. c. n. 12.

i Ibid. p. 244.

usque dum denique diametri sibi respondeant, & ipsa per canalem excipientem viam sibi aperiat.

Verum canalis secretorius poterit conicus esse, & certe conicus est in exemplo arteriæ decoloris, quales in uvea membrana a rubris arteriis nascuntur. Eo vero in casu vitiosa particulæ longiori diametro præuntis impulsio in progressu adeo non corrigetur, ut omnino malum augeatur eundo, & tanto minores admissionis vires fient, tantoque major illisionis in parietem metus, quanto profundius in canalem particula poro non congruens processit. Sed etiam rotatio illa particularum sanguinearum omnino absque demonstratione, & præter experimenti fidem *k* admittitur.

§. XXX. *Colorum hypothesis.*

Valde adfinis ea prioris est, cola enim a cribris hætenus differunt, quod cribra firma & sicca corpuscula discernant, cola contra fluidos humores separent. Deinde hypothesis, quam propono, non quidem poros definitæ figuræ poscit, sed coli poros definito humore plenos, eodem, qui per totam animalis vitam per quodque colum de sanguine fecernitur: ut bilis vascula secretoria bile a prima hominis origine plena sint, feminis cola semine. Ad eum nunc humorem homogeneas de sanguine particulas adtrahi creditur, aque eodem alienæ indolis humores.

k L. VI. p. 213.

repelli. Solent viri Cl. exemplo coli aqua pleni uti, quod oleum respuit, aut vicissim coli oleo ebrui, a quo aqua transitura prohibetur. Hæc opinio priorem simplicitate vincit, & maximis quidem & numerosissimis viris *l* placuit, interque eos *Godefrido in Guilielmo Leibnitz*, & inter anatomicos *Jacobo n Benigno Winslowo*, ut turbam omittam sequacium *o*.

Sed neque valde a Cl. viris alii dissentiunt, qui singulo humori suam majorem ad solidum determinatæ densitatis adtractionem tribuunt, qua fiat, ut per ejusmodi tubulum facilius transeat. Hæc quidem hypothesis *Isaaci Newton p* suffragium ostendat, deinde *Johannis de Gorter q*, viri illustris, aliorumque per sua merita clarorum hominum *r*.

Utcunque aliqua in eorum virorum sententiis diversitas superest, in eo tamen convenire videntur, esse in quoque corporis animalis secretorio organo definitæ indolis quasi magnetem aliquem, qui certas particulas, neque alias,

l Inter primos *Bernardo Connor* in tentamine epistolico post evangelium medici adjecto.

m Apud *P. A. Michelottum*.

n *Memoire de l'Académie des Sciences* 1711.

o *Nicolao Hartsoecker suite des conjectures physiques P. Sylvano Regis cours de philosophie* p. 596.

J. Godofredo de Berger de natur. hum. p. 127. *J. Claud. Adriano Helvetio æcon. animal.* p. 162.

Eclaircissement p. 68. *Josepho*

Lientaud viro Cl. physiologie p. 211. *essais d'anatomie* p. 693.

Cl. Verdier abrégé d'anat. T. II. p. 88. *Antonio Deidier de hum.*

morib. p. 23. *Jacobo Parsons of generat &c.* p. 171. 173. *Cl.*

Barbaut Splanchnologie p. 18. *J. Baptiste Mazino medic. me-*

chan. L. I. n. II, p. 21. *C. G. Kratzenstein de diabete* n. 28.

Jacobo Shebheare principl. of practice T. I. p. 322.

p Optiks L. III. *Query* 31. p. 367.

q l. c. I. n. 17.

r Kinneir of nerves p. 33. *Neifeld* p. 144.

in id organum adtrahat , sive nunc is magnes in fluido organum imbuente sedem habuerit , quod ab omni tempore , animalisque primordiis ea in fede habitaverit , sive in solidis ejus tubulis.

§. XXXI. *Humoris analogi attractio rejicitur.*

Verum ut acceptissima ejusmodi hypotheseos simplicitas est , ita tamen minime cum natura rerum consentit. Et humorem primum , quo quæque particula corporis animalis ab omni retro tempore ebria fuerit , & qui pergat in animale adulto per idem secretorium colum manare , utique admittere non sinunt , quæ contraria habemus experimenta rerum. Si vero ostendimus nullum ejusmodi perpetuum humorem dari , prior quidem hypotheseos pars everfa erit.

Ergo humores fetus alii sunt ab adulti hominis humoribus , quibus idem nomen impertimus , quod per idem organum percolentur. Omnia in nascente embryone blanda sunt , mollia , albuminosa , insipida , decolora. Bilis cystica s in pullo incubato , & perinde in quadrupedum , ipsiusque hominis fetu , neque flava , neque viridis , neque acris , neque amara est , ejusque locum , ipsa in vesicula , pellucida in pullo quidem lymphæ , in humano fetu t rubrum viscum tenet , fila trahens & insipidum. Iterum , nam meretur Cl. virorum auctoritas , ut curiosius in

s *Memoire sur la formation du poulet* T. II. p. 192.

t *Viridet du bon chyle* n. 254.

eorum argumenta inquiramus , adipis loco in tenero fetu gelatina est v. Ren , blandissimam , mucosam , absque odore aut sapore aquulam percolat. In utero virguncularum , partu nondum editarum , lacteus & albilissimus succus est , quem adulta virgo magis mucosum , & pallidum habet. In uvæ facie posteriori , & chorioideæ & oculi membranæ , pallidus etiam humor est , atrumque pigmentum præcedit. Glandulas bronchiales ferofum lac imbuit , in ejus locum in adulto homine nigerrimus pariter ex cæruleo humor succedit. In pericardio , pleura , peritonæo , fetus rubra aqua abundat , quæ homini adulto & sano pellucet. In testibus embryonis sexus virilis aquula insipida , inodora , paulum mucosa , absque animalculis , parcissima percolatur , cui flavum viscidissimum , odore penetrantissimo fragrans in adulto animale , vivis bestiolis plenum semen succedit. Perinde etiam in plantis junioribus , ut in vite , per omnia vascula aqua limpida transit , in iisdem adultioribus austerus & acerbus succus , in maturo vero racemo dulcissimus percolatur. In frumentis aqua prima est , deinde mucus , qui matura in tritico lac erit , deinde farina , inflammabili elemento plena. De plantis diximus , ut tamen *Edmundi Mariotte* observatio addi mereatur , in primordiis nempe plantarum multum lixiviosi salis esse , acoris parum , in adultis multum acidæ naturæ x*.

v L. I. p. 54.

du poulet l. c.

x *Memoire sur la formation*x* *De la végétation* p. 162.

Ergo id primum ostendimus, neque in hepate, neque in oculo, neque in utero, neque in rene, neque in cellulosa tela, neque ullo fere in colo fetus & embryonis ejusmodi succum fuisse, qui similis etiam in adulto animale idem per colon separetur, & sequaces, sui que similes, particulas de sanguinis communi flumine adtrahat.

Non ergo necesse est multis inquirere, num adeo fidelis colorum custodia sit, veraque inprimis fide narretur, per oleosa cola olea, per aquosa aquam solam transire. Nam etsi sunt, qui adfirment^y, non desunt tamen, qui contraria eventa viderunt, chartamque oleo ebriam aquam transmittere & testantur, maxime si calor accesserit *a*.

§. XXXII. *Neque in tubulorum firma substantia certarum particularum amor residet.*

Multo certo etiam minus admitti potest, in firmæ vasorum fabricæ vi adtractili causam latere, quare hic, neque alius, humor in suis definitis organis generetur, quæ eadem omnes alterius indolis particulas rejiciant. Nullum enim in corpore humano colum est, quod eundem perpetuo, neque alium humorem percolet, ut ex ea quidem hypothesei oporteret. Omittimus de fetu dicere, cujus alii a cognominibus in

^y Loescher *Specim. anthropolog.* p. 297. Geelhausen *de secret. experim.* p. 31. *anim.* n. 27.

^z El. Camerarius in *tentaminibus* p. 144. *Phil. Verheyen* *tura* p. 65. ^a Helvetius *de glandul. structura*

viro humoribus humores sint : in adulto enim homine eadem est , levissimis a causis , in iisdem colis , ad transmittendos humores inconstantia. Exempla citavimus , oportet autem hic summa rerum capita unice colligere. Uterus sanctissimæ virginis viginti duobus tribusve in mense diebus mucosum quid & tenue generat , reliquis septem vel octo , purum putumque sanguinem. Vascula cutanea hominis quieti subtilem aquulam exhalant : eadem , si vel calidæ potus , vel modica omnino corporis exercitatio accesserit , aut acrius mentis studium , oleum , cum multo sale , præter aquam exsudent. Redde quietem , aut subitum terrorem , aut frigus in cute , continuo ea vascula aquam meram reddent , aut omnino nihil percolabunt. In urinæ generatione eadem est inconstantia. Ren sani hominis , dimidia fere ab aquoso potu hora tenuem excolorem aquam vesicæ submittit. Adde aliam horam , jam flava & acrior : nega potum , corpus exerce hominis , iterum post paucissimas horas flammea , ponderosa , oleo & sale gravis , per idem organum urina decedet. Redde potum , quietem , jam pallida denuo & innocentior redibit. Lactea vascula mammarum aquam , absque sensu fere virginis , percolant , quæ ubi nata est , ita in sanguinem redit , ut pellucidissimi ductus , cum satis grandes sint , omnino oculis se subducant. Adde nunc in ipsa mamma , nihil mutata , papillæ irritationem , jam copia liquoris oleo plenissimi , caseosoque viscore , per ea , nunc suo colore flavescente oculis facillime percipienda vascula exhibit. Sebaceæ glandulæ alias lac gene-

rant, alias sebum *b*. In adipis cellulas alternis sæpe vicibus aqua, gelatina, adeps deponitur *c*. Soli animi adfectus, per cutem, adeo tenui humori destinata, sanguinem exprimunt. Plerumque in his exemplis nulla causa est, quæ densitatem vasculorum percolantium mutaverit. Ipsum vulnus cujuscunque partis corporis humani sanguinem primo ex discissis vasculis plorat, deinde tenuem, ferofum laticem, denique pus oleosum & viscidissimum. Ergo per eandem particulam corporis alius & alius humor de sanguine secedit.

Ita vicissim, idem humor, suas per dotes definitus, per diversissima organa percolatur. Repetitionibus abstinerebimus, indicabimus titulos. Lac per glandulas femoris effusum legimus *d*: bilem ictericam de cute sudasse, perque renes descendisse: lotium *e* per alienissimas ventriculi, cerebri, oris vias fluxisse, sanguinem per itinera sudoris *f*, lacrumarum, muci narium, muci uterini, lactis, feminis, urethræ, adipis subivisse, & quæ alia exempla fusius suis locis enarravimus.

Adparet adeo, nullum adeo necessarium cujusque humoris ad suum organum vinculum esse, quin & idem humor aliis locis nasci, & idem organum alios humores generare possit; neque adeo certos humores, cum certis vasculorum densitatibus, insolubili aliquo nexu conjungi:

b Eschenbach anat. p. 327.

c L. I. Sect. IV.

d L. VII. p. 25. 26.

e p. 20. seqq.

f L. II. p. 225.

sed omnino & omne organum alios humores generare , & omnem humorem per alia & alia cola transire , quamprimum sanguinis velocitas , temperies , nervorum vis aucta aut diminuta , aliaque ex causis a nobis recensitis , accessit ; & in quocunque organo alium a legitimo humorem , & quemcunque humorem in alio organo generari posse.

Sed eo etiam minus his densitatis discriminibus tribuimus , quod in animalibus vastissimis , & minutissimis , in trochili hepate & elephanti , in balænae mammis & muris , similis bilis , simile semen generetur , cum tamen , per experimenta etiam mea , constet , incredibili ratione densitates vasorum in magnis animalibus densitatem eorundem vasorum in minoribus superare. Arteria equi , ex feminalibus , nam in equo adnotatio nata est , minima , pene capillaris , durior est , densiorque , quam cuniculi aorta. Quare , cum necesse sit densis trunculis densos ramulos respondere , cumque obvia ipsa experimenta demonstrent , membranas & viscera , & ipsas glandulas majoribus animalibus duriores , & densiores esse , adparet , non oportere ab ea diversa densitate summas discriminis in percolandis humoribus causas repeti.

§. XXXIII. *Keiliana adtractio.*

Jacobus Keil adtractionis vocem cum auctoribus proximo loco citatis communem habet , mentem tamen aliam. In ipsis nempe particulis sanguinem componentibus duorum generum

adtractices vires ponit, aliam nempe vim, qua ad totam humorum massam retinentur, aliam, qua particulæ ejusdem generis inter se ipsas cohærent *i*. Quoties illa quidem vis superior est, tunc quidem omnes in communi massæ sanguineæ massa remanent. Si vero vis ea vicerit, qua inter se mutuo eæ particulæ cohærent, tunc vero similes inter se particulæ confluent, & in peculiarem liquorem solæ de sanguine se expedient. Hæc vero vis, qua se particulæ similes trahunt, in quiete superest, dum interim ea vis debilitatur, qua ad totam massam adtrahuntur. Eæ ergo particulæ omnium primæ & proxime cor ipsum coibunt, quarum vires adtractrices maximæ sunt *k*: ultimæ unientur, & in locis a corde remotissimis, quæ & minori vi se adtrahunt, & quæ eadem minus solidæ sunt. Præterea tamen etiam figuræ *l* vires adtractiles mutare possunt, easque aut augment aut minuunt, eaque fluida prima coeunt, seque de sanguine evolvunt, quorum particulæ sphæricæ sunt, & solidissimæ, tardè vero, quæ pluribus in punctis sui similes contingunt, ut planæ particulæ *m*.

Facile hic vel leviter perpendenti adparet, viciniam ipsam cordis parum ad secretionum discrimina facere, cum in ipso corde humor omnium lentissimus, nempe adeps, magna

i De secret. anim. Prop. 7. 8.
p. 66. 74. &c. Bianchi histor.
p. 42. Payen in disp. excit. &
hactenus Cheselden p. 141. &c.

k Keil p. 84.

l Id. p. 101.

m Id. p. 85.

copia generetur, contra vero in partibus corporis a corde valde remotis tenuissimi humores nascantur, ut perspirabilis vapor & spiritus nerveus. Deinde dari plurimas secretiones, quæ ad diversissimas a corde distantias æqua facilitate perficiuntur, ut humorum aquosorum.

§. XXXIV. *Adhæsiō ad solidas particulas ejusdem densitatis.*

Multo ornatus nuper alia hypothesis proposita est, quæ hætenus cum *Newtoniana* convenit, quod per adhæsiōem, aut adtractionem ad contigua corpuscula, pro varia solidarum partium densitate potentiores, functionem secretionis interpretetur. Eam eo æquius & magis sollicita cura me expendere oportet, quod mei olim acris adversarii *Georgii Ehrhardi Hambergeri* sit, & quod clarissimorum virorum, quos plurimi faciam, plausum obtinuerit *n.* Dudum eam theoriam apud aliquos viri olim Ill. discipulos o expositam reperias, deinde in ejus dissertatione, quæ *Academiæ Burdigalensis* p præmium obtinuit, inque magno opere physiologico.

Ex physicis primo legem repetere oportet, quam *Idem* Ill. olim noster æmulus sanxit,

n *Francisci Boissier* in *physiolog. mechan. elementis*, inque tract. de la maniere dont les medicamens affectent certaines parties du corps humain. Deinde *Ernestus Antonius Nicolai* & alii.

o *J. Henr. Geelhausen* de diff. ferenti fluidorum in corpore humano secretionem Argentor. 1730. *J. Daniel Kuntzschke* de secretionem in genere Witteberg 1746. p. *Diff. sur le mécanisme des secretions* Burdigal. 1746.

fluida nempe quæque corpora ad ea solida adhærescere, quæ iis fluidis ponderosiora sint *q*, ad ea vero minime, quæ minus in eodem volumine ponderis habent. Deinde vires adhæSIONIS augeri ex majori æqualitate *r* ponderum specificorum fluidi corporis solidique: & tanto magis fluidum quodcunque ad quodcunque aliquanto se ipso gravius solidum corpus adhærescere, quo minor diversitas in utriusque pondere specifico fuerit *s*. Contra vero minus valide cohæ-rere, quo majus inter pondus specificum utriusque discrimen fuerit, ut omnino denique nulla cohæSio reliqua sit *t*, quando maxima inter pondera specifica diversitas est.

Nunc id ipsum est principium *v* omnis illius discriminis, quod inter humores quaque in corporis parte secretos intercedit. Omnia quidem totius corporis animalis viscera omnibus humoribus graviora esse ponit Vir Cl. *x*: verum dari omnino, quorum pondera specifica certis cum humoribus proxime convenient; ergo eos humores in iis visceribus ad vasa secretoria adtrahi, adeoque per eos ipsos tubulos secerni, quorum interna pondera internis ejus humoris particularum ponderibus proxima sunt *y*. Puros denique humores generari, quod humores graviores ad solida leviora omnino non adhæreant *z*, leviora autem

q Elem. physic. n. 163. Sauvages elem. physiolog. p. 175. 177.

r Hambergerer physiol. p. 179.

s Hambergerer ibid. Sauvages ibid.

t Hambergerer physiolog. p. 203.

v Idem ibid. p. 172.

x p. 204.

y Diff. cit. n. 24.

z Ibid. & n. 52.

autem adeo debiliter ad solida multo ponderosiora adtrahantur, ut a sanguinis fluento facile separantur, & de ostiolis avellantur ^{z*}.

Hæc nunc, urgebat vir. ill., & cum generalibus naturæ legibus consentire, & cum peculiari corporis animati fabrica. Adhærere nempe humores corporis humani utique ad suos parietes, & per ea viscera separari, quorum pondera specifica suis ponderibus proxima sint.

Id ut ostendat Idem, præmittit in eadem ratione pondera specifica viscerum esse, in quæ ea pondera sunt, quæ viscera siccata *a* diffatis humoribus conservant. Solida enim nunc pura esse, cum soli humores diffentur. Quæ vero densitas totius visceris sit, eam etiam singularum fibrarum ejus visceris densitatem esse *b*.

Nunc in vacca *c* de corticis cerebri decies mille partibus amitti siccando partes 8508 : de cortice cerebelli partes 8450 : de glandulis mesentericis, salivalibus & pancreate 7991. 7950. 7390. & 6971. de rene 7850, de hepate 7102. In cane *d* amittere in exsiccatione testes quidem partes 8400, cerebri corticem 8096, renes 7910, hepar 7696, glandulas maxillares 7640. Adeoque, per priora, pondus specificum in cortice cerebri, in priori exemplo, esse 1492, in glandulis mesentericis 2049, in parotidibus 2056, in renibus 2174, in glandulis maxillaribus 2660, in hepate

^{z*} Ibid. *Kuntzschke* n. 42.

a Diff. de secret. n. 29.

b Diff. cit. n. 44.

c *Physiolog.* p. 188, diff. cit.

in tabula.

d *Physiolog.* p. 190. diff. cit. in ead. tabula.

2898 *e*. Ergo maxime ponderosum inter viscera hepar esse, deinde ex ordine, renem, glandulas salivales, cerebrum *f*.

Nunc in eodem omnino ordine esse pondera humorum quoque loco secretorum: pondus nempe bilis in vacca esse 305 g, pondus urinæ 397. salivam aliquantum urina leviolem esse, in ratione $394\frac{1}{2}$ ad $399\frac{1}{2}$, & si urina in vacca gravior videtur, id vitium in porco & vitulo corrigi, cum in iis animalibus bilis lotio ponderosior sit.

Iterum alios Cl. viros *b* aliis in numeris pondera specifica humorum corporis humani defluisse. Ita a Cl. Silberling lac inventum esse 277 partium, serum vel lympham partium 274, bilem partium 272, urinam partium 271, salivam 267 *b**, spiritus vero levissimos esse sive nullius ponderis *i*. Nunc cum pondus hepatis sit 1083 partium, cutis pondus partium 1067, renum 1050, glandularum maxillarium 1043, carotidis 1034, sublingualium 1007 *k*, manifesto constare, pondera organorum secretiorum specifica eadem in ratione esse, in qua pondera humorum sunt.

Omitto, quæ vir Cl. de compositione direc-

e In vipera cum totum pondus sit 96. gran. humidi tantum fuerunt grana $42\frac{1}{2}$ *Memoir. de l'Académie des Sciences* 1732. p. 26.

f Diff. cit. n. 37.

g *Physiolog.* p. 190, diff. cit. p. 25.

b Silberling l. sæpe cit. p. 15. excepta saliva, cum aqua sit 261 partium.

*b** Sauvages diff. sur les medic. p. 28.

i Hamberger *Elem. physiol.* p. 174.

k Sauvages l. c. p. 27. 28. 29. cum aqua sit partium 1000.

tionis / particularum ex cordis viribus & adhæ-
sionis, & de angulis vasorum *m* cum truncis
habet, quæ fere omnibus hypothefibus communia
sint, propriæque viri sententiæ nihil addant,
demantve.

§. XXXV. *Quare admitti nequeat.*

Et primo quidem eas omnes adhæſionis majoris
ad solida corpora densiora leges olim accuratiora
phyſica experimenta refutarunt *n*, quibus evin-
citur, utique ad leviora solida etiam fluida gra-
vissima adhærere, ut ad vitrum chartamque
argentum vivum, ad eandem chartam oleum
vitrioli *o*, ad varia etiam levissima corpora minii
balsamum, aliaque gravissima pigmenta, ut
stannum ex admisto plumbo gravius ad levius
stannum, electrum ex auro cum argento misto
compositum ad argentum, aurum ad spiritum
vitrioli. Porro alioquin ex metallorum exemplo
facile constat, graviores humores leviora firma
corpora solvere, ut idem quidem vitrioli oleum
partes animales devorat *p*: neque tamen etiam
in hisce solutionibus ullam legem Hambergerianæ
similem obtinere. Nam gravior nitri spiritus
levius argentum colliquat, levior aqua regia
gravius aurum dissolvit *q*. Nulla ergo cum specie

l Diff. cit. n. 15. 17. 47.

m Ibid. n. 5. 10. 11. &c.

n P. v. Musschenbroeck Instit. *physicar.* p. 267. 268. Franciscus Lamure de secretionum in cor-
pore humano mechanismo p. 18.

Cl, enim viri opus est, etsi aliud

nomen præ se fert.

o Vir Ill. Car. Aug. à Bergetz position p. 19.

p Resp. ad Sauvages physiolo-
p. 189.

q Cel. Hundertmark de vera
mercurii virtute p. 13.

veri dici potest, corpora fluida ad levius solidum corpus non adhærere, & perinde experimento repugnat, adhærere fluida solidis eo pertinacius, quo ea solida ponderosiora sint: neque demum similitudo ponderum in fluidis atque solidis quidquam ad faciliorem solutionem aut fortiolem cohælionem facit.

Nunc si eæ leges non firmæ sunt, quibus vir olim acrioris ingenii, quam timidi, suam hypothesein totam superstruxit, possemus quidem fusioris disputationis compendium facere. Dandum tamen & hoc dignitati viri, ut per singula eamus.

Viscerum specifica pondera eo modo non recte definiuntur, quo vir Cl. definire suscepit. Ponit enim rem minime certam, abacta per exsiccationem aqua, veram elementorum viscerum, quæ supersunt, gravitatem detegi. Nam in visceribus quidem post exsiccationem adeps adeo evidenter superest, adque fibras vasculaque adhæret, ut vim veri omnino ipse vir Cl. senserit. Fatetur enim, minus accurate per exsiccationem pondus specificum definiri, & ea ipsa priorum experimentorum refutatione pro re sua utitur *r*. Cum enim post exsiccationem plus materiei de glandulis salivalibus, quam de hepate supersit, quo ipso analogia in ordine ponderum viscerum humorumque infirmatur, respondet *Idem*, oleosi & sebosi aliquid iis glandulis adhærere *s*, quod pondus augeat: & ea adnotatione adeo libere utitur, ut etiam medullam encephali, propter

r *Physiolog.* p. 185. 186. . . . *s* *Diff. cit.* p. 24. n. 37.

adipis copiam , plus ponderis retinere ajat , quam oportuerat. Id vero facile quisque perspicit , in Hambergeriana exsiccatione quamque corporis animalis partem eo plus de priori pondere conservaturam , quo plus habet adipis , qui per exsiccationem non dispereat , eamque pinguitudinis portionem potius per aquæ exhalationem inveniri , quam quidem verum vasculorum viscus componentium specificum pondus ; & omnino ideo renes , & salivales glandulas plus videri de suo pondere retinuisse , quam alia viscera , quia plus habent adipis.

Verum , quando paulo propius pondera specifica humorum , cum specificis organorum fecernentium ponderibus comparamus , tunc quidem magis atque magis dispalescit , nullam perpetuam utriusque ponderis proportionem esse. Recipimus ea humorum pondera , quæ Ill. Vir ipse proponit , ut bilis ponderosissima , tunc urina , inde aqua , demum saliva sibi succedant , etsi possemus de saliva clari viri experimento alia opponere , quæ salivam lotio ponderosiores faciunt *t.* Adde nunc huic seriei in supremo loco semen , quod ab Ill. viro v omnium humorum humanorum ponderosissimum habetur , & utique in urina fundum petit : adde imo seriei fini adipem , utique aqua & saliva leviores , demumque succum nerveum , ex Ill. *Hambergeri*

t Lamure l. c.

v Duplo sanguine ponderosius *Buffon hist. natur. T. II. p. 71.*
Semen in aqua subidere debet

Sylvius de gener. hum. In ariete adeo densum est , ut in aere coeat , & solo calore colliquescat Buffon T. V. p. 21.

testimonio levissimum, fiet ejusmodi humorum series, quæ a gravissimo incipit, semen, bilis, urina, aqua, saliva, adeps, spiritus.

Repete nunc horum humorum cola, ex ipsis Cel. *Hambergeri* experimentis, erunt ea in hoc ordine. Gravissima est glandula maxillaris, quæ salivam generat *x*, deinde hepar, ren, cortex cerebri, testis *y*. Vide, quàm parum huic seriei cum priori conveniat. Semen gravissimum paratur nunc in organo omnium levissimo. Bilis, quæ salivam pondere insigniter superet *z*, generatur in viscere leviori, quam quidem salivæ cola sunt. Spiritus omnium levissimi, in ponderoso organo percolantur; certo enim experimento comperi, & corticem cerebri in aqua promptissime subsidere, & medulla, iterum ex propriis *Hambergeri* experimentis, gravissima est *a*. Oportebat autem ex hypothese viri Celeb. spiritus, quorum pondus pene nullum sit *b*, a cortice cerebri infinita pene ratione graviore repudiari *c*. Atque adeo vides, levissimos liquores in ponderosissimis organis, gravissimos in levissimis generari. Ipsum argentum vivum, omnibus solidis partibus adeo magna ratione ponderosius, tamen & ipsum vascula subit, & levis ponderis impulsu, & in illos adeo manifesto leviores tubulos altissime penetrat & percolatur, per ipsa

x *Hamberger* *physiolog.* p. 190.

y Testis est ad hepar uti 1600 ad 2304. *Idem* *ibid.*

z Ad eam se habet uti 272 ad 261. *Silberling* l. c.

a Habet se ad hepar uti 3106

ad 2304. *Hamberger* l. c.

b *Hamberger*, *Sauvages*, *Elem. Physiolog.* p. 175.

c p. 479.

tenera vaporis cutaneo patentia vascula *d* , per humoris aquei oculi fistulas.

Possent etiam hic adferri , quæ de vi adhæsiva humorum nostrorum certa fide tenemus. Ea enim alia omnino in ratione est ; quam specificum pondus. Cum enim pondera reperiret ejusmodi vir Clar. saliva 85 , bilis 76 , urina 72 , cohæsiones fuerunt in hoc ordine , saliva 30 , bilis 30 , urina 10 , aqua 10. Immenſa ergo ratione urinæ vis adhæsiva minor est , quam quidem pondus , cum triplo minus , quam bilis cohæreat *e* , & tantum exigua portione , atque $\frac{1}{19}$ minus gravis sit. In alterius Iatromathematici experimentis multo etiam major virium adhærentium a ponderibus diversitas est. Urina nempe , aliquanto quam aqua levior , adhæſionem habet quadruplam , saliva octuplam , parem bilis , sebum , quod aqua levius sit , triplam , pix adeo levis 255 majorem *e**. Sed in hypothesi Ill. *Hambergeri* maxime de adhæſione ad vasa capillaria quæritur , neque de gravitate quæstio est , nisi quoad cohæsionem determinat.

Demum contra Ill. viri opinionem ea omnia faciunt , quæ contra vim specificam viscerum ad parandos unice definitos humores efficacem , jam produximus *f*. Nam & mucus modo gravior aqua , modo levior *g* in eodem organo percolatur : & in easdem cellulas , lymphæ , &

d In vesicatorii aqua mercurius *Lond. mag.* 1755. suppl. ut dudum citavimus.

e *Lamure* l. c.

*e** *In hæmæstat.* p. 43.

f p. 182. ad 189.

g *Senac* l. c. T. II. p. 201.

aqua , & adeps , vel jubente anatomico exit , vel ab ipsa naturæ potestate *b* , aliique & alii humores in eodem separantur , cum nulla specie veri dici possit , ejus coli gravitatem specificam mutatam esse.

Iterum , idem omnino humor , aut simillimus , eadem v. c. saliva , per diversi ponderis organa percolatur , glandulas nempe parotides , maxillares , pancreas , quarum glandularum pondera specifica sunt , ut 2050 , 2660 , 3029 , enormi nempe discrimine diversa *k*. Contra per organa parum diversi ponderis humores diversissimæ gravitatis exeunt *l* , ut in exemplo , spiritus & saliva , quorum organa se habent , uti 1900 & 2050 , adeo vicina , ut in tota serie , quam vir Ill. proponit , nullum propius pondus intercedat.

Denuo adhæSIONES illæ , quæ in quietis humoribus locum habere dicuntur , non ideo perinde valent in humanis humoribus , qui celeri torrente per sua vasa feruntur , & quorum tanta est velocitas , ut vis adhæSIONIS cum eo comparata fere evanescat. Quare ipse vir Ill. vehementer urfit , secretiones eo unice in loco fieri posse , in quo sanguis , quam lentissimo motu feratur *m*. Verum si tardæ aliquæ secretiones sunt , dantur certe & veloces , quæ eam retardationem non sinunt veram esse. Urinae 200

b p. 17. seqq. &c.

i Lamure p. 18.

k Hamberger physiolog. p. 188.

l Si glandulam parotidem

cum medulla oblongata comparaveris Idem ibid.

m Diff. cit. n. 19. &c.

unciae unica in hora per unum renem percolantur, qui aquas medicatas bibunt. Lacruma ab adfectu tristi evidentissimis, & celeriter sibi succedentibus guttulis per genas stillat. Vaporem perspirabilem de ore, deque tota cute videmus, rapidis nebulis exhalare. Deinde non eas esse humorum nostrorum retardationes, quae viribus cohaerentibus locum facere possint, rapideque etiam per minima sanguinem fluere, & ego ostendi *n*, & Clar. *Hambergeri* summus olim amicus, *Franciscus Boissier* o.

Haec omnia ipsum Ill. hypotheseos auctorem sensisse adeo manifestum est, ut ad varias excusationes vir alioquin minime sui diffidens descenderit. Adipem, in exemplo, adfirmavit, parum omnino ab aquae pondere differre *p*: eandem esse viscerum densitatem & vasorum negavit, quando aqua in cellulas adiposas penetrat *q*; denique subtile discrimen inter pondus specificum visceris, & pondus specificum membranae internae vasorum in eo viscere secretoriorum ponit *Idem*, ut omnino ad membranarum internarum eorum vasorum pondus specificum *r* confugere posset, quoties visceris totius pondus suis finibus minus responderet. Cautus enim intelligebat vir acris, nullo experimento posse de pondere specifico eorum

n L. VI.

o p. 194.

p *Physiolog.* p. 197. cum magis utique differat, quam ulli inter se humores humani.

q p. 199. In cadavere pene-

trat. In cadavere omnia sua pondera, omnes suas densitates, Vir Ill, dimetit. est.

r *Physiolog.* p. 180. 193. Diss. cit. n. 26.

parietum constare , neque adeo se de eo asylo dejici.

Quare de hac tota hypothese tamdiu aequum erit ampliasse , donec verioribus experimentis , & vis cohaesionis cum ponderum specificorum proportionem concilietur , & pondera vasorum fecernentium firmiter constituentur.

§. XXXVI. *An a densitate comparata.*

Iatromathematicus *Franciscus Lamure* aliam nuper viam ingressus est , ut arcana secretionum revelaret. Posuit primo loco , tubulos nostros secretorios in omnibus colis adeo arctos esse , ut humorum particulas non transmittant , nisi ex vi aliqua superaddita adigantur *s.* Ad arctiorem enim diametrum perpetuo , dum vita superest , vasa nostra niti *t* , siquidem arteria in cadavere duplo , quam in vivo animale arctior sit. Ita contractorum ductuum membranas internas in plicas collabi *v* , quae & ipsum canalem vehementer arctent , & noncuplo omnino reddant angustiores.

Nunc eae angustiae non possunt superari , nisi vires humoris cujusque , ex velocitate & densitate natae , tantae fuerint , ut resistantiam ductuum excretorios superare valeant *x.* Ductus ergo excretorios quasi clausos futuros ad omnes particulas , quarum momentum minus sit , quam vis resistens canalis secretorii. Et ,

s Diff. cit. n. 26. p. 31.

t p. 32.

v p. 33.

x Ibid.

quoties commisti humores ad idem colum veniunt, admissum iri eos, quorum momentum distendendo conniventi lumini canalis secretorii sufficit *y*, dum eae particulae repudiantur, quarum momentum minus est.

Deinde cum sentiat, fortiores humores tamen per debiliora organa non percolari, neque urinam, quæ sit ut *15*, transire in vias salivæ, cujus tamen momentum minus sit, & se habeat ut *112*, vir Cl. caute ad nervos se recipit *a*, qui in glandulis numerosiores eorum colorum vim contractoriam augeant. In hepate vero, cum salivam, urinam, aliosque humores aquosos, ex hypothesi, in bilis cola oporteret subire, excusationem profert, sanguinem, ex quo bilis paratur, aquosis particulis non abundare *b*.

Nunc quidem eam ductuum excretoriorum enormem angustiam experimentum non confirmat. Viscerum vasa minima potius laxiora esse, quam in musculis aliisque partibus corporis nihil secernentibus, alii Cl. viri, & inprimis auctoris amici *c* sumpserunt. Arterias viscerum alius vir Cl. internam membranam laxiorem, molliorem, rugosam, fere friabilem, cellulofam vero telam laxiorem esse, absque hypothesi docuit *d*. Patulidantur utique inter excretorios canales, in quos aer, utcunque levior minimique momenti capax, expeditissime transeat, ut in renis exemplo, inque cellulis adiposis. Nervorum in glandulis

y p. 34.

z Ibid.

a p. 35.

b p. 38.

c Sauvages *Memoire de l'Académie de Berlin* 1755. p. 49.

d L. II. p. 128.

maiores numerum anatome rejicit *e*. In hepatico sanguine aquam desiderari repugnat naturae sanguinis venae portarum, qui non unice de suis arteriis, sed praeterea de intestinis uberem resorbentem aquam contineat, & aliorum organorum sanguine potius fluidior sit, minusque ad coagulationem inclinet *f*.

e Conf. p. 33.

f Conf. p. 89. &c. & adde quæ *Fasellii* & aliorum Cl. virorum, suo loco adferemus ex *Mekelii*, experimentis. L. XXIII.

FINIS LIB. VII. & TOMI V.





INDEX

TOMI QUINTI.

LIBER SEPTIMUS.

SECRETIO HUMORUM,

SECTIO I.

HUMORES QUI A SANGUINE SEPARANTUR.

- | | |
|--|-----------|
| 1. D ifficultas hujus operis | pag. 1 |
| 2. Classes humorum a sanguine separatorum quatuor | 2. seq. |
| 3. Classis prima. Humores aquei | 3. 4 |
| 4. Humores mucosi | 5. seqq. |
| Eorum indoles | 5. 6. 7. |
| Experimenta cum variis salibus facta | 6 |
| & alcohole | ibid. |
| & igne admoto | 7 |
| Quibus in partibus corporis humani reperiuntur | 8. seqq. |
| Utilitas | 9 |
| 5. Humores gelatinosi | 10 |
| Eorum indoles | 10. seqq. |
| Enumeratio | ibid. |
| Liquor articulorum | ibid. |
| 6. Humores oleosi | 13. seqq. |
| Enumerantur | ibid. |
| 7. Humores compositi | 15. seqq. |
| 8. Humores varii pene perfecti in sanguine reperiuntur | 16. 17 |

9. In quocunque colo quicunque liquor potest separari
17. 18.
 Perspiratio ad alvum, urinam, nares,
 Salivam convertitur 18. 19. 20
 exhalatio intestinalis migrat ad cutem 20
 & urina in aliena cola exit 20. 21. 22
 muci loco aqua & lymphæ percolatur 23
 Lymphæ in aliena vasa aberrat 24
 & oleum 24. 25
 & lac 25. 26
 Etiam injecti liquores per vasa sui dissimilia excernuntur 27

S E C T I O II.

FABRICA COLORUM S. ORGANORUM
SECRETORIORUM.

1. Aquosi humoris cola 27
 Secernuntur per vascula arteriis continuata 28
 2. Per glandulas 29
 Glandulæ conglomeratæ 29 *seqq.*
 Earum fabrica. Acini 30
 tela cellulosa 31
 arteriæ 31. 32
 nervi, in glandulis non magni 32. 33
 3. Ductus excretorii descriptio 33. 34
 4. Num ultima fabrica acinorum cava sit 35
 5. Cavam esse *Malpighius* docuit *ibid.*
 Nixus comparatione cum visceribus, quæ acinis pariter
 consent 36
 etiam veris acinis, non crassioribus lobulis 37. 38
 Si acini in nonnullis exemplis cavi sunt 39
 6. Comparantur etiam cum glandulis, quæ ex simplicibus
 componuntur 39. *seqq.*
 manifesto cavis 40
 7. Acinos cavos esse persuadet, quod per morbos mole
 augeantur 41. *seqq.*
 & distendantur aut humore visceri cuique proprio 41. 42
 aut alio vitioso humore *ibid.*

- aut aqua , hydatidum exemplo 43
 Inde constare creditur , acinos viscerum cavi esse 44
 Sententia *Malpighii* undique recipitur *ibid.*
 7. *Ruysschii* sententia , glandulas ex vasculis componi 45
 Argumenta causæ. Vasorum repletio 47
 Transitus sebi ex arteria in ductum excretorium 48. 49
 9. Objectio. Non tota viscera replentur , & multa materia
 non vasculosa superest 47
 Respondetur , eam materiem cavis folliculis non
 fieri 48
 10. Alia argumenta. Exemplum acinorum testis 49
 & fructuum horæorum *ibid.* 50
 11. Respondetur ad argumenta a morbis repetita 50. *seq.*
 Similes rotundi tumores nascuntur ubique in cellulosa
 tela *ibid.*
 12. tum hydatides 52. *seqq.*
 Ex cellulosa tela natae 53. 54
 Aliæ hydatides vasorum varices esse videntur 54
 Opiniones aliæ de hydatidum origine 55. 56
 13. Alia pro *Ruysschii* causa argumenta 56
 Secretionis imitatio per liquores in arterias injectos 56
 Lentor nimius , qui ex fabrica glandulosa oritur 57
 14. Causa *Ruysschiana* superat 59
 Ea sententia exponitur *ibid.*
 Recipitur undique 60
 15. *Antonii Ferrenii* vascula alba 61
Jacobi Benigni Winslow villi exhalantes 62. 63
Vieussenii ordines ductuum excretoriorum 64
 16. Muci cola. I. Exhalat ex arteriis 64. *seqq.* 65.
 17. II. Glandula simplex 65. *seqq.*
 in linguæ basi 66
 18. Glandula membranacea 67- 68
 Ductus excretorius *ibid.*
 varietates *ibid.*
 19. Glandulæ ex simplicibus compositæ , congregatæ 69
 20. Sinus mucosi simplices 70
 21. Organa quæ liquores gelatinosos fecernunt 71
 Arteriæ exhalantes 72
 22. III. Glandulæ conglomeratæ , in articulis positæ 73

23. Eæ figillatim recensentur 73-77
 24. Aliæ congeneres, simplices glandulæ 78-80
 25. Viæ quibus humores oleosi de sanguine separantur 81
 Exhalant aliqui *ibid.*
 Alii per folliculos generantur 82
 Glandularum sebacearum catalogus 82. 84
 simplices 81
 Aliæ absque conspicuo ductu 83
 Aliæ cum ductu excretorio 84
 Aliæ compositæ *ibid.*
 Aliæ de sinuum genere *ibid.*
 26. Peroratio. Colligitur in quibus organis quodque humo-
 ris genus nascatur 85

S E C T I O III.

*CAUSÆ QUÆ FACIUNT, UT IN DEFINITÆ
 FABRICÆ ORGANO SUUS SEMPER DE
 SANGUINE HUMOR SEPARETUR.*

1. Rei difficultas 86. *seqq.*
 Non cuilibet humorum classi sua glandularum tribus
 respondet 87
 2. Conditiones quæ ad secretionem præparant 88
 Sanguis ad aliqua cola ejusmodi advenit, qui pecu-
 liariter similis sit humoris in eo colo generati 89
 Exemplum in hepate *ibid.*
 Aliud in capite. Eo tendunt particulæ volatiles 90
 3. Particulæ definitæ indolis copiosius se ad nonnulla cola
 offerunt 91. *seqq.*
 exemplo particularum levium, rotundarum, grä-
 vium 92. 93
 Leviores particulæ ad ambitum arteriæ separatoriæ
 feruntur 93
 aut arteria jam separata particulas [adfert a reliquo
 sanguine diversas 94
 4. Velocitas sanguinis in aliis & aliis partibus alia esse
 potest 95
 quibus

quibus de caulis	96.	97
Effectus velocitatis majoris		98
Copia secreti humoris major		<i>ibid.</i>
Particularum majorum separatio		<i>ibid.</i>
secretiones impuræ		<i>ibid.</i>
fluidorum humorum		99
5. Tardioris in sanguine arterioso motus causæ		100
Effectus, humores puri	100.	101
viscidi		101
duplicatus effectus tarditatis		102
6. Alii effectus	103.	104
Causæ diversorum humorum separandorum, quæ sunt in ipso colo		105
Habitus arteriolarum ejus organi & ejus effectus		106
Arteriolæ rectæ		107
Flexæve		<i>ibid.</i>
7. Anguli ad quos rami secedunt	<i>ibid.</i>	110
Quantum huic retium discrimini possit tribui		111
Non videtur esse causa, quare alii & alii humores separantur		112
8. Diversa diameter vasculi, quod ab arteria succum separatum recipit	112.	<i>seqq.</i>
Vasorum series	<i>ibid.</i>	113
ut hæc cum experimentis convenient		114
Diversus ordo, quo vascula secernentia nascuntur	114.	<i>seq.</i>
Qui hac consideratione usi sunt		118
9. Contra hanc theoriam objectiones		119
a vasis majoribus adulti animalis, & minoribus in animale juniore respondetur		<i>ibid.</i>
10. Ad eas objectiones ut respondeatur		120
Humores nostri alii aliis ponderosiores sunt		121
<i>Francisci Boissier</i> conjectura de evolutione vasculorum separatoriorum		121
Cur eam non liceat admittere		122
Evolutio vasorum in adulto homine non probabilis est	122.	123. 124. 125
Facillime difficultas solvitur	125.	126
11. III. Diversa densitas ostioli separatorii		127

- non repugnat anatome 128
12. IV. Alia & alia vis irritabilis in organo secretorio 129
 Per experimenta confirmatur 129 - 133
 etiam a stimulis, qui ostio excretorio non adplicantur 133
 Hypotheses ad nerveam vim explanandam excogitatae 134
- Animæ vis secretionum gubernatrix 134. 135
 cur admitti nequeat 135
13. V. Ductus excretorius in principio suo potest
 rectus esse 137
 brevisque 137
 quæ inde sequantur *ibid.*
 Potest flexus esse variis modis 138
 longusque *ibid.*
 Fabricæ variatæ effectus varietas humoris. 138 - 140
14. VI. Folliculus, & receptaculum 141
 Exempla receptaculorum 142. 143
15. Receptacula retinent separatim humorem 143
 sphincteres quibus clauduntur. Manifesti: inconspicui 143. 144
16. In folliculis humor spissatur 145. 146 - 148
17. Resorptionem particularum tenuiorum in folliculis fieri
 ostenditur 149. 150
18. Quare humores in folliculis depurentur 151
 Aquæ nimia copia abacta particularum copia augetur,
 quæ cujusque humoris characterem constituunt *ibid.*
19. In folliculis etiam diversi humores commiscuntur, &
 nascuntur ex miscela novi 152. *seqq.*
20. Humores in folliculis morantes acrimoniam urinofam
 concipiunt 155
21. Folliculi retinent humores, ut possint excerni majori
 copia & tempore legitimo 156
22. Quibus a potentiis folliculi inaniantur 157
 Folliculi minores a fibris inconspicuis 157. 158
 Majores a fibris musculosis circumpositis 158. 159. 160
 Cingula musculosa toti latæ corporis caveæ circumpo-
 sita 161. *seqq.*
 utique pressio mechanica ea receptacula inanit 160
23. Receptacula cæca 161

24. VII. Conditiones jam recensæ varie combinari possunt 162
 Ut eædem visciditati causæ in trunco & ramis 162. 163
 aut diversæ causæ lentoris *ibid.*
25. Quæ exposuimus in compendium reducuntur 164
 Humor elementa, quæ sunt in sanguine *ibid.*
 Humores viscosi trium generum 165
 Adeps in crassissima post sanguinea ostia exit *ibid.*
 in minora aliquanto lymphæ *ibid.* 166
 iterum in angustiora mucus 166
 & denuo in arctiora aqua 167
 aliqua tamen aquæ portio cum sanguine manet *ibid.*
26. Ut diversæ causæ visciditatis combinentur in bile 168
 in femine 169. 170
 albuminosi humores 171
27. Ut ad aquosi humoris generationem conditiones con-
 sentiant, quos hactenus diximus 172
 In rene *ibid.*
28. Hypotheses variae 173
 Fermenta *Helmontii* 173. 174
Thomæ Willis 175
Guilielmi Cole *ibid.*
Johannis Pascal 176
L. Bellini 176. 177
 Causæ, cur admitti nequeant *ibid.*
29. Figuræ pororum ad certas particulas transmittendas
 aptæ 178
 Causæ quare non possis recipere 179. 180
 Argumenta *Archibaldi Pitcarnii* 182. 183
30. Cola, sive humorum ad primigenios humores, in quo-
 que organo secretorio residentes adtractio 182 *seqq.*
 aut ad certæ densitatis tubulos 183
31. Non verum est, in eodem organo secretorio a primis
 vitæ principiis eundem humorem separari 184. 185
 ne in plantis quidem 185
32. A definitæ densitatis vasis certi humores num trahantur
 186. *seqq.*
 Id repugnat experimentis 187

- Nam per quodque fere colum quisque liquor transit 187. 188
 & in animalibus, quorum vasa diversissima sunt densitate, tamen simillimi humores percolantur 189
 33. Adtractio parricularum similium a *Keilio* proposita 189. *seqq.*
 34. Adhaesio ad partes vasorum excernentium solidas major, uti earum pondus specificum propius est specifico humoris ponderi 192
 Haec hypothesis ex *Hambergero* proponitur 192. *seqq.*
 35. Animadversiones 193
 Non recte definitur pondus viscerum specificum 193. 194
 Neque pondera viscerum a Cl. viro definita sunt in ratione ponderum humorum 194. 195
 Et humores diversi ponderis per idem organum percolantur *ibid.*
 Et adhaesio in humoribus motis parum potest 197
 Auctor ipse sensit hypotheseos infirmitatem 198. 199
 36. Hypothesis *Francisci Lamure* 200
 Ad eam animadversiones 201 *seqq.*







